



علاقات خطرة

د. محمد طه





للمزيد من الروايات والكتب الحصرية

انضموا لجروب ساحر الكتب /fb/groups/Sa7er.Elkotob sa7eralkutub.com او زيارة موقعنا

عَلاقَاتُ خَطِرَةُ

د. مُحَمَّد طه



إهداء..

ال

ڪريم.

وإلى سلمى..

لكما كل عمرى.. وحياتي.. ورحلتي..

-18	الصندوق		189
-10	ما تصدقش كل حاجة إنت مصدقها		100
-17	الكاريير	شيفت	109
-14	إنت مين	ن؟	VFI
-11	الصورة اا	الكاملة	177
-19	جهاد الج	جينات	140
-7-	علاقات خطرة		190
	- 1	العَلاقة مع شخصٍ نرجسي	199
	-4	العَلاقة مع شخص اعتمادي	4.4
	-4	عَلاقة التقديس	3.7
	- ٤	عَلاقة العمى	7-7
	_0	العلاقة مع حد موسوس	Y - A
173	7-	العلاقة مع اللاشيء	*1.
	-٧	العلاقة اللي تحير	717
	-^	العلاقة اللي تجنن	317
	-9	العلاقة مع سيكوباث	717
	-1 -	العلاقة اللي ما تتسماش	TIA
	-11	علاقة الضحية والجاني والمنقذ	**
	-14	العلاقة اللي تكون فيها دامًا متهم الملحدة الله	***
	-17	العلاقة مع مدمن علاية الأركال مريده في الثان	770
	-1 2	العلاقة الجزئية مخلاطات محدو مرايكا والبط	TTV
	-10	علاقة الحبل السري	779
	-17	العلاقة مع شخص تمثيلي فالمع مصيطا باورا	***
	-1 \	علاقة التقمص	TTE

للمزيد من الروايات والكتب الحصرية الفهرية المختلفة المختلفة المختب المحتوب ساحر الكتب المحتوب المختب المحتوب المختب المحتوب المختب الم

777	العلاقة مع مجموعة	-11
779	علاقة كبش الفداء	-19
761	علاقة تحقيق النبوءة	-4.
754	علاقة البلع	-71
760	العلاقة مع شخص انطوائي	-47
YEV	العلاقة مع نسخة قديمة من نفس الشخص	-44
769	علاقتك بدورك في المجتمع	37-
TOT	العلاقة مع شخص مستغل	-40
100	علاقة التقمص الإسقاطي	77-
YOA	علاقة الزواج	-44
777	العلاقة الجنسية	-47
777	إيه فيك اللي بيعمل علاقة؟	-44
779	العلاقة الحقيقية	-4.



للمزيد من الروايات والكتب الحصرية

مُقدِّمة

مُمكن تكون أعقد حاجة في الدنيا هي العلاقات بين البشر.. مش بس أعقد.. لا.. هي كمان أخطر، وطبعًا أصعب..

العلاقات بين البشر زي ما هي أحد الأسباب المهمة للسعادة والبهجة والإقبال على الحياة.. ساعات بتكون أحد أهم مصادر التعاسة والألم.. ممكن علاقة تطلعك سابع سما، وعلاقة تانية تنزلك سابع أرض.. اللي بيبوظ ويشوه ويوذي الناس علاقة.. واللي بيصلح ويغير ويعالج الناس برضه علاقة.. إحنا بنكبر من خلال علاقاتنا مع بعض..

فيه دراسة اتعملت في جامعة هارفارد واتنشرت قريب.. الدراسة دي استمرت ٧٥ سنة، أجيال من الباحثين وأجيال من البشر.. كانوا بيشوفوا هو إيه اللي فرق في حياة الناس بعد السنين الطويلة اللي عاشوها هما وأولادهم وأحفادهم.. معظمهم كانوا متصورين في الأول إن اللي هايفرق في حياتهم هو الفلوس والشهرة وغيرها..



بس اكتشف الباحثون في آخر الدراسة إن أكتر حاجة فرقت في صحة الناس النفسية والجسدية، وطول أعمارهم ومدى سعادتهم وقدرتهم على مقاومة الأمراض والأحزان والشيخوخة وغيرها.. هي وجود علاقات طيبة في حياتهم.. علاقات فيها قرب وحب وتراحم وتفاهم.. علاقات كان الطرف التاني فيها متاح وموجود في عز الأوقات الصعبة.. وعلى العكس.. الناس اللي ما كانش عندهم علاقات بالشكل ده في حياتهم.. أعمارهم كانت أقصر.. نسبة إصابتهم بالأمراض المختلفة كانت أكتر.. قدرتهم على تحمل الألم النفسي والجسدي كانت أقل.. وجالهم كمان ألزهاي في شيخوختهم..

العلاقات الطيبة هي أكسير الحياة.. وهي الترياق الوحيد ضد الذبول الروحي.. والموت النفسي..

في كتاب (علاقات خطرة) هانتكلم عن أنواع وأشكال كتير من العلاقات.. بدءًا من علاقتك بنفسك.. وانتهاء بعلاقتك بكل اللي حواليك.. علشان كده الكتاب مقسم إلى خمسة أقسام..

القسم الأول (الفصول من ١ إلى ٣) يخص تركيبتك أنت شخصيًا.. اللي مهم تعرفها وتبقى واعي بيها قبل ما تعمل أي علاقة مع أي حد.. هانتكلم عن علاقتك بجسمك.. وعن تكوينك النفسي الرجولي والأنثوي.. وعن التلات أشخاص اللي عايشين جواك..

القسم التاني (الفصول من ٤ إلى ٦) عن بعض الحاجات المهمة جدًّا في علاقتك بالآخرين.. هو إنت في العلاقة دي بتكون نفسك واللا بتكون حد تاني؟ طيب هو إنت شايف اللي قدامك زي ما هو واللا بتتعامل مع حد غيره في صورته؟ طيب اللي قدامك نفسه بيتعامل معاك كما أنت، واللا بيلبسك صورة حد غيرك؟

للمزيد من الروايات والكتب الحصرية

انضموا لجروب ساحر الكتب /fb/groups/Sa7er.Elkotob او زيارة موقعنا sa7eralkutub.com القسم التالت (الفصول من ٧ إلى ١٠) هانشوف فيه نتيجة اضطراب ولخبطة بعض علاقاتنا مع الآخرين. خاصة القريبين مننا. وإزاي ده ممكن يخلينا نرجع في تاريخنا النفسي للخلف بحثًا عن لحظة واحدة كنا حاسين فيها بالأمان، أو نغرق في خيالات وأوهام أو أفكار ووساوس مالهاش أي علاقة بالواقع، أو نتمنى حتى الرجوع للرحم وحياة الجنين علشان ننفصل عن لدنيا، ونبعد عن أذى الناس.

القسم الرابع (الفصول من ١١ إلى ١٩) عن التغيير.. عن الشفاء والالتئام النفسي.. عن قبول كل مشاعرك وأجزاءك من غير نقص أو تشويه أو اختزال.. عن قبول الحياة وقبول الموت.. عن امتلاء كل الفراغات النفسية اللي جواك.. والخروج من الصندوق الضيق المظلم المغلق عليك من سنين.. عن إنك تكون نفسك.. وتسيب كمان أثر طيّب وراك.. وطبعًا التغيير ده مش هايحصل من غير ما تشوف الصورة الكاملة لكل اللي فات من حياتك قدام عينيك، وتقرر إنك تفضل طول عمرك في جهاد نفسي شريف لا يتوقف، في مواجهة كل ما قد يصيب نفسك بسوء.. حتى لو

وأخيرًا.. وبعد ما شوفت وحسيت واتحركت واتغيرت.. وبعد ما اتفكيت واتجمّعت واتلملمت والتأمت.. هانستعرض في الفصل العشرين والأخير بعض أنواع وأشكال العلاقات اللي مهم تاخد بالك منها في رحلة حياتك.. علشان تبقى واعي بيها، وتعرف تلقطها وتشوفها كويس، وتحمي نفسك منها بكل شجاعة ومسئولية.. مهما كان التمن..

الكتاب عبارة عن وجبة نفسية دسمة، يُفضل تناولها على فتراتٍ، وبجرعاتٍ مناسبة.. ولو حسيت في أي لحظة بمشاعر زيادة مش عارف تتصرف فيها، أو لقيت جواك أسئلة صعبة مس لاقي ليها إجابة، أو اكتشفت إن عندك مشكلة نفسية محتاجة علاج.. أنصحك وقتها إنك تقعد تفضفض مع أقرب طبيب نفسي.. زي ما بيحصل في كل دول العالم المتقدم.

وزي كتاب (الخروج عن النص) اللي ما كنتش متوقع نجاحه الكبير ولا متصور انتشاره الواسع.. (علاقات خطرة) مكتوب بالعامية المصريّة، للتبسيط والتيسير، وتوصيل الأفكار والمعلومات النفسيّة العميقة والمُعقدة في بعض الأحيان، باستخدام لغة سهلة ومفردات بسيطة وقريبة.. أنا بكتبلك وكأنى قاعد معاك.. وبكلمك بنفس طريقتي، ونفس لهجتي، ونفس كلامسي..

عاوز أقولكم حاجة مهمة.. كل الفضل في هذا الكتاب وفي كل ما سبقه أو تلاه من كتب أو مقالات أو محاضرات يرجع للراجل اللي علمني ورباني وساعدني إني أتغير خطوة ورا خطوة ويوم بعد يوم.. الراجل اللي علىم آلاف الناس غيري، وعاليج آلاف أخرى بأشكال وطرق مختلفة مباشرة وغير مباشرة.. وصنع حركة علمية علاجية نفسية حقيقية وعميقة في مصر والعالم العربي خلال الكام سنة اللي فاتوا.. وأنا -فقط- أحد نواتجها، ولست أحسنها.. الراجل ده أنا مدين ليه بعمري وحياتي وعلمي وكل عملي الحقيقي الطيب. لأني اتعلمت منه يعني إيه حياة، ويعني إيه عمل..

17



كل ما تقروا كلمة من كلامى أو تسمعوا منى محاضرة أو ندوة أو لقاء في أى سياق.. اعرفوا إنى بالظبط زى (البوسطجى).. مش باعمل أى حاجة أكتر من إنى أوصل رسالة من صاحبها إلى مستقبلها.. وافتكروا إن الصاحب الحقيقي والأصيل لكل الرسايل اللى بوصلها اسمه (د. رفعت محفوظ).. أستاذى وأبى الروحى.. اللى قاللى في يوم من الأيام "لو عاوز ترد لى الجميل.. علم الناس اللى أنا علمتهولك".. واللى أحد أهم مبادئه في التعليم والعلاج: "أنا مصدق إن أى حد من اللى بعلمه أو أعالجه هايكون في يوم من الأيام أحسن منى.. وده نجاحى الحقيقي".... احفظوا الاسم ده كويس.. و ادعوله بكل خير..

أخيراً..

الكتاب ده عنك..

وعن اللي حواليك..

وعن اللي بينكم..

الكتاب ده.. مش ها يفارقك..

لأنه بكل بساطة..

ها يبقى حتة منك..

واحتمال تكتشف مع آخر صفحاته..

إنك شاركت في كتابته..

يا للا بينا..



اسمع جسمك



للمزيد من الروايات والكتب الحصرية

انضموا لجروب ساحر الكتب /fb/groups/Sa7er.Elkotob sa7eralkutub.com

بتحب جسمك؟

سؤال غريب.. مش كده؟ ﴿ وَهُ الْمُعَالِمُ الْمُعَالِمُ الْمُعَالِمُ الْمُعَالِمُ الْمُعَالِمُ الْمُعَالِمُ الْمُ

غالبًا أول مرة حد يسألهولك..

بالرغم من إنه رفيق عمرك وصاحبك من يوم ما اتولدت.. وبالرغم من إنك ساكن فيه حتى من قبل ما تتولد.. وبالرغم من إنه ياما شاف واستحمل معاك!

بتحبه?

طيب بتكرهه؟

قابله؟

مش قابله؟

بتحترمه؟ أحد عليا والحيال الحيقة اللهاسية والأند ويعدمه وينتق الم

بتحتقره؟ والمحمد والمحمد كالماهو والمحمد المحمد وجور والما والماهو

بتهتم بيه؟

?aloar

واللا أقولك.. بلاش إنت.. خلينا فيكي إنتي.. ويدع طلمة المعامة واللا

حاسة بوجوده؟

حاسة إنه جزء منك وإنك جزء منه؟

للمزيد من الروايات والكتب الحصرية fb/groups/Sa7er.Elkotob/ انضموا لجروب ساحر الكتب sa7eralkutub.com

حاسة إنه بينتمي ليكي وإنك بتنتمي ليه؟ واللا بتتعاملي معاه على إنه حاجة طالعالك كده ومضطرة تتعايش معاها؟

حاسة إنه فخر ونعمة وجمال واللا بلاء ونقمة وعار؟

إمتى آخر مرة سمعتيه؟

أو إمتى آخر مرة حاورتيه وأخدي وإديتي معاه؟ من الآخر؟ نجيب من الآخر؟

هو فيه علاقة بينك وبين جسمك من أصله؟

طيب..

خلاص..

(Y)

جسمك أصدق منك..

آه.. يعني ممكن بكل بساطة تقول بالكلام إنك مطمئن بس رجلك اللي بتتهز عمال على بطال تقول في نفس الوقت إنك مليان خوف.. ممكن لسانك يقول (صباح الخبر) بس وشك المكشر بيقول (صباح الخبر) بس وشك من نفسك. لكن هزة صوتك ورعشة إيدك تفضحك.. علشان أي تواصل بينك وبين حد، الكلام مش بيوصل فيه أكتر من لا في المية بس من الرسالة.. وكل الباقي بيوصل بالطريقة اللي اتكلمت بيها، ووضع وحركة وتعبيرات جسمك وإنت بتتكلم..



سيجموند فرويد قعد أكتر من ٣٠ سنة يحلل في الناس عن طريق الكلام اللي بيقولوه وهما ممددين قدامه على الشيزلونج.. واكتشف في آخر حياته إن بعض اللي كان بيحكهوله مرضاه ومريضاته عن صدماتهم الجنسية في طفولتهم كان محض خيال.. وبعدها بدأ الألماني (فريتز بيرلز) يدوّر على مصدر أصدق من الكلام لمعرفة تركيبة النفس البشرية ومحتوياتها وأمراضها وعلاجها.. لغاية ما لقى ضالته في (الجسد).. ولغته.. ومعناها.. وعمل مدرسة كاملة في العلاج النفسي اسمها (الجيشتالت).

واكتشف (بيرلز) إن كتير مننا، كلامهم منفصل عن جسمهم، منفصل عن مشاعرهم، منفصل عن أفكارهم.. يعني كلامك في حتة، وجسمك في حتة تانية، ومشاعرك في حتة تالتة، وأفكارك في حتة رابعة.. وكل حاجة منهم بتقول معنى غير التاني، وماشية في اتجاه غير التاني، وغالبًا مش بيتقابلوا.. وإننا لو عاوزين نكون أصحاء نفسيًا.. يبقى مهم إن اللي أفكر فيه، يمشي مع اللي حاسه، وإن اللي بقوله بلساني يكون هو اللي بقوله بجسمي.. يعنى أكون كل واحد صحيح.. مش أجزاء متفرقة.. كل جزء فيهم شغال لوحده.. وعايش مع نفسه.. وما لهوش دعوة بغيره..

(بيرلز) كان بيعالج مرضاه بإنه يعرفهم على جسمهم من أول وجديد.. ويصالحهم عليه.. ويرجعلهم اللي فقدوه منه ومن نفسهم خلاله (وطلع بعدها العلاج بالحركة والعلاج بالرقص والعلاج بالفنون التعبيرية)..

كان بيسألهم ويخليهم يسألوا نفسهم:



جسمك بيقول إيه؟

جسمك عاوز يعمل إيه؟

جسمك ملك مين؟

جسمك ملك مين؟

جسمك ملك مسيسين؟ ويثيا رسفيا تسيدة تراسل ملك مسج

تيجي تسأل نفسك السؤال ده.. اسأل كده: جسمي ملك مين؟

احتمال تكتشف إنك عشت طول عمرك مسلم عقد ملكية جسمك لحد تاني.. أبوك.. أمك.. المجتمع.. جوزك.. الناس اللي ماشية في الشارع!!

المعالم عبر الباليد والنا من المعالم ا

ما تستغربش لما أقولك إن جسمك ده فيه متحف حفريات؟ آه.. جسمك فيه متحف حفريات.. مليان تحف غالية وتماثيل قديمة ولوحات من عصور سابقة..

إزاي؟

كل مرة كنت راجع من اللعب في الشارع ورجلك مش نضيفه ومامتك وقفتك على الباب وقالتلك: "إوعى تدوس على السجادة".. رجلك خزنت الطاقة اللي كانت فيها واحتفظت بيها لغاية النهاردة..



كل مرة كنت هاقد فيها إيدك على الأكل وإنت في زيارة مع عيلتك لحد، وأبوك بصلك البصة اللي نشفت إيدك مكانها.. عضلات إيدك قررت تفضل فاكرة الذكرى دي لغاية دلوقت..

كل مرة جيتي تلبسي الفستان وتوريبه لمامتك (وإنتي عندك خمس سنين) وقالتلك عيب يا بنت ده ضهره عريان.. ضهرك لسبه فاكرها..

كل مرة حبيتي تكتشفي أي حتة في جسمك (وإنتي عندك تلات سنين)، وأخدتي قلم محترم على وشك.. عضلات وشك مش ناسياها..

كل مرة حد حاول يقرب من جسمك بشكل غريب وغير مريح.. جسمك حافظها بكل تفاصيلها..

وتمر الأيام.. وتعدي السنين.. ونكبر.. وكل حتة في جسمنا فيها ذكرى.. وكل خلية فيها حكاية.. وكل منطقة ليها تاريخ.. وكل واحد وطريقة تعبير جسمه عن ذكرياته وآلامه القديمة..

اللي يجيله قولون عصبي.. واللي يحصله صداع مزمن.. واللي طريقة مشيته كأنه متخشب.. واللي إيده تترعش قدام الناس..

اللي تكره جسمها فتهينه وتبهدله وتعرضه للبيع:. واللي ترفضه فتسيبه يزيد ويتنفخ.. اللي تحتقره فتبطل تاكل أو تتقيأ الأكل اللي بتاكله.. واللي مش طايقاه ومش طايقة فيه نفسها فتقطعه بالمشرط أو تخربشه بضوافرها لغاية ما يسيل دم..



واللي تقرر تنتقم من كل اللي أذوها طول حياتها، بأنها تنتقم منهم في جسمها، وتنقبل معركتها معاهم لأرضه..

اللي مش شايفة جمالها، واللي مش مصدقاه، واللي مستكتراه على نفسها.. اللي بتتكسف من جسمها، واللي مش حاسة بيه، والـلي بتسـتغربه.. وينا من المالي المالي المالي

اللي شعرها يسقط بدون أي سبب طبي واضح.. أو دورتها الشهرية تتلخبط بدون أي تفسير.. أو بشرتها تقوم بثورة عليها.. أو تتجنب لو وزنها زاد كام جرام..

اللي يجيله حساسية جلدية من غير تفسير.. واللي يحصله آلام مزمنة في كل حتة في جسمه رغم كل الفحوصات والتحاليل السليمة.. واللي وشه يتملى تجاعيد قبل الأوان.. وفي الآخر.. اللي جسمه يقرر يخونه ويقع ويهدم نفسه بنفسه بجلطة في المخ أو مرض من أمراض (المناعة الذاتية)..

جسمك مش بينسي..

جسمك بيفتكر كل حاجة..

جسمك له كيان.. وله وجود.. وله ذاكرة..

جسمك له هيبة.. و ال مدي رساله و المستعدد و الله عبيد المديد

للا أعلى الرائدة والمناسبة في المناسبة المناسبة المناسبة المناسبة المناسبة المناسبة المناسبة المناسبة المناسبة

المسال المسالمة الأكراله ومش طايلته ومش والمراه المالية المالية



من أكتر الأمراض النفسية المنتشرة في منصر نبوع منها اسمه (الأمراض النفس- جسدية).. يعني الأمراض اللي فيها المريض بيشتكي بأعراض جسمانية، لكن سببها الحقيقي نفسي مش عضوي..

الأمراض دي بتنتشر في بعض المجتمعات اللي بيكون فيها التعبير عن الألم النفسي أو المشاعر النفسية الحقيقية غير مقبول.. علشان عيب.. أو غلط.. أو محن.. أو قلة أدب.. فيضطر الجسم شخصيًّا إنه يعبر عن الألم النفسي.. بس بلغته الخاصة..

كتير أوى من الأطباء المصريين في جميع التخصصات تقريبًا بيلاحظوا ظاهرة شهيرة جدًّا في العيادات والمستشفيات: إن العيان مـش بيخـف (رغـم صحـة التشخيص والعـلاج)، أو مش بيبطل يشتكي (رغـم إنـه إكلينيكيًّا خـف)، أو إنـه بمجرد ما يظهر عليه بوادر تحسن يبطل العـلاج (رغـم تنبيـه الطبيب عليـه)، أو إنـه يخـف فعـلا بس يتعب تـاني قبـل يـوم واحـد مـن زيـارة الطبيب للاستشـارة!.. والسـبب ورا ده بسـيط جـدًّا.. وهـو إن الاحتياج للاستسارة!.. والسـبب ورا ده بسـيط جـدًّا.. وهـو إن الاحتياج النفسي الإنساني البسيط الـلي الجسم عبر عنـه بالمـرض (النفس-جسـدي) أو مـع المـرض (الجسـدي) لسـه لم يشـبع.. الاحتياج ده اسـمه: الاحتياج للاهتـهام.. الاحتياج إني أتشـاف.. وأتسـمع.. وألاقي حـد يهتـم بيـا..



الزوجة اللي زوجها مشغول عنها طول الوقت، شوية في شغله، وشوية بيقرا الجرايد، وشوية بيشوف الأخبار.. عقلها الباطن عارف كويس قبوي إنه غير مسموح ليها تعبر عن تذمرها وضيقها (وإلا اللي حواليها وأولهم أهلها وناسها ومجتمعها هايستنكروا ده ويطلبوا منها تحمد ربنا على اللي هيه فيه).. فيختار جسمها إنه يعبر عن اللي جواها بألم في كل حتة، ومشاكل في الهضم والتنفس وبذل المجهود وصعوبات عضلية وحسية وساعات كتبر جيدًا جنسية..

التلميـذ الـلي أهلـه مـش شايفين منـه غـير درجاتـه ونتيجتـه في الثانوية العامة، مش هايقولهم (ارحموني) أو (شوفوني أنا مش نتيجتى) أو (حرام عليكم اختزلتوني في أرقام يا ولاد الـ....).. لا.. جسمه هایتکلم بدلًا منه وهایجیله (صداع) ما لهوش تفسیر ولا عيلاج..

البنت اللي اتعرضت للتحرش والانتهاك البدني في مجتمع (متدين بطبعه) بيوصل للبنت كل لحظة إن جسمها (عار) لازم تخجل وتتكسف منه.. وإن وجودها غير مرغوب فيه من أساسه.. هاتخاف تعبر عن غضبها وإصاطها ورغبتها إنها تاخد حقها على مرآى ومسمع من الجميع.. فجسمها يقرر يقوم بالمهمة دى بدالها ويعلن عن عصيانه ليها، وليهم..

ونلف على العيادات.. ونعمل تحاليل.. ونصور أشعات.. وتتلخبط العلاقات.. وتبوظ الجوازات.. وتنتهى العائلات.. ولا حول ولا قوة إلا بالله..



كتير جدًا من التشبيهات والاستعارات اللغوية هي في الحقيقة أوصاف جسمانية.. بس إحنا من كتر ما بنستخدمها.. نسينا أصلها..

يعني في (فكرة حلوة).. كلمة (حلوة) دي بتوصف طعم.. أصله حاسة التذوق.. وفي (راجل خشن).. الخشونة دي ملمس.. أصله حاسة اللمس.. وفي (صارخة الجمال).. كلمة (صارخة) دي بتوصف صوت عالي جدًّا.. أصله حاسة السمع.. وغيرهم كتير..

إشمعنا؟ إيه دخل الكلام ده في الموضوع؟

في الحقيقة.. هو ده الموضوع.. هو ده كل الموضوع..

الموضوع إننا نسينا الأصل.. وانشغلنا بالفرع.. الأصل هو جسمك.. اللي وجود أي لغة كلامية اللي وجود وتعبيره سبق بكتير جدا وجود أي لغة كلامية لفظية.. واللي هو الوعاء اللي ربنا اختارهولك علشان يستودع فيه نفسك وروحك. البحر الواسع اللي بتمشي فيه شرايينك وتستقر فيه أعضاؤك.. المنجم الغالي اللي هاتفضل تستكشف اللي جواه طول عمرك..

بس إحنا نسينا جسمنا لغاية ما بعدنا منه وبقي غريب علينا. قمنا بعقوقه منتهى الصفاقة، ومش بنبطل نقوله (أف كك) ليل ونهار.. حرمناه مننا.. وحرمنا نفسنا منه.. معتمله



تيجي نفتكره؟ طيب ياللا.. اسأل نفسك تاني:

بتعامل جسمك إزاي؟ علاقتك بجسمك إيه؟ إيه الرسايل اللي وصلتك عنه.. مرة باسم التربية ومرة باسم المجتمع ومرة باسم الدين- زورًا وبهتانًا؟ إيه الرسايل اللي بتوصلك منه؟ وإيه الرسايل اللي انت بتوصلهاله؟

بتسمعه؟ بتعرف تسمعه؟ بتعرف تفهم هو عاوز يقول إيه؟ بيصرخ إزاي؟ بيبكي إمتى؟ بتصس هو محتاج إيه؟ بتشوف قراراته واختياراته؟ قادر تستوعب حكمته وفلسفته؟

إوعى تكوني فاكرة إنك هاتخسي طول مانتي بتكرهي جسمك.. اقبليه الأول.. هايخس بعدها بمنتهى البساطة، وبأقل مجهود، ومن غير دكاترة ولا براميج دايت..

بلاش تتعامل مع جسمك على إنه (ثور) في ساقية، تحمل عليه دايًا وماتسمحش له إنه ياخد حقه في الراحة والاستجمام.. هايخونك في يوم ومش هاتقومله بعدها قومة..

إوعى تصدقي إن جسمك (عار)، وإنه جريمة، وإنه قلة أدب، وإنه هدف الوحيد في الوجود هو متعة وإشباع كائن اسمه (الرجل)..

افهم جسمك.. واحترمه..

اسمعي جسمك.. وحسي بيه..

عاملوا أجسامكم بما تستحق.. لأنها تستحق..

4.

(Y)

یا رجال.. ماتحرموش نفسکم من أنوثتکم..



للمزيد من الروايات والكتب الحصرية

fb/groups/Sa7er.Elkotob/ انضموا لجروب ساحر الكتب sa7eralkutub.com بيولوجيًّا.. كل واحد فينا فيه هرمونات ذكورة وهرمونات أنوثة بغض النظر عن جنسه..

يعني الراجل فيه -بشكل طبيعي- نسبة معينة من هرمون الأنوثة الذكورة (تستيستيرون) ونسبة أخرى أقل من هرمون الأنوثة (استروجين).. وكذلك المرأة فيها نفس النوعين من الهرمونات بس بنسب مختلفة..

ده على مستوى التكوين الجسدي البيولوجي.. ومعظمنا عارف الكلام ده من أيام دراسة الأحياء في ثانوية عامة..

لكن اللي مادرسناهوش في الأحياء ولا في غيرها ومش عارف ليه أو إزاي لغاية دلوقت. هو إن كل واحد فينا جواه على المستوى النفسي نفس التركيبة دي بالظبط..

يعني -نفسيًّا- الرجل جواه رجولة وأنوثة، والمرأة جواها رجولة وأنوثة.. بس مواصفات ومعاني ووظائف نفسية مختلفة.. والكلام ده معروف ومكتوب ومنشور من أيام الحضارات الإنسانية القديمة لغاية يومنا هذا، مروراً بعلماء نفسيين كبار زى كارل جوستاف يونج ودونالد وينيكوت وهارى جانترب..

إيه النكتة الظريفة دي؟

إيه الكلام الغريب والصعب ده؟



في الحقيقة هو مش نكتة ولا كلام غريب ولا صعب.. بس إحنا اللي ساعات بنتجاهل أبسط الحقايق وأوضحها.. ده إحنا حتى في كلامنا اليومي المعتاد بنستخدم كتير تعبيرات زي (ست ميت راجل)، و(راجل منسون)..

إيه الموضوع؟!

الموضوع ببساطة هي إن الرجولة (النفسية) اللي جوه حضرتك (كذكر)، هي المستولة عن صفات زي الشجاعة، والجدعنة، والشهامة، والإصرار، والتحدى، والمثابرة، وما إلى ذلك.. والأنوثة اللي جوه حضرتك (برضه كذكر)، مسئولة عن صفات زي الحنية والقرب والمودة والرحمة والطيبة ورقة القلب وغيرها..

نفس الكلام بالنسبة ليكي (كأنثي).. الرجولة (النفسية) اللي جواكي هي اللي بتخليكي في بعض الأوقات والمواقف شجاعة وجدعة ومسئولة ومش بتيأسي وعندك استعداد تحاري وتتحدى الكون كله علشان توصلي لهدفك.. والأنوثة اللي جواكي، هي اللي في مواقف تانية بتطلع منك الحنان والحب والعطف والقرب والأمومة والرقة والطيبة والسماح..

ده بفرض إن حضرتك (رجل طبيعي)، وحضرتك (أنثى طبيعية).. وساعتها بنسمى دى (رجولة حقيقية)، ونسمى دى (أنوثة حقيقية).. ويكون موجود جواك وجواكي خليط متناسب من الاتنين.. فتكون شجاع وفي نفس الوقت حنين، شهم وفي نفس الوقت خجول، تعرف تشيل المسئولية وفي نفس الوقت متسامح.. متحدى وفي نفس الوقت قريب وودود.. وهكذا..



وإنتي تكوني طيبة وفي نفس الوقت حدودك واضحة، حنينة بس صارمة عند اللزوم.. رقيقة وفي نفس الوقت جدعة.. عطوفة وفي نفس الوقت مش بتسيبي حقك.. وهكذا.. وهكذا..

وكل ما تكون (كرجل) قريب من (الأنوثة الحقيقية) اللي جواك.. كل ما تكون صفاتها جزأ لا يتجزأ منك، ومش صعب عليك في وقت من الأوقات التعامل بيها، وكل ما تكوني (كأنثى) قريبة من (الرجولة الحقيقية) اللي جواكي.. كل ما تكون خصائصها جزءًا أصيلًا من مكوناتك الشخصية، وتستخدميها في أوقاتها المناسبة..

كل اللي فات ده هو الطبيعي.. اللي من المفترض يكون عندنا كلنا.. بشكل تلقائي وفطري وسليم من ساعة ما بنتولد..

لكن..

والالله على اللي بعد لكن.. ندخل على الوجع بقي..

بس بعد ما تاخد نفسك شوية.. على عليه والمساحد



مشهدا: سالمكمو سالمكمو سنلته

- طفیل عنده ۵ سنوات.. حد مین أصحابیه ضربیه وهیو بیلعیب معاه..
- الأب: إوعـى تعيـط، الرجالـة مـش بتعيـط.. البنــات بـس الــلي بتعيــط! خليــك راجــل.. خليــك خشــن..
 - يتكرر هذا المشهد مرات كتيرة وفي سياقات مختلفة..
- بعد سنة.. الطفيل ياخد قرار نفسي داخلي إنه يدفن ملامح أنوثته الحقيقية اللي جواه علشان وصله من أبوه إنها ضعف، وإن الضعف الإنساني شيء غير مقبول.. وبما أن الأنوثة الحقيقية والرجولة الحقيقية مرتبطين (ومتعشقين) في بعض بشكل فطري، فهو كمان هايدفن رجولته الحقيقية ويستبدلها (برجولة مزيفة).. يعني يطلع راجل خشن، قاسي، بيستعرض عضلاته وقسوته وصوته العالي وافتراءه وعنجهيته على خلق الله، عمال على بطال..

مشهد ۲:

- بنت عندها ٦ سنوات، لابسة فستان جميل بحمالات، وفرحانة بشعرها وجمال جسمها..



- الأم: إيه يا بنت اللي إنتي لابساه ده؟ بلاش مسخرة وقلة أدب.. أمال لما تكبري هاتعملي إيه؟
- وفي مرة أخرى، حد من قرايبها أو أصحاب باباها أو جيرانها على المده على جسمها بشكل حيواني سافل..
- بعد شوية، ومع كمية رسايل في نفس الاتجاه، تصل البنت إلى استنتاج بسيط جدًّا، وهو إن الأنوثة عيب، أو الأنوثة حرام، أو الأنوثة (عار)، وإن (الأنوثة) بتجيب المشاكل، وتجيب الكلام، وتشجع الناس إنهم عدوا إيديهم عليها ويتحرشوا بيها ويسيئوا استغلالها..
- تاخد البنت قرار نفسي داخلي تفضل عايشة بيه طول عمرها، وهو إنها تدفن أنوثتها الحقيقية وتعيش بأنوثة مزيفة علشان تتعايش مع اللي حواليها.. وكمان تدفن رجولتها الحقيقية، وتستبدلها برجولة مزيفة..
- نفس البنت عندها ٢٠ سنة، قاصة شعرها قصة رجالي، بتتكلم بأسلوب فج، لابسة قميص كارو، على بنطلون شبيه جدًا بالبنطلونات الرجالي.. وعندها يقين (معذورة جدًّا فيه) إنها لو ما عملتش كده، وعاشت راجل (مزيف طبعًا) في هذا المجتمع، فهي مش هاتاخد حقها، وهايتداس عليها، وهاتبهدل..
- بنت شبهها واتعرضت لنفس التجربة بالظبط.. تغيش بأنوثة (مزيفة)، مليانة ميوعة ومياصة وإغواء وصوت سافر وضحكة تجيب آخر الشارع، لأنها قررت بعقلها الباطن تنتقم من كل اللي آذوها بأنها تخليهم (يريلوا) من الجري وراها بالمعنى الحرفي.



قبل ما الدنيا تتلخبط، وتفقد تركيزك.. أنا هالخصلك الكلام ده كله في سطرين..

إحنا كلنا بنتولد وجوانا رجولة حقيقية (الجدعنة والشجاعة والإصرار وغيرهم)، وأنوثة حقيقية (الحنية والقرب والمودة وغيرهم).. والرسايل اللي بتوصلنا من التربية والمجتمع وساعات الفهم غير الصحيح للدين بتخلينا ناخد قرارات نفسية مصيرية عند سن معين بدفن أحدهما أو كليهما (لأنهم مرتبطين ببعض) واستبدالهم برجولة مزيفة (قسوة وخشونة وافترا)..أو أنوثة مزيفة (ميوعة ومياصة وإغواء سافر).. أو الاتنين.. وده بيحصل عند الستات والرجالة على حد سواء..

حلو الكلام؟

إنت اسمك مكتوب؟

لقيتي اسمك برضه مكتوب؟

اكتشفت أي حاجة جديدة في نفسك أو في حد تعرفه؟



طيب..

مجتمعنا الجميل..

بيوتنا الرائعة..

إعلامنا المثالي..

بيوصل لينا إيه من الرسائل النفسية بخصوص الموضوع ده؟

بيقبل صفات الأنوثة اللي المفترض تكون موجودة بشكل طبيعي في الرجالة؟

بيقبل صفات الرجولة اللي مهم تكون موجودة بشكل تلقائي في الستات؟

بيشجع على الرجولة الحقيقية واللا بيزرع فينا الرجولة المزيفة؟

بيحـترم الأنوثـة الحقيقيـة والـلا بيدفنها ويخلـق مكانها الأنوثـة المزيفـة وبـكل إصرار؟

أنا مش هاجاوب..... وحودهما وغوانهما وحوويتها المشارية

علشان الإجابات أنتم عارفينها أكتر وأحسن مني..



من أجمل أوصاف الأنوثة (الحقيقية طبعًا) إنها هي الـ Being، يعني الوجود.. ليها علاقة بأصل الوجود الإنساني وكينونته.. ولو لاحظت هاتلاقي كل صفات الأنوثة (الحقيقية) اللي قلناها مرتبطة بنوعية وجود إنساني معين (الحنية، الود، القرب،...)، وفي المقابل، بتتوصف الرجولة (الحقيقية برضه) بأنها مرتبطة بالـ Doing، يعني الفعل.. وليها علاقة بالحركة وطاقتها (الإصرار، الشجاعة، التحدي......)، والأجمل والأجمل إن الفعل ما ينفعش من غير وجود.. يعني مهم أكون موجود وأحس بوجودي الأول علشان أقدر أتحرك وأفعل وأنفذ بعد كده..

الرجولة مالهاش أي معنى أو وظيفة لو مش مبنية ومتأصلة على وجود وكيان أنثوي حقيقي..

علشان كده دور الأم في التربية مهم وسابق جدًّا عن دور الأب.. والأم هي اللي بتقوم في أول سنتين من عمر الطفل (سنوات الرضاعة) بترسيخ وزرع شعوره بكيانه وبوجوده من خلال كيانها ووجودها وقربها الجسماني والشعوري والحسي منه.. وبعدها يجي دور الأب اللي بيزرع فيه طاقة الفعل ورد الفعل والحركة..

أول سـؤال هايقفـز لذهنـك دلوقـت هـو إزاي يكـون الـكلام ده صحيح بالرغم مـن إن حـواء خُلقـت بعـد آدم، وخُلقـت مـن ضلعه؟

وإجابتي المتواضعة -على حد علمي- هي أنها خُلقت من ضلعه، اللي كان (موجود) من يوم ما ربنا (بث) فيه من روحه..



زي ما فيه رجولة وأنوثة في الأفراد.. أنا بأفترض إنه فيه رجولة وأنوثة في المجتمعات.. معنى إنه فيه مجتمع (ذكوري- مش هاقول رجولي).. ومجتمع (أنثوي- وده لسه ما عرفهوش أوي).. وطبعًا إنتوا عارفين الكلام اللي جاي:

مجتمعنا (ومجتمعات تاني كتير) قرر -من زمان جدًا- يرفض الأنوثة ويحاربها ويشوهها ويدفنها، مرة باسم التريبة، ومرة باسم العادات والتقاليد، ومرة باسم الفهم المغلوط للدين..

مجتمعنا قرر يستبدل الأنوثة الحقيقية، بأنوثة مزيفة تُرضي - في الظلام- رجولته القاسية المتسلطة (المزيفة برضه)..

مجتمعنا - في رأيي- قرر -وبكل بساطة- يحرم نفسه من أجمل ما فيه، ويشوه أروع خلقه، وينتقم من نفسه.. في نفسه..

إحنا بنخاف من المرأة.. بنخاف من الأنوثة.. علشان كده بندفنها..

إحنا مرعوبين من وجودها وقدراتها وحيويتها.. علشان كده بنموتها بالحياة..

إحنا مهددين من إحساسنا بالضعف قدامها.. علشان كده بنستقوي ونفتري عليها..



بنوصفها إنها متقلبة المزاج.. رغم إن الطبيعة نفسها متقلبة المـزاج.. وفيهـا ليـل ونهـار وصيـف وشـتا.. الأنوثـة برضـه فيهـا ليل ونهار.. وصيف وشتا.. لأن وجودها مرتبط بوجود الطبيعة وكبانها وصفاتها..

بنشوه جسمها باسم الدين كذبا وزورا وبهتانا وافتراء.. علشان نحرمها من مجرد الشعور بجسمها واحتياجاته، اللي بنعتبرها مش من حقها.

بنفرض عليها بوصايتنا الغاشمة طريقة كلام وطريقة شغل وطريقة عيشة، هي أقرب للعبد في حضرة السيد.. علشان نتغلب على إحساسنا العميق بالخوف والضعف والتهديد من مجرد وجودها وكيانها وحياتها الكالسطا المساللة معاوون واللقاة

بنطفيها.. لأننا خايفين نتحرق من نورها..

بنهينها.. لأننا مرعوبين من إحساسها بكرامتها..

بنخنقها.. لأننا مش قادرين نستحمل انطلاقها وحريتها..

الأنوثة هي الإبداع..

هي الإلهام..

هي الحرية.. العمامة سليمها السائمة إن مراسيه عمد السعا



هي الوجود..

والجمال..

والنور..

هي لمعة العين.. ونبضة القلب.. وشهقة الدهشة.. هي الأرض الخصبة.. والسماء المحتوية الساترة.. هي البداية.. والنهاية.. والرحلة..

الأنوثة هي رحم الحياة..

يا رجال..

ما تحرموش نفسكم من أنوثتكم..

التلاتة اللي عايشين جواك

باختصار شديد.. ومن غير أي مقدمات.. فيه تلات بني آدمين غير بعض عايشين جواك في اللحظة اللي بكلمك فيها دلوقت. يعني جسمك عامل زي ما يكون شقة مفروشة فيها تلات أوض منفصلة.. كل أوضة فيهم عايش فيها بني آدم غير التاني.. وكل واحد فيهم ليه حياته وذكرياته وتصرفاته الخاصة بيه لوحده.. وفي كل موقف في حياتك، واحد من التلاتة دول بيمسك زمام الأمور.. ويكون ليه الغلبة والسيطرة على الاتنين التانيين..

اللي بيطلع منك وأنت في حفلة، أو فرح، أو رحلة مع أصحابك. اسمه (الطفل) بتاع حضرتك. ساكن جواك من أيام طفولتك، وبيطلع ويشم نفسه وقت اللعب والهزار والفرح والتنطيط. الطفل ده هو نسخة منك وأنت صغير، متخزنة جواك وبتمسك زمام نفسك في الوقت المناسب. وقتها الطفل ده بيلبسك (زي العفريت كده).. يعني بتكون طفل.. بتكون في حالة طفولية سائدة.. تسمع وتشوف وتفهم وتستقبل وتتصرف زي ما كنت في طفولتك بالطبط.. تتحرك مرونة وليونة وحرية، تفهم وتستوعب بالراحة ومن غير تشنج ولا تعصب.. تتصرف بتلقائية وعفوية.. تلعب وترقص وتسرح بخيالك وتبدع بدون حدود..

الشكل ده من الطفل الداخلي بتاعث اسمه حالة الأنا الطفلية ... Child Ego State ... أو (الطفل الحر).. علشان هو فعلا حر.. زي ما خلقه ربنا على فطرته.. قبل ما يتربي ويتشوه ويتكيف على اللي أبوه وأمه عاوزينه.. ساعتها هايكون ليه اسم تاني.. وشكل تاني.. اسمه (الطفل المتكيف) أو (الطفل المذعن).. وده برضه موجود جواك.. بس دي النسخة اللي حضرتك جيت عند سن معين وقررت تتنازل فيه عن تلقائيتك وفطرتك وحريتك وصوتك



العالي وحقك في الاعتراض والاختيار والقبول والرفض.. وتتحول إلى طفل لطيف ظريف بيسمع الكلام ويشرب اللبن وما يقولش (لأ) علشان اللي حواليه يسقفوله ويقبلوه ويعبوه ويهتموا بيه ويرضوا عنه.. الطفل ده صوته واطي.. وقعدته منحنية.. وعينه مكسورة.. وحضرتك بتلبسه برضه لما الظروف اللي حواليك تكون قاسية وصعبة وإنت مش عارف تعمل معاها أي حاجة غير إنك ما تكونش نفسك..

فيه شكل تالت للطفل الداخلي ده اسمه (الطفل المتمرد).. وده اللي دايًا وأصراع أو منافسة مع غيره.. عنيد وصعب الانقياد وسريع الصد والرد.

ده الساكن الأول.. اللي اسمه (الطفل الداخلي).. اللي ممكن يكون (طفل حر).. أو (طفل متكيف/مذعن) أو (طفل متمرد).. واللي بتتحول حضرتك لواحد منهم في مواقف معينة.. وبالمناسبة.. كلمة تتحول هنا معناها تتحول بجد.. بالمعنى النفسي والحضور العقلي والسلوك الجسدي..

الساكن التاني.. اسمه (الوالد).. أو (حالة الأنا الوالدية).. اسمه الساكن التاني.. اسمه (الوالد).. أو (حالة الأنية دي ما بيسميها.. وده بقى يا سيدي الأب (أو الأم).. اللي بيطلع من جواك وقت ما تكون في موقف يستدعي الحنان والأبوة (أو الأمومة) وسعة الأفق.. موقف محتاج سماح وعطف وتفهم وعطاء.. حالة مطلوب تكون فيها كبير.. بيسمع ويسمح ويطبط بوينصح ويرشد.. تحس باللي قدامك وتراعيه وتساعده وتقدر احتياجاته.. زي الأب ما بيعمل ما ابنه بالظبط..



بس زي ما الطفل اللي جواك ليه أكتر من صورة.. برضه (الوالد) اللي جواك ليه أكتر من صورة.. الصورة الأولى اللي وصفناها دي السمها (الوالد الراعي).. وده شكل طيب وحنين من صورة الأب (أو الأم) اللي اتكونت عندك من صغرك، من خلال تعاملك مع أبوك وأمك ومدرسك وكل من كان عشل (والد) بالنسبة لك.. فيه بقى صورة تانية للوالد ده ممكن برضه تكون اتكونت عندك من خلال والديك أو من عثلهم اسمها (الوالد الناقد)، وده لما بيطلع من جواك بيكون شخص قاسي وغاضب ومش بيعجبه العجب.. حد مش بيبطل نقد ولا لوم ولا أوامر ولا تعليمات.. صارم وقاطع ومتسلط ومش بيرضى أبدًا.. الحالة دي بتلبسك في المواقف اللي بتستفزك وتثم غضك وتخرجك بره إطار التفهم والحكمة.. لأنك ساعتها مش بتسمع ولا بتفهم ولا بتدي فرص.. أنت بتكون ثور هائج صلب الرأي ما ينفعش معاه أخد ولا عطا.. ربنا يحفظنا..

عاوز أؤكد إن كل شخصية أو حالة من دول ليها ما يميزها من طريقة في الحركة والمشي طريقة في الحركة والمشي والجلوس.. شوية كلمات معينة خاصة بيها.. تعبيرات وش مختلفة.. طريقة في استقبال الأحداث والتعامل معاها.. وحتى بناء عصبي خاص في المخ.. وكأنها فعلا شخص منفصل بذاته..

يعني لما تكون في حالة (الطفل الحر).. بتتحرك ببساطة، بتستقبل بدون نقد ولا حُكم، بتفكر بمرونة من غير كلاكيع ولا تعقيدات، كلامك بيكون فيه كتير من العفوية والفكاهة والبهجة والمرح.. بتعبر عن نفسك وعن مشاعرك بتلقائية ومن غير تكليف.. ولما بتكون في حالة (الطفل المتكيف/المذعن)، بتكون هادي جدًا.. منسحب.. بتسمع الكلام بدون مناقشة.. بتضاف تقول (لا)..



تستحمل الإساءة والإهانة من غير رد.. قعدتك منحنية، صوتك واطي، معندكش أي استعداد للاعتراض أو الاختلاف أو النقد أو الإبداع.. كلماتك بتكون من قبيل (هو ليه بيحصل معايا كده؟).. (أنا حظي داءًا وحش؟).. (أنا نفسي في كذا- بكسر النون).. ولما بتكون في حالة (الطفل المتمرد) بتعترض وتتمرد على أي شيء وكل شيء..

ولو لبستك حالة (الوالد الراعي).. بتطبطب كتير على اللي حواليك، وبتستخدم كلهات زي (عاوز أساعدك).. (علشان مصلحتك).. (أنا أدرى منك).. وهكذا.. ولو كنت في حالة (الوالد الناقد).. كلامك بيكون مليان (لازم) و(المفروض) و(هو كده).. وبتشهر صباع (السبابة) كتير في وجه غيرك كتعبير عن اللوازم والمفروضات والقواعد والغضب والصرامة اللي بتكون فيها..

فيه بقى حالة تالتة وأخيرة، ساكنة جواك زي إخواتها، وبتطلع منك في مواقف مختلفة شوية.. الحالة دي اسمها (البالغ) أو (حالة الأنا الراشدة) Adult Ego State.. ودي بتطلع منك في المواقف اللي تستدعي تحكيم العقل ووزن الأمور والتعامل مع الحقائق والواقع بأقل قدر من المشاعر.. في الحالة دي إنت بتقدر تظبط انفعالاتك وردود أفعالك من غير تلقائية الطفل، ومن غير حنية أو قسوة الوالد.. إنت هنا كمبيوتر.. ما تعرفش غير أو تاخد قرار.. بتكون محايد.. صريح.. حكيم.. هادي.. متزن.. أو تاخد قرار.. بتكون محايد.. صريح.. حكيم.. هادي.. متزن.. بتسأل أسئلة مباشرة (ليه؟ إزاي؟ إمتى؟) علشان تفهم وتعرف وتستوعب.. وبتتكلم كلام واضح من قبيل (ده رأيي).. (أعتقد كذا).. (من وجهة نظري) علشان تتواصل مع اللي قدامك..



طبعًا الكلمات دي وغيرها ممكن تطلع من أي حد من الحالات التلاتة.. بس الطريقة اللي بتتقال بيها والمعنى المقصود منها وتعبيرات الجسم والوش اللي بتصاحبها، بتختلف من حالة للتانية..

يبقى موجود جوه حضرتك دلوقت تلات حالات بنسميهم (حالات الأنا) Ego States. تلات بني آدمين منفصلين عايشين جواك.. كل واحد ليه تاريخه وصفاته وسلوكه.. وكل واحد فيهم بيلبسك في موقف معين.. وساعات ده بيكون بينك وبين نفسك في شكل صوت داخلي.. فكرة ملحة.. رغبة مجنونة.. إحساس بالذنب.. أو عند بعض المرضى وساوس أو هلاوس أو ضلالات..

بالمناسبة التلات حالات دول موجودين جوانا من وإحنا صغيرين..

يعني كلنا بنشوف البنت الصغيرة اللي بتتعامل بكل أمومة (حالة الوالد الراعي) مع العروسة بتاعتها (وساعات مع أمها وأبوها).. وكلنا بنشوف الطفل اللي عنده خمس أو ست سنين وهو بيعنف أخوه أو أخته الصغيرة ويرفع صباعه (حالة الوالد الناقد) وهو بيكلمها ويقولها المفروض تعملي كذا أو لازم تقولي كذا.. أو لها ساعات يلبس نضارة أبوه ويبدأ يتفلسف (حالة الراشد) ويسأل أسئلة منطقية ويقول كلام أكبر من سنه مليان وقائع وحقائق وكأنه حكيم زمانه..



مهم نعرف إنهم مش بس تلات حالات أو تلات أشخاص.. لأ.. هما في الحقيقة أكتر من كده بكتير.. بس دي العناوين الرئيسية والحالات المهمة..

وهنا السؤال: هو أنا مين فيهم؟

والإجابة هي إن حضرتك كلهم (على رأى شيرين- أنا كتير).. بس في كل موقف حضرتك بتكون واحد منهم.. وده الطبيعي والصحي والمفيد.. لكن لو طلع في موقف ما، حد من جواك غير مناسب للموقف.. يبقى ساعتها ده مرض نفسي ووضع غير طبيعي ولا صحيح.. يعني لما يطلع (الوالد الناقد) من جواك في حفلة أو رحلة ويقعد ينقد ويلوم ويتكلم بلغة (لازم) و(المفروض) يبقى ده مش طبيعي.. ولما تلبس حالة (الطفل الحر) وإنت في المحاضرة وتقوم تتحزم وترقص يبقى ده برضه مش طبيعي.. ولما تتحول إلى (العاقل الراشد) وإنت قاعد مع حبيبتك وتكلمها بلغة الحقائق والأرقام والحسابات.. يبقى تطلع على الدكتور النفسي على طول..

أصحاب المدرسة دي في على النفس (اسمها مدرسة التحليل المعاملاتي) Transactional Analysis. بيشوفوا إن الاكتئاب هو (طفل (طفل مذعن) خاضع خانع طول الوقت. وان الهوس هو (طفل حر) بزيادة شوية أو (طفل متمرد) قرر يثور على العالم وعلى اللي حواليه.. وإن الطبيعي إن التلات حالات يتكاملوا مع بعض تحت القيادة الحكيمة بتاع (الأنا الراشدة) اللي تسمح كل شوية بالتناوب وتبادل الأدوار..



طيب..

الـكلام ده كلام نظـري ومتخصـص وممكـن أي طالـب علـم نفـس يقـراه في أي كتـاب أو مذكـرة أو صفحـة إنترنـت.. مالنـا إحنـا ومـال القصـة دي..

أقولك..

القصة دي تخص حضرتك شخصيًّا.. لأن التلاتة دول عايشين جوه كل حد فينا.. ومهم نعرف نفسنا بكل تفاصيلها وخباياها.. مش بس كده.. ده فيه حاجة في منتهى الخطورة والأهمية في الموضوع ده.. لدرجة إنه بيتم تدريسه للناس اللي شغالين في مجال الإعلانات والدعاية ورؤساء الشركات والمخابرات والمدربين وغيرهم.. وهي:

وإرضاق، وتقبول الراتية منتهي الهدوء والعقبل وانيم ملكيه نيم

نعم

أيون..

مين من التلاتة اللي جواك بيتكلم على لسانك؟

من عندك بيكلم من عند اللي قدامك؟ وقاع يستقنا وعده فالعالمان

إنت بتخاطب مين في غيرك؟ المحمدة المستحد المسالية المستحد

بتحرك مين في شريك أو شريكة حياتك؟

بتحضّر مين في صاحبك أو مديرك أو زميلك؟

مين من التلاتة اللي جواك بيتعامل مع مين من التلاتة اللي قصادك؟



كلام غريب ومجنون.. و من و من و من المناه المناه و المناه ا

بس في الحقيقة.. هو عين العقل.. إزاى؟

بص يا سيدي..

في كل تفاعل أو تعامل مع حد، واحد من التلاتة الي جوانا بيكلم واحد من التلاتة اللي جوه الآخر.. والطبيعي والسليم إن اللي أوجه له الكلام هو اللي يرد عليه.. مش أكلم حد ويرد عليا حد تاني.. لكن لو أنا كلمت حد ورد عليا حد تاني، ممكن تحصل قفلة وينتهي التواصل قبل ما يبدأ..

يعني لما حضرتك تبقى راجع البيت بعد يوم شغل وتعب وإرهاق.. وتقول لمراتك بمنتهى الهدوء والعقل والواقعية (حالة الأنا الراشدة): أنا جعان جدًا.. عملتي الأكل؟ الطبيعى إنها ترد عليك بـ (الأنا الراشدة) اللي جواها برضه، وتقولك: آه الأكل جاهز.. أو كنت مشغولة النهاردة ومالحقتش أجهزه.. ده اسمه تفاعل طبيعي.. لكن لما تروح رادة عليك بمنتهى الشعور بالظلم والإهانة وعدم التقدير وتقولك: هو إنت مش شايف غيري؟ ما فيش غير أنا اللي تتعب وتشقى وإنت جاي عاوز تاكل على الجاهز؟ مش تقدر تعبي شوية؟ حرام عليك!! يبقى (الطفل المذعن- المتكيف) اللي جواها بيرد على (الوالد الناقد) الني عندك.. وده يعمل (قفلة) فورية في العلاقة.. ولو اتكرر بالشكل ده (من ناحيتها أو من ناحيتك) هايقطع التواصل بينكم من أساسه.. ويبقى اسمه تفاعل (متقاطع)..



لو إنت طالب وبتمتحن امتحان شفوي.. والدكتور بيكلمك بحالة (الراشد) وبيسألك منتهى العقل سؤال بسيط.. فالطبيعي إنك ترد عليه رد برضه (راشد) ومنطقي وواقعي بالإجابة السليمة (أو حتى غير السليمة).. لكن لو رديت عليه وقولتله: معلهش يا دكتور أنا ما ذاكرتش مادتك كويس، ومش مستعد للامتحان.. يبقى إنت كده بتستفز فيه بكل وضوح (الوالد الناقد)، وهاتلاقيه يرد عليك ويقولك منتهى الغضب: طيب خد الصفر ده وامشي يا شاطر..

لو ابنك بيكلمك بـ(الطفل الحر) اللي جواه وبيقولك: ما تيجي تلعب معايا شوية يا بابا.. هـو بيكـون عـاوز (الوالـد الراعـي-الحـاني) اللي جـواك يـرد عليـه ويقولـه: ومالـه يـا حبيبي، يالـلا بينا.. لكنه أكيـد مـش عـاوز (الراشـد) بتاعـك يقولـه بمنتهـى المنطـق وبـدون أي عواطـف: أنـا مشـغول ومـش فـاضي دلوقـت.

يبقى مهم تعرف مين جواك بيكلم أو بيرد على مين جوه اللي بتتعامل معاه.. علشان ده ممكن يساعد جدًّا على التفاهم والتواصل (لو اللي بكلمه هو اللي بيرد عليا)، أو يكون سبب في سوء التفاهم وقطع التواصل (لما اللي يرد يكون غير اللي اتوجه له الكلام)..

طبعًا فيه نوع أهم وأخطر من النوعين دول في التواصل.. اسمه (التفاعل الخفي).. وده فيه اتنين من عندك بيكلموا اتنين من عند اللي قدامك في نفس الوقت.. حد بيكلم حد بشكل ظاهر وواضح.. بس حد تاني من عندك بيوصل رسالة خفية وغير ظاهرة لحد تاني من اللي قدامك.. معلش استحملني في الجنان ده شوية..



يعني الأب بيقول لابنه بـ(الوالـد الراعـي) بتاعـه: يـا حبيبي مـا يهمكـش.. ذاكـر واعمـل الـلي عليـك، وادخـل الكليـة الـلي إنـت عايزهـا، والـلي يجيبـه ربنـا كلـه كويـس.. بـس مـن تحـت لتحـت، بيقولـه بنظـرات عينـه وبتصرفاتـه عـن طريـق (الأب الناقـد): إوعـى تدخـل غير كليـة الطـب. أو الأم تقـول لبنتهـا بشـكل واضح: اكبري بقـى واتجـوزي يـا حبيبتـى علشـان نفـرح بيـكي.. بـس في نفـس الوقـت وبشـكل خفـي (الطفـل) الـلي جواهـا بيقـول للبنت: إوعـي تكبري وتسـيبيني.. الرسـايل المتناقضة تكبري وتتخلي عنـي.. إوعـي تكبري وتسـيبيني.. الرسـايل المتناقضة الـلي بالشـكل ده ممكـن تجنـن بجـد..

أقولك نكتة بقى علشان نعيد ترتيب مخنا شوية بعد اللخبطة دي كلها.. الأجانب لما بيحبوا بعض.. بيدلعوا بعض.. هو يقولها يا (بيبي).. وهي تقوله يا (بيبي).. الطفل اللي جواه بيستدعي ويحضر ويخاطب ويطلع الطفل اللي جواها.. والعكس بالعكس.. أما عندنا بقى، تلاقى الاتنين الحلويان أول ما يتجوزوا.. هو يقولها يا (ماما).. وهي تقوله يا (بابا).. عرفتوا إحنا بنطلع من بعض إيه.. وبنستدعي إيه عند بعض؟!!!

مهم كمان نعرف إن كل حالة من دول ليها مفتاح.. وكل شخصية فيهم ليها مدخل.. يعني لما يكون واحد قافش وزعلان وقرفان من نفسه، وعايش حالة (الوالد الناقد) أو (الطفل المذعن المتكيف).. لما تيجي تكلمه تعمل حسابك إنك تخاطب فيه (الطفل الحر).. تهزر معاه.. تزغزغه.. كده يعني.. مش تقفش عليه وتلومه وتعاتبه وتكرهه في نفسه أكتر ما هو كارهها..



ولما تكون مراتك فرحانة وبتدلع وتهزر وتتنطط قدامك، وماليها (الطفل الحر) بتاعها.. ما ينفعش حضرتك تكلمها بـ(الراشد) الحكيم الفيلسوف المنطقي اللي جواك، ولا تنقدها أو تحكم عليها بـ(الوالد الناقد) بتاعك..

في تعاملاتك مع مرءوسيك.. مهم تكون ساعات والد وساعات راشد وساعات طفل حر.. ومهم تحرك فيهم وتستدعي كل دول برضه من عندهم وقت اللزوم..

تفتكر بقى الناس بتوع الدعاية والإعلانات بيكلموا ويستدعوا مين جوانا؟

الطفل الحر طبعًا..

بيكلموه بالأغاني والموسيقى والإبداع.. بيستدعوه بخفة الدم والرشاقة والجهال.. بيحضروه بالألوان والرسومات والأشكال المبهجة.. علشان (الطفل الحر) ده هو اللي عنده رغبة وتطلع وحب استطلاع.. وهو اللي هايشتري.. ده ما يمنعش طبعًا إنهم في بعض الأوقات القليلة بيكلموا (الوالد) أو (الراشد)..

نكتة تاني..

فيه ظاهرة مشهورة في الشعر الجاهلى وبعض الشعر الحديث.. وهي إن الشاعر بيفتتح أشعاره بحاجة بيسموها (مخاطبة الصاحبين).. يعني يوجه كلامه وشعره (لاتنين) زي مثلا:

التشفيد من سكلم على اسانك!

(اختلافُ النهارِ والليلِ يُنسي.. اذْكُرًا لي الصِّبا وأيام أُنسِي)..



للمزيد من الروايات والكتب الحصرية

لغاية النهاردة ما حدش عنده تفسير واضح للحكاية دي.. ليه اتنين. اشمعنا يعني؟ طيب مين هما الاتنين دول؟ وليه الحكاية دي بتتكرر كتير؟ متهيألي إن أوضح تفسير للظاهرة دي بعد الكلام اللي فات هو إن الشاعر بيكون في حالة من التلات حالات دول (الطفل/الوالد/الراشد) وبيكلم (بعقله الباطن) الاتنين التانيين اللي جواه..

فيه حاجتين مهمين قبل ما أخلص..

أولًا. يا ريت تكون شوفت إنت علاقتك إيه بأجزاءك الداخلية.. عامل إيه مع الناس اللي عايشة جواك؟ حالات الأنا بتاعتك متفاهمة ومتناسقة وبتحب بعض وبتعرف تخرج إمتى ومع مين؟ واللا إنت في خناقة داخلية عنيفة.. فيها أجزاء نفسك كارهة بعضها وإنت رافض دي ومقاطع دي وعاوز تخلص من دي؟ قابل نفسك كلها على بعضها بكل حالاتها وأحوالها واللا مقسمها ومجزءها ومخليها حتت ما لهاش علاقة ببعض؟

ثانيًا.. اسأل نفسك: مين بيطلع من جواك؟ وإمتى؟ ومع مين؟ شوف إنت بتكلم مين في الشخص اللي قدامك؟

اعرف إنت بتوصل إيه على المكشوف؟ وإيه من تحت لتحت؟

اكتشف.. مين بيتكلم على لسانك؟

اتعلم عن نفسك.. واعرفها.. واتعلم عن نفوس الآخرين واعرفهم..

علشان ده مفتاح مهم جدًّا... و المسلم و المسلم المسلم المسلم

في أي علاقة صحية..



(٤) إنت شايفني؟ المالكات

عتلهما الراشية الطلولية في إنها العيش بيانها دهباه سلى طبول:

(سيجموند فرويد) كان عنده صاحب وأستاذ اسمه (بروير).. بروير كان برضه محلل نفسي واشتغل وكتب مع فرويد شوية.. وكان عنده مريضة مهمة جدًا في تاريخ التحليل النفسي اسمها (أنا) بتشديد النون.. كانت بتعاني من أعراض نفسية كتيرة وصعبة اصطلح على تسميتها وقتها (هيستيريا)..

(أنّا) خلال رحلة علاجها حست بمشاعر حب وانجذاب ناحية الدكتور بتاعها.. والمشاعر دي فضلت تزيد لغاية ما تحولت لرغبة جنسية وأحلام بالزواج.. (بروير) كان بيحلل ده نفسيًا ويحاول يحله ويعالجه بهدوء، لغاية ما (أنّا) تصورت إنها حامل منه وبدأت تطارده.. الراجل توقف عن علاجها وحوّلها للمستشفى.. ويقال إنه من وقتها ساب المهنة كلها..

المهم. فرويد كان شريك بروير في الشغل والتحليل النفسي. وكان بيتابع تحليل وعلاج حالة (أنّا).. وقدر من خلال ده إنه يكتشف إن كل المشاعر اللي كانت (أنّا) بتحسها ناحية (بروير) هي في الحقيقة مشاعر قدية ومتخزنة جواها ناحية حد تاني خالص.. افترض إنه أبوها.. وإن المشاعر دي فضلت كامنة ساكنة جواها لغاية ما جه شخص في حياتها يمثل دور الأب (اللي هو كان المعالج النفسي).. واتحركت المشاعر دي تاني، وتم إسقاطها (طرحها) على شخص (بروير)، وبقت حاسة إنها بتحبه وبقي عندها الرغبة الطفولية في إنها تعيش حياتها معاه على طول..

حالة (أنّا) بالإضافة لكتير من الحالات اللي كان بيعالجها غرويد وبروير ساعدت على صياغة مفهوم اسمه (الطرح) ودخوله عالم التحليل والعلاج النفسي لغاية النهاردة..



(الطرح) معناه ببساطة إعادة توجيه مشاعر وأفكار وساعات سلوكيات ناحية حد معين في الحاضر (بشكل غير واعي) في حين إن أصلها ناحية حد تاني خالص في الماضي.. وليه صور كتير جدًّا.. ممكن حب.. ممكن تقديس.. وغيره وغيره..

المفاجأة بقى إن ظاهرة (الطرح) دي مش بتعصل بس في حجرة العلاج النفسي.. لا.. دي بتعصل في البيت.. وفي الشارع.. وفي الشغل.. وفي أي حتة..

إيه الكلام ده؟! الله الكلام ده؟!

الكلام ده معناه ببساطة إن ممكن حضرتك تحس مشاعر ناحية حد.. وهي في الحقيقة ناحية حد تاني خالص!!

لما حضرتك تشوف واحدة في الشارع لأول مرة.. وتحس ناحيتها بحب مفاجئ وقوي وسريع ورهيييييب.. وتشوف فجأة إنها أفظع بنت في الدنيا، وأروع كائن في الوجود، وإنها مليانة حنية ورقة وملائكية، من غير حتى ما تكلمها كلمة واحدة.. يبقى ساعتها فيه احتمال كبير إن المشاعر دي تكون قدية ومتخزنة جوالك ناحية حد تاني خالص.. حبيبة سابقة.. مدرستك زمان.. صورة والدتك المثالية في ذهنك.. وهكذا..



بلاش كده.. لما رئيسك أو مديرك في الشغل يعدي من قدامك وينسى يقولك صباح الخير.. تقوم حضرتك تحس بغضب شديد، أو خوف غير مبرر، وتبدأ تتعامل معاه بشكل مليان جفاء وعنف، أو رهبة ورعب.. يبقى غالبًا الموقف ده حرك فيك مشاعر قديمة ناحية حد تاني في حياتك.. من أول مدرسك في ثانوي.. لغاية أبوك..

لما تروح بيتك. وتحصل بينك وبين مراتك مناقشة عادية جدًا لأي سبب تافه. وتلاقي منها رد فعل قوي وعنيف وغير متناسب مع الموقف أو السبب. يبقى هي غالبًا مش بتكلمك إنت. دي بتكلم حد تاني قديم في شخصك.

وما فيش أشهر من المثل المتكرر كل يوم بين الزوجة وحماتها.. اللي بتقوم فيه الزوجة عادة بشكل غير واعي بطرح كل مشاعرها السلبية الكامنة في عقلها الباطن ناحية أمها (واللي ممكن هي نفسها ما تكونش عارفة إنها موجودة ولا عبرت عنها قبل كده) وتعيد توجيهها ناحية حماتها.. في مشهد متكرر بشكل يثير الدهشة في معظم البيوت تقريبًا.. من غير ما حد يسأل: هو ده أصله إيه؟

بعض عمالقة التحليل النفسي بيقولوا إنه ما فيش علاقة تخلو في مرحلة من مراحلها من جزء (طرحي).. وإن اللمو الصحي للعلاقات بيخلي الجزء ده أقل ما يكون.. والجزء الحقيقي هو الأكبر والأغلب..



بالمناسبة.. أكتر وأشهر أنواع العلاقات اللي بتسهل عملية (الطرح) دي هي العلاقات عبر الإنترنت أو التليفون.. اللي مش بتكون شايف فيها الطرف التاني وإنت بتكلمه.. وده بيساعد جدًّا إنك ترمي عليه من جواك كل اللي متخزن ومش لاقي حد يترمى عليه..

طبعًا الموضوع أعقد من كده بكتير، لأن كمان فيه مسئولية بتقع على الجانب الآخر في تحريك وتنبيه وساعات إثارة بعض المشاعر المتخزنة جوانا وتوجيهها ناحيته.. إلى جانب إنه ممكن حد يتعامل معاك مشاعره ناحية نفسه هو شخصيًّا أو ناحية جزء بيحبه أو بيكره فيها..

إحنا غلابة جدًا..

تصور إنك في بعض الأوقات مش بتكون شايف اللي قدامك وإنت بتكلمه.. وبتكون في الحقيقة شايف جواك حد غيره..

وإن ساعات حد يكون بيتعامل معاك على إنك شخص تاني إنت ما تعرفوش أصلاً..

وإن علاقاتنا مع بعض مش إحنا بس الشريك الأساسي فيها..



طيب.. أعرف منين إذا كانت مشاعري وأفكاري وسلوكياتي ناحية حد طبيعية واللا (طرحية)؟

طبعًا ده سؤال صعب وإجابته أصعب.. لكن باختصار.. أول ما تلاقي مشاعرك ناحية حد كتيرة جدًّا.. وسريعة جدًّا.. وما لهاش أي مبرر.. اعرف فورًا إنك (غالبًا) مش شايف الحد ده، ومش بتتعامل في الحقيقة معاه هو.. إنت بتتعامل مع حد تاني، من خلاله.. طبعًا فيه حاجات واحتمالات وتفاصيل تانية كتير.. بس مش وقتها..

فيه دعاء شهير بيقول: (اللهم أرنا الأشياء كما هي)..



يا رب..

أرنا الأشياء كما هي..

(۵*)* إوعى تلبس



للمزيد من الروايات والكتب الحصرية المزيد من الروايات والكتب fb/groups/Sa7er.Elkotob/ انضموا لجروب ساحر الكتب sa7eralkutub.com

الفصل ده هو الوجه الآخر للفصل السابق..

يعني هنا مش إنت اللي عندك مشاعر ناحية حد وهي أصلا ناحية حد تاني..

..Y

هنا أنت الحد اللي بترمى عليه المشاعر دي.. وهي أصلًا مش تبعك، ولا تمت ليك بصلة..

بص يا سيدي..

لا.. بص بجد..

ماوزك كنده بهندوء وببساطة تبنص حوالينك.. أو بصيغة أدق.. تبنص عبلي النباس البلي حوالينك..

بالراحة كده..

بص کویس..

قرايبك.. حبايبك.. جيرانك.. أصحابك.. مراتك.. جـوزك..أي حـد تـاني..

كل واحد من الناس دي جواه (غالبًا) سيناريو قديم.. يعني مجموعة من الأحداث الحياتية اللي اتعرض لها في مرحلة من مراحل عمره، وما زالت عايشة جواه كما هي بنفس المشاهد والمشاعر والأفكار، كأنها لسه حاصلة حالاً.. يعني حد ما زال جواه شكل وتفاصيل علاقته بأبوه، وإزاي كان طيب وحنين وصبور.. حد لسه محتفظ بمشاعر خوفه من أخوه الكبير.. حد مفتقد حبيبته الأولى..



واحدة مش قادرة تنسى نظرات الشك والارتياب الي كانت بتشوفها في عين أمها لما ترجع البيت متأخر شوية.. واحدة لسه محفور جواها الأذى النفسي والبدني الي اتعرضت ليه وهي صغيرة على إيد واحد جبان وندل استحل نفسها وجسمها. واحدة تالتة مش قادرة تنسى الرعب اللي كانت حاسة بيه لما تاهت عن مامتها في السوق وهي صغيرة..

وغيره.. وغيرها..

دراما شغالة جوه كل واحد أو واحدة.. مبنية على أحداث قدية عدى عليها الزمن وفات.. كل دراما من دول سايبة أثر.. وكل حدث أو مشهد أو حكاية من دول سايبة رسالة نفسية مهمة وأساسية جدًّا في التكوين النفسى بتاع كل حد فينا.. رسالة بيعيش بيها عمره.. وبيبني عليها حياته.. وبيتعامل على أساسها مع الناس..

يا لهوي!!

يعني إيه؟

V.

يعني حد وصلته رسالة مضمونها "إنت ما تستاهلش" بكل تنويعاتها، زي "إنت ما تستاهلش تتحب" أو "إنت ما تستاهلش تفرح".. أو "إنت ما تستاهلش غير درجاتك في الثانوية العامة".. أو "إنت ما تستاهلش غير اللي أنا أسمحلك بيه"..

حد تاني وصلته رسالة بتقول "محدش هايهتم بيك إلا لو كنت مريض".. وفي قول آخر "محدش هايعيك أي اهتمام إلا لو كنت صانع للمشاكل".. وفي قول ثالث "عاوزانا نشوفك يبقى تجذبي انتباهنا على قد ما تقدري"..



حد ثالث وصلته رسایل مجملها "ما ینفعش تعتمد علی نفسك وأنا موجود".. أو "إنت ما تقدرش لوحدك".. أو "إنت هاتفضل صغير على طول"..

حد رابع شبع رسایل من نوع "اعمل کل حاجة تخلینی أرضی".. أو "أنا مش هارضی عنك أبدًا".. أو "مهما عملت.. كأنك ماعملتش حاجة"..

وهكذا.. وهكذا.. الموالية والمحوالة المعاد والمحالة المعاد المحالة المعادلة المعادلة المعادلة المعادلة المعادلة

كتير من اللي وصلته رسايل بالشكل ده.. واللي جواه دراما عاملة كده، ما بيكونش قدامه وقت ما وصلته إلا إنه يصدقها، لأنها غالبًا بتكون وصلته من أقرب الناس ليه.. وفي وقت وعمر وظروف تخليه ما يقدرش يعمل أي حاجة غير إنه يستسلم ليها..

مش بس كده.. ده بيفضل طول عمره عايش بيها.. وممحور حياته حواليها.. وبيتصرف على أساسها..

والأصعب من كل ده.. هو إنه ساعات بيسعى طول الوقت إنه يحققها.. آه.. يحققها.. ويثبتها.. وكأنها نبوءة.. ما ينفعش غير إنها تتحقق.. وده لسبب بسيط جدااااااااا.. هو إنه ما عرفش عن نفسه وعن اللي حواليه (وقتها) غير كده.. وما اتعلمش عن الحياة والعلاقات (ساعتها) غير ده.. وما كانش عنده أي بدائل يحمي بيها نفسه.. ولا أي اختيارات تانية يدافع بيها عنها..

طبعًا ده شيء صعب ومؤلم جدًا.. ومحتاج شهور وربا سنوات من العلاج النفسي الحقيقي العميق أو العلاقات الجيدة الطيبة....



بس في الحقيقة مش هو ده اللي عاوز أتكلم عنه.. أو ألفت الانتباه ليه..

اللي عاوز ألفت الانتباه ليه هو الطرف التاني من القصة.. الطرف اللي هاتتحقق النبوءة على إيديه.. أيون.. الطرف اللي صاحب النبوءة هايختاره علشان يكمل الحبكة الدرامية..

ما هو فيه رسايل وصلت.. وفيه مسرحية درامية متخزنة.. وفيه نبوءة لازم تتحقق.. وفيه بطل للقصة.. يبقى ناقص مين؟ قول إنت بقاااااااااااا..

ناقص الشخص اللي هايختاره البطل علشان يلعب الدور اللي ناقص. الشخص اللي هايحافظ على سير الأحداث في الخط المرسوم ليها. الشخص اللي هايطمن البطل إن اختياره كان صحيح.. وإنه كان معذور لما صدق اللي وصله.. وإنه ما كانش وما عادش ينفع إلّا إنه يكون كده، ويفضل كده..

معنى..

معظم اللي وصلته رسالة "إنت ما تستاهلش". هايدور طول الوقت على شخص يعامله على إنه ما يستاهلش. الشخص ده ممكن يكون صاحب أو صديق أو زوج أو زوجة..

ومعظم اللي وصلته رسالة "إنت ما تقدرش لوحدك" هايفضل طول حياته يدور على حد يتسند عليه ويعتمد على وجوده، ومن غيره يحس إنه ضعيف قليل الحيلة.. والحد ده ممكن يكون رئيسه في الشغل أو مراته أو حتى ولد من أولاده..



ومعظم اللي وصلته رسالة "أنا مش هارضى عنك أبدًا".. مش هايستريح غير لما يلاقي حد لا يرضى أبدًا مهما عمل أو بذل مجهود، ويعمل معاه علاقة، ويتشعلق فيه..

كل اللي فات ده بقى مقدمة.. ومقدمة مختصرة جدًا للي جاي دلوقت.. اللي عاوز أقولك فيه وبكل وضوح:

كتير أوي من الناس اللي حواليك بيدور على حد يلبسه أحد الأدوار المهمة والمؤثرة في مسرحية حياته.. خلي بالك أحسن حد يحاول يلبسك دور غير حقيقتك..

هاتلاقي حد بيقولك إنت أناني، مش بتهتم بيا، ومش شايف غير نفسك.. علشان يلبسك دور الندل الأناني الطهاع.. ويؤكد لنفسه رسالة "إنت دامًا مظلوم"..

هاتلاقي حد بيطلع منك كل شر.. ويستفز فيك كل غضب.. ويتصيد ليك كل غضب.. ويتصيد ليك كل خطأ.. علشان يلبسك دور الشرير المتسلط المفتري.. ويؤكد لنفسه رسالة "كل الناس وحشين/أشرار، وأنا بس اللي طيب"..

هاتلاقي حد بيشكرك عمال على بطال.. ويعبرلك عن كل الامتنان والعرفان من غير ما تعمل أي حاجة.. ما يتحركش إلا بإذنك.. وما يتنفسش إلا مشورتك.. علشان يلبسك دور الشخص القوي الباسل المخلص.. ويفضل معتمد عليك، ويؤكد لنفسه رسالة "ما ينفعش تعتمد على نفسك"..



هاتلاقي اللي بيحاول يلبسك دور أبوه الطيب، ويحرمك من حقك في الغضب والحنق والرفض أحيانًا.. هاتلاقي اللي بيحاول يلبسك دور حبيبته القديمة، من غير ما يشوفك ويشوف حقيقتك الأجمل والأحلى.. وهاتلاقي اللي بيحاول يلبسك دور المعتدي المجرم القاسي.. بدون أي وجه حق..

هاتلاقي اللي يحاول يلبسك دور الجاني.. واللي يحاول يلبسك دور الضحية.. وإنت ولا جاني ولا ضحية ولا منقذ.. وإنت شخص عادي طبيعي غلباااااان..

خلي بالك بقى..

وفتّح عينك كويس جداااااا..

إوعى تلبس أي دور حد يحاول يلبسهولك..

إوعى تكون إنت الشخص اللي هايحقق النبوءة المشئومة..

إوعى تلاقي نفسك طرف في لعبة درامية بائسة..لا هي بتاعتك.. ولا إنت قدّها..

وإذا كان ده حصل فعلاً.. فالحق بسرعة وبدون أي تردد.. اقلع الدور ده فورااااااااااااا.. وارجع نفسك اللي كنت تعرفها ومتأكد منها قبل ما تعرف الشخص ده مباشرة.. وما تسمحش له أو لغيره إنه يلبسك أي دور أو يدخلك في أي مسرحية حياتية هزلية..

إوعى تلبس..

إوعى تلبس..



(٦) أنا إنتي الماكن

Vo

للمزيد من الروايات والكتب الحصرية

fb/groups/Sa7er.Elkotob/ انضموا لجروب ساحر الكتب sa7eralkutub.com ظبتي نفسك قبل كده وإنتي بتعملي نفس اللي مامتك كانت بتعمله معاي وإنتي صغيرة؟

كشفت نفسك في أي مرة وإنت في أحد المواقف أو التصرفات، نسخة طبق الأصل من حد غيرك؟ أبوك.. أخوك.. حد من أصحابك..

جربت الحكاية دي قبل كده؟

كشفت نفسك مرة وإنت حد تاني؟

قفشت نفسك وإنت بتكرر نفس اللي اتعمل معاك، بس مع غيرك؟

كام مرة كنت (إنت) النهاردة؟

بص كده في المراية..

هو إنت مين دلوقت؟

إحنا ساعات لما بنحب حد، خاصة من المشاهير وإحنا في سن الشباب.. بنلبس زيه، نسرح نفس تسريحته، وهكذا.. بنعمل ده بشكل واعى وواضح.. وده اسمه (تقليد)..

لكن ساعات بيوصل بينا الحب والشغف درجة كبيرة جدًّا، مع عدم قدرتنا على الوصول للي بنحبه، أو عدم استطاعتنا إننا نكون زيه.. وقتها ممكن نعمل حاجة تانية غير (التقليد) اسمها (تقمص).. وده بيعمله عقلنا الباطن بدون وعي كامل مننا.. فنتكلم زي الحد ده، غشي زيه، نفكر زيه، نستقبل زيه، نفهم زيه، ناختصار.. نتحول لنسخة منه.. نبقى (هو)..



الحكاية دي مهمة جدًّا في بعض الأوقات.. مهم إن الولد في سن معين يتقمص أبوه علشان يحس إنه بينتمي لعالم الرجال، ويتكون جواه الضمير الأبوي اللي هايستمر معاه طول حياته، وكمان مهم إن البنت في إحدى مراحل طفولتها تتقمص أمها علشان تحس إنها تنتمي لعالم الإناث ويتكون برضه جواها الضمير الإنساني اللي هاتعيش بيه..

ساعات بنتقم ص الناس اللي بنحبهم علشان نحس إننا قريبين منهم وكل حتة فينا تتونس بيهم.. ساعات بنتقمص أساتذتنا وأصحابنا وإخواتنا وحبايبنا.. وغيرهم وغيرهم.. التقمص هنا بيكون مطلوب كشكل من أشكال القرب أو التعلم أو النمو النفسي.. باتقمص حد، أقرب منه أو تونس بيه أو أتعلم منه حاجة، وبعدين خلاص.. زي الجاكيت كده اللي ممكن ألبسه في وقت معين وأقلعه بعدها بشوية وألبس غيره وهكذا..

بس الغريب والمثير للدهشة.. هو إننا ساعات بنتقمص الناس اللي بنكرههم.. الناس اللي آذونا.. الناس اللي اعتدوا علينا وشوهونا وتركوا فينا آثار سيئة.. ده اسمه (تقمص المعتدي).. أو (التوحد مع المعتدي).. Identification with the Aggressor

وهنا فصل الخطاب.. ومحور الكلام.. ولب الرسالة..



شوف شوية أمثلة..

طالب في لجنة امتحان شفهي.. والدكتور كان غلس وقاسي وظالم.. وطلع عين الولد وبهدله.. وكان هايسقطه.. تلف الأيام والسنين، ويبقى الطالب ده في نفس مكان الدكتور وبيمتحن طالب عنده.. تلاقيه بدل ما يكون لطيف ومنصف وعادل معاه.. يتحول بقدرة قادر إلى نسخة طبق الأصل من الدكتور اللي ظلمه.. وساعات يكون أقسى وأظلم منه..

طفل اتعرض لتربية صعبة وطريقة قاسية في التعامل من أبوه وأمه. يجي لما يخلف ويكون عنده أولاد. يتعامل معاهم في كتير من المواقف بنفس القسوة اللي اتعرض ليها.. وكأنه بيتقمص أبوه أو أمه.. بدلا من عمل العكس..

حد اتعرض لقهر وعنف وذل.. أول ما تلف الأيام وتدور دورتها، ويبقى في مكان اللى قهره وظلمه، يتحول لنسخة منه.. ورجا أسوأ..

إحنا ساعات بنتقمص اللي اعتدى علينا علشان معرفناش ناخد حقنا منه.. أو علشان ما نحسش بالضعف والعجز قدام نفسنا.. أو علشان في نفس الوقت اللي كنا فيه بنكرهه.. كنا برضه بنحبه..



بص تاني كده في المراية.. واسأل نفسك كمان مرة..

كام مرة اتعاملت مع حد بنفس طريقة تعامل أبوك معاك؟

في كام موقف لقيتي نفسك بتكرري مع بنتك أو صاحبتك نفس اللي كانت والدتك بتعمله معاكي؟

إمتى آخر مرة تقمصت حد غيرك ولعبت دوره؟

إمتى آخر مرة كنت مش إنت؟ كنت اللي ظلمك واعتدى عليك؟ في الحقيقة أكبر ظلم ممكن تظلمه لنفسك هو إنك تكون

نسخة من اللي آذاك..

وأكبر انتصار عليك من حد ظلمك.. هو إنه يحولك لصورة منه.. مش بس كده..

ده كلمان أكبر أذى ممكن يؤذيهولك حد بتحبه.. هو برضه إنه يخليك نسخة منه.. لأنه هايمسح شخصيتك فيه، ويدوب ملامحك جواه، ويحرمك من اختلافك وتفردك.. هايخليك زي الوصف الموجود في أغنية أصالة (أنا إنتى).. وصف شكله جميل من بره، لكنه مليان تشويه وأذى من جوه (وباقي الأغنية بيؤكد كده):

أنا حبك.. أنا صاحبك.. أنا عقلك وتفكيره..

ما أنا منك.. وروح قلبك.. وأخوي لما تحكيله..

أنا فرحك.. ألم تعبك..

أنا في كل اللي بتحسيه حاسس بيكي..

ما أنا إنتي.. ما أنا إنتي..



ما فيش تشويه أكتر من إنك تلاقي نفسك بتعيش بشخصية حد تاني.. مهما كان الحد ده..

بص في المراية مرة أخيرة..

واوعد نفسك..

إنك هاتفضل طول الوقت (أنت)..

وإنك مش هاتكون في أي وقت أي حد تاني غيرك..

أي حد..



(v) انتبه.. أنت ترجع إلى الخلف



AT

للمزيد من الروايات والكتب الحصرية

انضموا لجروب ساحر الكتب /fb/groups/Sa7er.Elkotob sa7eralkutub.com لفتكر إيه أصعب حاجة ممكن الواحد يعملها لما يتعرض لحدث نفسي هائل يفوق قدراته النفسية على التحمل: حادث مفاجئ.. خبر وحس.. ظروف صعبة.. أذى بدني أو معنوي شديد.. تربية قاسية.. فقد شيء أو شخص غالي أو عزيز (مع وجود بعض العوامل الجينية، وبعض الاضطراب الكيميائي بالمخ، وبعض الظروف الاجتماعية أو البيئية طبعًا)؟

في الحقيقة هو ممكن يعمل (أو تحصل له) حاجات كتير، منها إنه يصاب بمرض أو عَرَض نفسي.. اكتثاب.. توتر.. اضطراب ما بعد الصدمة.. أو درجات مختلفة من غياب الوعي.. وساعات اضطراب في الشخصية، وممكن جنون.. وغيرهمم..

الأمراض النفسية ليها أشكال وأنواع كتير جدًّا.. لدرجة إن أساميها بتتغير كل شوية مع الاكتشافات الجديدة في عالم الطب النفسي.. لكن من وجهة نظر تحليلية معينة، بعض الأمراض النفسية هي في الحقيقة رجوع للخلف (نكوص/ Regression)..

بعنى.. إنه أمام الصدمة النفسية الشديدة اللي ممكن حد يقابلها أو يمر بيها، بيقرر عقله - في بعض الأوقات- إنه يرجع لآخر مرحلة عمرية كان حاسس فيها بالأمان والاتزان النفسي. عادة بتكون المرحلة دي أثناء الطفولة.. يرجع سنة، اتنين، ثلاثة، عشرة، عشرين.. هو ونصيبه.. وبتظهر عليه وهو كبير كل المواصفات والخواص النفسية اللي كانت موجودة عنده في المرحلة العمرية الصغيرة دي (بس وقتها كانت موجودة بشكل طبيعي كجزء من نهوه)..



تصور بقى لو المريض كل ما يرجع بعقله كام سنة لورا، يلاقي المرحلة اللي رجعلها مرتبطة كمان بصدمة نفسية تانية، وتالتة، وهكذا..

ساعتها هايضطر يعمل حاجة صعبة جدًّا.. وهي إنه هايفضل يرجع لغاية ما يوصل للمرحلة النفسية اللي كان فيها وهو عنده كام شهر، لما كان بيتخيل/ يهلوس حاجات مش موجودة يسلي بيها نفسه في غياب أمه (وإحنا نقول عليه ده بيحرك عينيه علشان بيشوف الملايكة).. ونسمي ده في علم المرض النفسي رجوع/ نكوص غائي متقدم Progressive Teleological يؤدي إلى (الفصام).. الجنون يعني.. وهو من أعتى الأمراض النفسية.. لكنه مش أعتاها ولا أصعبها على الإطلاق..

الأعتى والأصعب فعلًا من الجنون ومن الاكتئاب ومن اضطراب الشخصية هو إن المريض يرجع لورا شوية أكتر.. آه.. يرجع كمان قبل الكام شهر الأولانيين في عمره، علشان حتى دول ما كانش حاسس فيهم بالأمان (إهمال شديد من الأم، قسوة شديدة من الأب أو الأم، صدمة نفسية شديدة جدًّا).. ساعتها هايقرر (بشكل غير واعي) إنه يرجع للرحم.. لحياة ووضع وسلوك الجنين..

فاكرين مسلسل (سارة).. أهو هو ده الي كان حاصل ليها.. سارة كانت عايشة حياة الجنين علشان دي كانت آخر مرحلة هي حست فيها بالأمان في حياتها.. ولما اطمنت للعالم وللناس عن طريق الدكتور اللي كان بيعالجها (د. حسن)، كبرت شوية وبقت تتكلم وتتصرف زي الأطفال الصغيرين.. وتوالت أحداث المسلسل..



إنت عارف إن الجنين في رحم أمه بيحس وبيستقبل رسايل كتير من العالم الخارجي؟ بيوصله حنان أمه ومشاعرها.. بيحس هي مضايقة واللافرحانة، بيعرف هي مطمنة واللا قلقانة، بيوصله هي بتحبه واللا لأ، قابلة وجوده واللارافضاه، عاوزاه واللاجه غلطة.. هو بيحس ويستقبل كل ده بطرق كتير جدًّا أبسطها الهرمونات الي بيفرزها جسم الأم في حالاتها النفسية المختلفة وبتوصل للجنين من خلال المشيمة.. يعني حتى جوَّه الرحم.. ممكن الجنين يحس بالحب والعطف والقبول والأمان.. أو يحس بالكره والجفاء والرفض والتهديد.. ده مش كلام فلسفي ولا أسطوري.. ده كلام علمي عليه آلاف الأبحاث والدلائل الحديثة..

المهم.. تصور بقى لو حد حمله صدمة نفسية بأي شكل من اللي وصفناهم، وكل ما عقله يُحاول يرجع الخر مرحلة عمرية حس فيها بأمان ما يلاقيش، ولا حتى في الرحم وهو جنين.. عارف هايعمل إيه ؟ عارف إيه القرار اللي عقله هاياخده (بشكل غير واعي طبعًا) وينفذه ؟ قرار في منتهى الصعوبة والقسوة.. قرار إنه ينفصل عن العالم.. يخاصم الحياة.. يقفل على نفسه أبواب نفسه.. هو مش هاينتحر أو يحوت نفسه.. لا.. هو هايعمل حاجة أصعب.. هو هايعيش ميت.. هايبقى زيه زي أي نبات أو جماد.. لا ياكل، ولا يشرب، ولا يتكلم.. تشيله من هنا وتحطه هنا.. ما يتحكمش في أعصاب وعضلات جسمه ولا حتى في دخوله الحمام.. لو سيبته واقف هايفضل واقف.. لو خليته قاعد هايفضل قاعد.. إنت قدام شخص قرر يفارق الحياة وهو عايدش..



بيسموا ده في الطب النفسي كتاتونيا Catatonia، وهي كلمة من أصل لاتيني معناها جثة.. بني آدم قرر يتحول لجثة.. علشان ده الوضع الوحيد اللي بيحس فيه بالأمان.. وضع الخروج من الحياة بكل سخافتها وضراوتها ومخاوفها.. هو مش بس بيغيب بوعيه زي حالات الهيستيريا والانشقاق.. لا.. ده كمان بيغيب عن العالم بجسمه.. ومشاعره.. وبأحاسيسه..

الكتاتونيا هي أصعب مرحلة من المراحل اللي ممكن يوصل ليها أي مريض نفسي، وعلاجها أصعب منها، وفهمها والوصول لمعانيها المختلفة من مريض لمريض أصعب وأصعب..

في جلسة مع إحدى مريضات الكتاتونيا بعد علاجها.. قالت المريضة للمعالج بتاعها (الإيطالي سيلفانو آريتي) إنه من ضمن أسباب مرضها بعدم الحركة والانفصال عن العالم هو شعورها اسباب مرضها بعدم الحركة والانفصال عن العالم هو شعورها بالذنب، لأنها كانت متصورة إن أي حركة هاتعملها ولو بسيطة هاتلخبط موازين الكون كله.. كلام شكله غريب.. لكن في الحقيقة، المريضة دي وصلها طول عمرها إن كل أفعالها غلط.. وكل كلامها بيعمل مشاكل.. وكل تصرفاتها بتلخبط الدنيا.. اللي حواليها وصلولها شعور عميق وساحق بالذنب على كل حاجة.. لدرجة إنها حسّت إن وجودها نفسه يدعو للشعور بالذنب.. فقرر عقلها الباطن إنه يشال هذا الوجود ويوقف نشاطه فقرر عمل كل شيء وأي شيء.. علشان ما تغلطش وما تتعرضش للعقاب.. وما تحسش بالذنب..



الكتاتونيا هي انعدام الحياة النفسية بحثًا عن لحظة أمان واحدة فيها..

الكتاتونيا هي قرار بوقف الوجود.. من شدة الألم والخوف..

الكتاتونيا هي أعمق درجة من درجات الموت النفسي..

لو ليكم أصحاب.. قربوا منهم وحبوهم واستقبلوا حبهم.. احفروا ذكرياتكم الحلوة معاهم في كل خلية فيكم..

لو ليكم أهل. اقعدوا معاهم واسمعوهم وكلموهم.. سامحوهم واعذروهم.. احضنوهم وحسوا بحضنهم..

وانتو بتربوا أولادكم.. خلوا فيه بينكم وبينهم لحظات حلوة كتير.. مواقف طيبة فيها قبول وفرحة ورحمة..

علشان في وقتِ من الأوقات..

لحظة أمان واحدة.. ممكن تكون هي حائط الصد ضد صدمة نفسية مفاجئة..

موقف طيب بسيط.. ممكن يكون هو درع الحماية قصاد هجوم المرض النفسي وشراسته..

حضن دافي صغير .. ممكن يكون هو مكانك الأخير عند اختفاء كل الأماكن..

كلمة حلوة.. نظرة قرب.. ابتسامة رضا.. ممكن تكون هي الملجأ والملاذ والمنقذ.. وقت طوفان النفس العنيف..



غمض عينك. حسهم.. افتكرهم.. استرجعهم.. وامسكهم بذاكرتك.. وما تفرطش فيهم أبدًا..

ولو قليلين أو مش موجودين.. الحق اعملهم وعيشهم واستمتع بيهم واحتفظ بيهم جواك.. يمكن يكونوا هما الفرصة الأخيرة.. قبل الرجوع النفسي للخلف..

والمراج والموالع وهومرساء ويعافه إوليعقا يرايما ولأبيا ونا



للمزيد من الروايات والكتب الحصرية

ووتصه مين عصل كل فيء وأي فيء، ملشيان سيا مشكله العاقيا

fb/groups/Sa7er.Elkotob/ انضموا لجروب ساحر الكتب sa7eralkutub.com

أنا بعشق البحر



91

للمزيد من الروايات والكتب الحصرية

انضموا لجروب ساحر الكتب /fb/groups/Sa7er.Elkotob sa7eralkutub.com حكايتنا مع الماية حكاية غريبة جدًّا..

أول علاقة لينا مع الماية كانت في الرحم.. لما كان كل واحد فينا غرقان في السائل الأمنيوسي وعامل زي السمكة اللي عايشة في البحر.. حالة جميلة من المتعة والهدوء والدفا.. الأكل والشرب بيوصل لغاية عندك.. حي الأكسجين مش بتبذل أي مجهود علشان تحصل عليه.. قمة الأمان والاطمئنان والرفاهية.. ملك متوج على عرش الرحم.. ما فيش خوف.. ما فيش ألم.. ما فيش مسئولية.. جنة كاملة بكل مواصفاتها وتفاصيلها..

لغاية ما يجي اليوم الموعود.. وتتزلزل الأرض من تحتك.. وتنهار السبا من فوقك.. وتنفجر شلالات المياه من كل ناحية، وتنقبض عليك جدران الرحم بكل قسوة، علشان تطردك من جنتك زي ما أبوك آدم اتطرد من جنته بالظبط.. وتنزل على الأرض.. ويبدأ الخوف، والألم، والمسئولية..

زي ما قولنا قبل كده، كتير من الأمراض النفسية يمكن تفسيرها من وجهة نظر معينة على إنها رجوع للخلف Regression في تاريخ تطورنا ونهونا النفسي لغاية آخر لحظة كنا فيها في أمان وتوازن نفسي. ومن أصعب الأمراض دي مرض الفصام اللي المريض بيرجع فيه لغاية المرحلة الفمية من غوه النفسي (تبدأ من الولادة حتى سن سنتين)، والي كان فيها بيهلوس ويتخيل حاجات مش موجودة يسلي بيها نفسه في غياب أمه. فيه مرضى قليلين جدًّا بيرجعوا أكتر شوية لغاية حياة الرحم. وتصيبهم حالة نفسية وجسدية نادرة ياخدوا فيها وضع الجنين. علشان ده الوضع والوقت والمكان الوحيد اللي كان فيه أمان بالنسبة ليهم...



فيه ظاهرة شهيرة جدًّا في بعض المرضى النفسيين اللي عندهم أمراض زي الفصام، والهوس.. وهي إنهم بيحبوا الماية ويبقوا عاوزين يشربوا ماية كتير جدًّا.. لدرجة أن بعضهم بيحصله مشاكل عضوية بسبب زيادة نسبة الماية في الجسم (تسمم المياه).. ورغم إن فيه تفسيرات كتير للظاهرة دي.. لكن من أهم تفسيراتها النفسية هي رغبة المرضى دول في الاتصال بالماية والغوص فيها زي ما كانوا زمان في الرحم.

السؤال بقى.. هو إحنا فاكرين حياتنا في الرحم؟
هو عقلنا لسه محتفظ بذكرياتنا في بطون أمهاتنا؟
هي قدرات ذاكرتنا تقدر توصل للدرجة دي؟
والإجابة بكل وضوح ومباشرة: نعم.. أيون.. فعلاً.. جدًّا..

فيه عالم نفسي شهير اسمه ستانيسلاف جروف Stanislav Grof عمل مجموعة هائلة من الأبحاث والتجارب على كتير من الناس في سبعينيات وثمانينيات القرن الماضي (وما زال لغاية النهاردة)، باستخدام طريقة معينة يخليهم بيها يغيبوا عن الوعي شوية، ويدخلوا في حالة من الهلاوس وما يشبه الأحلام والرؤى.. ويسألهم لما يفوقوا هما شافوا إيه أو حسوا بإيه.. ويخليهم يسجلوا أو يرسموا اللي شافوه.. كتير جلًا من الناس كانوا بيوصفوا إحساسهم بأنهم كانوا زي السمكة في البحر.. وبعضهم وصف بشكل تفصيلي إحساسه جوه مكان مغلق مليان ماية، وبعضهم رسم بوضوح شديد رحم مقفول فيه فتحة صغيرة وبعضهم رائم بوضوح شديد رحم مقفول فيه فتحة صغيرة والضفط الشديد حواليهم.. أو بالزهق والضيق..



(جروف) بيفسر ده بأننا كلنا عندنا -على مستوى ما من مستويات وعينا- مخزون هائل من ذكريات وجودنا في الرحم، ورغبة دائمة في العودة ليه.. والذكريات دي مش بس موجودة في ذاكرتنا المُخَية.. لا.. دي موجودة في جسمنا وخلايانا فيما يُعرف حديثًا باسم (الذاكرة الخلوية).. أو (ذكريات الخلية).. وأن الذاكرة دي موجود فيها كل الخبرات اللي مرّينا بيها في الرحم.. اللي بعضها ممكن يكون بعضها ممكن يكون معب وسيئ نتيجة رسايل نفسية بتوصل للجنين من الأم (مش عايزاك، إنت جيت غلطة، يا ريت تنزل) أو تغيرات كيميائية بتحصل في الدم الواصل ليه من خلالها مع تغير حالاتها النفسية أو العضوية.

مش بس كده.. ده الكلام ده بيفسر حاجات كتير تاني.. عمرك حلمت أو تعرف حد حلم بالبحر؟

شوفت في المنام قبل كده أو حد حكالك إنه شاف نفسه (أو حد تاني) بيعوم أو بيغرق؟

بتحب أو تعرف حد بيحب ينام في وضع الجنين؟

كل ده ليه نفس التفسير، ونابع من نفس المصدر الداخياي، الي محتفظ بكل ثانية وكل تفصيلة من مرحلة هامة جدًّا في وجودك.. مرحلة حياة الجنين.. اللي كنت بتعوم فيها في بحر الرحم بأمواجه ومده وجزره..

المرحلة دي بتكون (الولادة) بالنسبة لها مثابة (النهاية).. نهاية الجنة والمتعة والنعيم.. علشان كده فيه نظرية كاملة في علم النفس اسمها نظرية (صدمة الولادة)..



فيه كمان حلم شهير بيتكرر عند بعض الناس.. بنسميه حلم نهاية العالم.. بيكون فيه العالم بينتهي وبيتدمر.. ساعات زلزال.. ساعات ماية من كل ناحية تغرق الناس والمباني.. ساعات رياح وعواصف ومطر.. أحد تفسيرات الحلم ده هو إنه وصف تفصيلي للحظة الولادة اللي انهار فيها عالم الجنين وانتهت فيها حياة الرحم..

فيه علماء بيفسروا رغبة بعض الناس في الموت بأنها أحد صور رغبتهم الأعمق في العودة للرحم.. المكان المقفول المظلم اللي ما كانش فيه غير السكون والهدوء والفراغ. لكن طبعًا دي صورة مريضة جدًّا تستدعي العلاج النفسي المكثف.

فيه ناس كمان بتقول إن مجرد (النوم) هو استعادة لذكريات السبات العميق داخل الرحم.. وأنا شخصيًّا شايف إن (الحضن) هو البدين اليومي الطبيعي المتاح لاسترجاع مشاعر حضن الرحم.

واضح إن الموضوع كبير جدًّا.. بس مش معناه على الإطلاق إن اللي بيحب البحر والماية يبقى عاوز يرجع أو ينكس.. أو إن الحنين للرحم ده شيء مرضي أو مستهجن.. بالعكس.. دي حاجة طبيعية موجودة عند كل الناس في أحد مستويات وعيهم.. وممكن تكون دافع للحركة وطاقة للنضج وأرضية متجددة للحياة..

طيب.. إيه بقى ؟! ما حد الها المحدد المالية المحدد المحدد المحدد

بص يا سيدي..



إحنا في رحلة.. بدأناها مختاريان أو مضطريان أو الاتناين.. رحلة بدأناها في الجنة.. جنة آدم.. وبنسعى في حياتنا إننا نرجع ليها تاني.. بالعمل والمشقة والصبر.. بالمعاملة الحسنة والأخلاق الطيبة والقرب الحقيقي من نفسنا ومن الناس ومن ربنا.

بعض الناس عاوزة تستسهل وتوصل بسرعة.. من خلال طرق مختصرة.. تبعد فيها عن الناس وتكرههم وتحكم عليهم وتسئ معاملتهم تحت ادعاءات فارغة، وتبعد عن نفسها وتحقر من شأنها وتتفنن في ذلها بمسميات مغلوطة، وتتصور إن ده بيقربها من ربنا.. مع إنه في الحقيقة مش بيقربنا من أي حاجة..

فيه صورة مصغرة للرحلة دي.. بدأناها في الرحم.. وجوانا رغبة دائمة للعودة ليه.. بعض الناس برضه عاوزة تستسهل وتوصل بسرعة.. من غير خوف.. من غير ألم.. من غير مسئولية.. مرة بالمسرض النفسي.. مسرة بالرغبة في المسوت.. مسرة بالهسروب مسن الناس.. لكن ده في الآخر مش بيوصل لأي حاجة..

البحر حلو وجميل ومغرى..

لكن علشان تعوم..

مهم تبذل شوية مجهود ومعافرة وكفاح..

ساعات هاتمشي عكس التيار..

ساعات هاتقف في وش الموج..

ساعات هاتقاوم بكل قوتك..



الاستسلام للغرق سهل..

بس رحلة الحياة مليانة شرف..

بعد ما تخلص الفصل ده .. عاوزك تشوف فيلم (جرافيتي) Gravity، وتركز في المشهد المبدع اللي بتظهر فيه بطلة الفيلم في وضع الجنين داخيل مركبتها الفضائية، بعيد ما انتهت بيها جميع المحاولات.. وضاقت بيها كل السبل.. لكنها بعد دقائق.. تقرر إنها ما تستسلمش.. وإنها تقبل صعوبة الحياة.. وتتجاوز ألم الفقد.. وتغامر وتجازف وتقتحم الخطير.. وتنزل على الأرض.. وتخطيو خطواتها الأولى نحبو الحياة.. على شاطئ البحر.. وكأنها لسبه بتتعلم المشي.. بكل إرادة، وإصرار، وشبجاعة..

قوم بقى اشرب شوية ماية.. وكأنك بتشرب للمرة الأولى.. حس بيها.. استطعمها.. واكتشف معايا.. إن الماية مش زي ما كانوا بيعلمونا في المدرسة ما لهاش طعم ولا لون ولا رائحة..

الماية -على رأى د. مصطفى محمود- ليها طعم الحياة..

باللا.. هنا ودلوقت..

جدد علاقتك بالماية..

جدد علاقتك بالحياة..



(9)

أنت تكرهني.. إذن أنا موجود



للمزيد من الروايات والكتب الحصرية

تصوّر لما يكون مصدر إحساسك بنفسك في الدنيا هو إن حد بيكرهك.

تصور لما يكون شعورك بوجودك مرهون بوجود ناس بتحسدك وبتراقبك وبتتآمر عليك..

تصور إنك ما تحسش بقيمتك وبأهميتك إلا من خلال ناس عاوزة تسمّك وهوّتك وتخلص منك.

زي ما قولنا.. من أصعب الأمراض النفسية على الإطلاق مرض (الفصام)، وهبو واحد من فصيلة أكبر من الأمراض اسمها الأمراض الذهانية.. أول وأهبم عرضين في الفصام (الجنون) هما الضلالات والهلاوس (فيه طبعًا أعراض أخرى كتير).. ضلالات يعني أفكار خاطئة وصاحبها مصدقها لدرجة لا تقبل الشك، وهلاوس يعني المريض يستقبل حاجات مش موجودة في الحقيقة.. يسمع أصوات غريبة، يشوف صور ومشاهد مش حقيقية، يحس بحاجات محدش غيره يحس بيها وهكذا..

المهم.. كل دي أعراض مرضية، معروفة ومكتوبة بشكل أدق وأفضل في كتب الطب النفسي وعلم النفس.. لكن.. دي مش كل الحكاية.. ومش غاية المقصد..

الحكاية -من وجهة نظري- هي إيه اللي ورا الأعراض الغريبة دي، إيه معناها وإيه سببها؟ جاية منين ورايحة فين؟ المريض عاوز يقول إيه من خلالها؟



يعني إيه حد يبقى متأكد إن الناس بتكرهه وعاوزة تموته؟ ليه حد يتصور إن فيه كاميرات بتراقبه أو فيه سم في الأكل؟

إزاي حد يشوف حاجات مش موجودة، أو يسمع أصوات مش حقيقية؟

طبعًا فيه تفسيرات كتير، وإجابات أكتر.. منها الوراثي والجيني والبيولوجي والكيميائي.. وكلها قائمة على نظريات علمية غاية في الدقة، لكن الأهم والأدق منها جميعًا هو التفسير النفسي.. اللي ليه علم قائم بذاته.. اسمه علم السيكوباثولجي..

تصور حد وصلته رسائل نفسية في طفولته وأثناء تربيته -وساعات في معظم فترات حياته- إنه مش مهم.. وإنه ما لهوش قيمة.. رسائل من نوعية (إنت ما لكش لازمة).. (يا ريتنا ما خلفناك).. (كان غيرك أشطر).. (إنت زي قلتك)..

تصور حد كل اللي شافه من اللي حواليه حب بشروط، وقبول بشروط، واهتمام بشروط..

تصور حد كان مضطر طول الوقت إنه ما يبقاش نفسه، ويدفنها، ويدفنها معاها حقيقته وتلقائيته وإبداعه.. علشان خاطر اللي حواليه يرضوا ويقولوله برافو..

الشخص ده نفسيته هاتبقى عاملة إزاي؟



بلاش كده..

حد بيتقاله بالكلام اختار مستقبلك واعمل اللي إنت عاوزه.. ويتقاله بالتصرفات إوعى تكون غير المشروع اللي أنا عاوزه..

أو واحدة يتقالها بالكلام إنتي حرة ومعززة ومكرمة.. ويتقالها بالتصرفات إنتى عار ووجودك جرهة وذنب..

كل دول هايكونوا عاملين إزاي من جوه؟ إحساسهم بنفسهم هايكون إيه؟ علاقاتهم بنفسهم وبالعالم هاتاخد أي شكل؟

بدون الدخول في تفاصيل مؤلمة.. دول هم المادة الخام والتربة الخصبة للمرض النفسي.. كل واحد منهم هو عبارة عن مشروع مريض نفسي من الدرجة الأولى.. قنبلة موقوتة مستنية لحظة الانفجار.. في وجود بعض العوامل الجينية والبيولوجية طبعًا..

الأمراض النفسية باختصار شديد جدًّا هي إما جنون، أو دفاعات ضد الجنون (على رأي د. يحيى الرخاوي).. يعني اللي هايقدر منهم يستحمل واقعه المؤلم، ويحتفظ ببعض من عقله في مواجهة تربيته وظروفه وجيناته، هايصاب بأمراض زي الاكتئاب والقلق والجسدنة واضطرابات الشخصية.. أما اللي مش هايقدر يستحمل الواقع والظروف والضغوط والصدمات النفسية اللي شافها طول عمره، فده اللي هايقرر بشكل واعي أو غير واعي إنه ينفصل (ينفصم) عن الواقع ده مّامًا، ويخلق الواقع بتاعه هـو.. (علشان كده سمّوه فصام)..



وهنا لينا وقفة.. عند جملة (يخلق الواقع بتاعه هو)..

اللي شافه مريض الفصام من واقعه وحياته والناس اللي حواليه أصعب بكتير من تحمل قدراته النفسية والعقلية.. علشان كده هو بيقرر إنه يسيب العالم ده كله على بعضه، ويعيش في عالم خاص بيه هو لوحده.. فيه ناس هو اللي يصنعهم، وأحداث هو اللي يصيغها، وتفاصيل هو وحده اللي يتحكم فيها.. فيبدأ يخلق أشكال وألوان وبني آدمين.. ليهم صوت وصورة وحياة.. وينسج حكايات وروايات وسيناريوهات.. ويصدق أفكار ومعتقدات وشكوك..

طيب. المنطقي إنه طالما اللي شافه قبل كده في حياته حاجات وحشة، وخبرات مؤلمة.. يبقى يخلق شخصيات جميلة وطيبة، وأحداث هادية ولطيفة وخفيفة.. في الحقيقة ده ساعات بيحصل، بسس مش داعًا.. اللي بيحصل أكتر هو العكس.. ورغم إن ده غريب.. لكنه مثير للشفقة لأقصى درجة..

الأصراف النفسية باختصار فيهبد حيدا هي إميا جند وعل

أقولك ليه .. ويون المراضو و المرابع عقام المصالح ومراه والمالية

مريض الفصام وصلته رسالة في مرحلة ما في حياته أنه مرفوض.. إن وجبوده من مرغبوب فينه.. إن كيانه مالهبوش أي قيمة ولا لازمة ولا أهمية حتى لأقرب الناس لينه.. يبقى في الحقيقة هنو من جنواه بيتمنى أي شكل من أشكال الوجنود، وأي درجة من درجات القيمة والأهمية.. وهنا الغلب والوجع الحقيقي..



مريض الفصام بيتمنى من جواه إنه يحس بوجوده.. حتى لو معنى ده إن فيه حد بيكرهه.. حتى لو من خلال حد هو بيخلقه ويتصور إنه هايحطله السم في الأكل.. هو يعني كان عرف يعني إيه حب من أصله؟ هو لقى حب وقال لأ؟ هو العالم الداخلي بتاعه فيه غير كده؟ ده يا دوب بيدور على أي حد.. إن شالله حد يكرهه ويتآمر عليه ويبقى عاوز عوته.. ما هو معنى كده إنه موجود.. وإنه مهم.. وإنه ليه قيمة.. وقيمة كبيرة كمان.. ده بعض المرضى من غلبهم بيتصوروا إنهم أنبياء أو (المهدي المنتظر) من كتر احتياجهم الشديد للاهتمام والشعور بالقيمة والأهمية.. لا حول ولا قوة إلا بالله..

تصور شدة وعمل الاحتياج اللي يضلي حد يخلق أصوات مخيفة، وأشكال ناس مرعبة، ويطلق إنهم بيراقبوه، وبيكرهوه، وعاوزيل يخلصوا منه، علشان ده يحسسه بوجوده وبقيمته.. تصور ضعف وغلب حد بيشك إن أي اتنين بيكلموا بعض يبقى بيتكلموا عليه لأنه هايوت ويحس إنه مهم عند أي حد، حتى لو هايتكلم عليه. عريض الفصام بيصرخ من خلال أعراضه ويقول: أناااا موجودودودوددد.

وطبعًا المصدر الأساسي والرئيسي لكل الهلاوس اللي بيخلقها وكل الضلالات اللي بينسجها هو العالم الداخلي بتاعه، اللي مليان كالنات مخيفة وأشكال مرعبة وأصوات صارخة اتكونت جواه من خلال كل اللي وصله عن نفسه وعن الآخرين طول حياته.

ولو ما نفعش كل ده.. يرجع في عمره العقبلي شوية، ويهلوس بالمية والبحر والغرق.. اللي بيفكروه بالسائل اللي كان بيعوم فيه في المكان الوحيد اللي حس فيه بالأمان.. رحم أمه..



ولو ده كمان ما نفعش. ينفصل تمامًا عن الحياة. ويجيله كتاتونيا (تخشب) تخليه زي أي نبات أو جماد.. لا ياكل ولا يشرب ولا يتحرك..

طبعًا ده تفسير مبسط جدًا ولا يحكن تعميمه.. فيه تفسيرات كتير.. وأعراض أكتر..

مريض الفصام مصاب في أعمق أعماق نفسه..

مصاب في وجوده ومعناه وقيمته وأهميته..

مصاب بشعوره الشديد بالرفض اللي وصله بشكل قاسي ومتتابع..

إزاي ما يتجننش يعني؟

نرجع هنا تاني بقى.. عندك وعندي.. وعند أصحابنا وحبايبنا وأولادنا وقرايبنا.. ونقول ونعيد كمان..

الدفاع القوي الناجع ضد كل الأمراض النفسية- مهما تطور العلم وزادت الأبحاث، هو وجود إنسان (ولو واحد) قابلك ومهتم بيك وبيحبك حب حقيقي غير مشروط..

خط الرجعة الأخير ضد الاكتئاب والقلق واضطرابات الشخصية، في وجود كل أنواع الأدوية والعقاقير، هو علاقة إنسانية يوصلك فيها إنك من حقك تكون نفسك.. من غير ما تدفع أي تمن..



حائط الصد الصلب ضد الذهان والفصام والجنون، بالرغم من لجاح بعض الطرق الأخرى، هو إنك تصدق إنك تستاهل تعيش، وتستاهل تنحب.. وإن ده حقك..

تستاهل تعيش..

وتستاهل تفرح..

وتستاهل تتحب..

وده حقك..

جرب تقول كده:

أنا أستاهل أعيش..

وأستاهل أفرح..

وأستاهل أتحب..

وده حقي..



معظم الأمراض النفسية ليها أسباب بيولوجية معروفة ومثبتة بدلائل علمية قوية، إلى جانب عامل وراثي لا بأس بيه في كتير من الحالات.. لكن.. في الحقيقة الأمراض النفسية مش بتتفسر بس بالأسباب البيولوجية، أو بالعوامل الجينية.. ده فيه عشرات ورجا مئات العوامل الأخرى اللي بتتداخل مع بعض علشان تؤدي في الآخر للإصابة بالمرض ده أو غيره من أمراض النفس.. ومن أهم العوامل دي طريقة التربية، ومعاملة الأب والأم، والرسايل اللي وصلت للأبناء من خلالهم، واللي تأثيرها تضامن مع باقي العوامل لغاية ما أصبح عندنا مريض نفسي..

زى ماعرفنا قبل كده.. كل واحد فينا بيوصله خلال تربيته مجموعة من الرسائل النفسية اللي مع تكرارها وتأكيدها من الأب والأم كل شوية تتحول لجزء لا يتجزأ من التكوين النفسي للأبناء.. لدرجة أن الرسايل دي بعد كده تطلع من جواهم ليهم تلقائيًا وكأنها بتاعتهم هما شخصيًّا.. يعني اللي وصلته رسايل من نوعية (إنت ما تستاهلش).. (إنت أقبل من غيرك).. (شوف فلان أحسن منك إزاي).. هايكبر وتفضل الرسايل دي جواه.. وهايطلعله صوت من جواه كل شوية يقوله (إنت قليل).. (إنت وحش).. (فلان عمل وإنت ما عملتش).. وهكذا..

إحنا جوانا جهاز نفسي مهم زي الريكوردر متسجل فيه كل الرسايل اللي وصلتنا في طفولتنا وصدقناها عن نفسنا وعن العالم وعن الآخرين.. الجهاز ده شغال ٢٤ ساعة في اليوم.. حتى وإحنا ناهين، ممكن يبعتلنا رسايله في الأحلام.. الجهاز ده حتة منك.. مش حاجة منفصلة عنك.. ولما الرسايل دي بتطلع لوعيك، بتكون خلاص بقت بتاعتك..



تصور بقى حد وصلتك رسايل نفسية وهو صغير (عادة قبل سن خمس سنوات) محتواها عبارة عن (إنت ما عملتش اللي عليك).. (إنت دايًا مقصر).. (أنا مش راضي عنك).. (فيه أحسن من كده).. (لسه ناقص شوية.. كمل..).. لمّا الرسايل دي يصدقها عن نفسه ويخزّنها جواه.. لدرجة إنه يبدأ بعد شوية يتعامل بيها مع نفسه.. تفتكر هايعمل إيه؟

بكل بساطة الشخص ده عمره ما هايحس إنه عمل اللي عليه.. هايلاه الشك في كل حاجة بيعملها..

هايحس بالذنب والتقصير على كل خطوة بيخطيها.. لأنها دايًا ناقصة، ومش كاملة، وكانت ممكن تبقى أحسن..

الشخص ده كل ما يعمل حاجة تطلع له فكرة ملحة من جواه تقوله: (لسه شوية).. (ما تعملتش صح).. (المفروض كانت تتعمل بشكل أفضل).. (لازم تعيدها تاني علشان تطلع أحسن).. (أنا لسه مش راضي).. (اعمل الصح).. فيعيد ويزيد اللي عمله علشان يهدى ويرتاح، وترجع الفكرة تتكرر تاني.. وهكذا.. وهكذا.. بلا نهاية..

الموضوع ده ممكن يحصل في النضافة، الوضوء، الصلاة، النظام، الترتيب، الأكل، الشرب، الاستحمام، قفل وفتح الباب، طريقة وتفاصيل اللبس.. أي حاجة.. أي حاجة.. سلسلة لا نهائية من الشك والمراجعة وعدم الرضا.. واحد اتربى على إنه دايًا مشكوك فيه.. دايًا ما فيش رضا من أبوه أو أمه.. ما يشكش في نفسه وفي أفعاله ويعيدها ألف مرة كل يوم ليه يعني؟



اللى بنوصف ده هو واحد من أشهر الأمراض النفسية وأكثرها انتشارًا.. اسمه (الوسواس القهرى).. وساعات بيتحول إلى سمات وخصائص شخصية عميقة وطويلة الأمد، ويبقى صاحبها مصاب باضطراب (الشخصية القهرية)..

فيه طبعًا شكل تاني من أعراض المرض ده.. وهي أفكار متلاحقة بتطلب من المريض إنه يشتم حد أو يسئ إلى حد.. وساعات كتير الحد ده بيكون ربنا.. وفي الحقيقة ربنا هنا مش بيكون مقصود بيه ربنا نفسه قد ما هو رمز لكل سلطة أبوية/ والدية اتعامل معاها المريض في حياته ووصلت ليه رسايل قاسية بالشكل اللي وصفناه..

ساعات كمان تتوارد على ذهن المريض أفكار أو صور جنسية ويحاول يقاومها ويقاوم الانسياق وراها، وده ساعات بيكون برضه شكل من أشكال الاعتراض والتمرد على تربية قاسية وعنيفة..

مريض الوسواس القهري بيكون جواه عملاق نفسي ضخم، صوته عالي وتأثيره قوي.. عملاق جبار لا يرضى أبدًا.. في إيده سلاحين في منتهى القسوة.. سلاح الشك.. وسلاح الشعور بالذنب.. بيستخدمهم علشان يسلط على المريض أفكار وخيالات وصور بشكل متلاحق ومتواتر، لا يكل ولا يمل.. وطول الوقت بيعيد جواه نفس الرسايل القديمة اللي وصلته: (إنت ما عملتش اللي عليك).. (إنت دايًا مقصر).. (أنا مش راضي عنك).. (اعمل الصح)..

العملاق ده لغته ومفرداته كلها عبارة عن مشتقات وتنويعات من (لازم) أو (المفروض).. مجموعة هائلة من اللوازم والمفروضات اللي كل واحدة فيهم عاملة زي السيف الحاد المسلط على نفس صاحبها بدون راحة أو هوادة.. واللي أصلهم كلهم تربية قاسية وتنشئة صعبة..

عاوز أقولكم بكل معانى الأمل والرجاء..

ارضوا من أولادكم بأقل القليل..

بلاش تعايروهم بالتقصير وعدم الكمال..

بلاش تجلدوهم بكرباج (لازم)..

وبلاش تشنقوهم بحبل (المفروض)..

سامحوهم واعذروهم واقبلوا خطأهم وضعفهم وفشلهم..

وقبلها..

سامحوا نفسكم.. واعذروها.. واقبلوا خطأكم وضعفكم وفشلكم..

إحنا بني آدمين..

إحنا مش ربنا..



(١١) الحزن الأزرق الدافي عن فيلم Inside Out باتخص جدًّا لما أشوف كتباب عنوانه: "كيف تتخلص من أحزانك؟".. أو: "لا تقلق"..

باتخض أكتر لما ألاقي حد عمّال يطبطب على حد بشكل مبالغ فيه، أو يخفف عنه بطريقة سطحية مليانة اختـزال لمشاعره بكلام من نوعية: "ما تزعلش يا راجل".. "اضحكي بس كده".. "خليك فرحان على طول"..

يعني إيه ما تزعلش أو ما تحزنش أو ما تتألمش؟ اللي هو إزاي يعني ؟

الحنن مشاعر زيها زي الفرح بالطبط.. والألم تجربة إنسانية فريدة بتكبر صاحبها وتفتح عينه وتغيره.. هو ينفع أعيش بجزه واحد من إنسانيتي وألغي باقي الأجزاء؟ هو ينفع إني أتجاهل شعور من أهم وأعمق المشاعر الحية على الإطلاق وأعتبره مش موجود أو حتى وجوده مرفوض لمجرد إنه مؤلم شوية؟ أو بيوجع شويتين؟

فيلم Inside Out بيجاوب ببساطة شديدة جدًّا على الأسئلة دي.. ويقولنا بصوت عالي: "لأ ما ينفعش"..



أول رسالة استقبلتها (رايلي) الطفلة المولودة حديثًا من أبوها كانت: "ألستي قطعة من الفرح؟".. وكانت الرسالة التانية اللطيفة جدًّا اللي أمها بتوصلها ليها داعًا وقت الشدة والحزن: "يجب أن نبقى مبتسمين فذلك يساعدنا".. Keep smiling happy girl

علشان كده (رايلي) الصغيرة قررت تسلم دفة عالمها الداخلي لنوع واحد بس من المشاعر.. النوع اللي اتربت واتعلمت إنه لازم يفضل موجود على طول.. حتى في أشد الأوقات وأحلك الظروف: مشاعر (الفرح).. وقررت إنها تحاول بكل طريقة تخفي أو تنكر- وساعات تحارب - أي نوع تاني من المشاعر الإنسانية الطبيعية زي (الخوف) و(الغضب) و(الاشمئزاز).. وطبعًا وبشكل خاص جدًّا (الحزن).. (رايلي) قررت إنها ما تحزنش..

موسود أو حديد ويموده مرشون من المه مدورة شويدة أو يبوسع

قر الأيام وتكبر (راياي) وتضطر إنها تواجه أول تجربة (فقد) في حياتها.. لمّا أسرتها تقرر تسيب البيت اللي عاشت فيه سنين طويلة وتنقل لبيت جديد في ولاية تانية.. وبالرغم من إن أي طفل في موقف زي ده من حقه يحزن ويتألم لفقد مكان طفولته وذكرياته وأهم وأجمل سنين عمره، إلا إن (رايلي) حاولت بكل طريقة توقف السريان الطبيعي لمشاعر الحزن جواها.. واستخدمت في سبيل ده كل ما أوتيت من وسائل دفاعية نفسية..



واستحضرت كل ذكرياتها المبهجة.. قرأت كتيبات الإرشاد، وكتبت قائمة بكل الأمور اللي بتسعدها.. وعافرت نفسها بشدة للتأقلم مع الوضع الجديد.. وكانت شعاراتها طول الوقت: "دامًا هناك طريقة لقلب الأمور وإيجاد المتعة".. "كوني سعيدة".. "لا تقلقي".. "سنتأكد أن غدًا هو يوم عظيم آخر".. "وبدوره سيصبح عامًا جميلًا، إلى أن تصبح الحياة بأكملها جميلة"..

(رايلي) -ببساطة- ما ديتش نفسها (حق الحزن)، وحاولت تحجمه وتمنعه وتنكره وتحاصره في دايرة صغيرة جوه حتة بعيدة جواها.. (رايلي) ما سمحتش لنفسها تتألم (ألم الفقد)، ولا حتى تحسه.. ولو في أحلامها.. زي ما شافت، وزي ما اتعلمت.. وزي ما وصلها من أبوها وأمها..

لكن.. وزي ما هو متوقع.. أي خناقة بينك وبين نفسك هاتطلع منها خسران.. وأي محاولة لتجزئة نفسك وتقسيمها والتخلي عن بعض منها لن تنتهي إلا بالفشال.. وأي إنكار أو تحجيم لجزء أصيل من تكوينك مش هايكون ليه أي نتيجة غير الانهيار.. وده اللي حصل مع (رايلي).. اللي عند لحظة فارقة، انهارت.. واتلخبطت.. واتفككت.. تصرفاتها بقت غريبة، مشاعرها بقت غير مناسبة، وأفكارها بقت مش طبيعية.. حتى أحلامها.. بقت ملخبطة..

وبدأت رحلة (رايلي) جوا نفسها.. علشان تشوف حل.. وتدور على طريق للرجوع..

في الرحلة دي، كان على مشاعر (الفرح) ومشاعر (الحزن) إنهم يقربوا من بعض أكتر، ويعرفوا بعض أحسن، ويوصلوا -بأي شكل- لبر الأمان..



(الفرح) في الرحلة دي كانت بتمارس الدور اللي هيه عارفاه ومتعودة عليه ومش بتلعب غيره، وهو إنها تبذل مجهود رهيب في إضفاء جو البهجة على كل شيء.. والتخلص من أي (حـزن) على الإطلاق.. لكنها في الحقيقة بتكتشف في الرحلة وبنكتشف معاها - تفاصيل جديدة، ووجوه مختلفة، وأبعاد أخرى.. (للحرن)..

(الحزن) كانت مثقفة أكتر.. كانت لابسة نظارة.. من كتر شغفها بالقراية والمعرفة.. علشان كده كانت مليانة هدوء وحكمة.. أيوه حكمة..

(الحزن) هي اللي كانت عارفة طريق العودة لمقر قيادة العالم الداخلي، وكانت بتقوم بدور المرشد والدليل.. وساعات المنقذ بعيد النظر..

(الحزن) هي اللي حست (الصديق الخيالي/ الفيل) وقت ما زعل وتعاطفت معاه وإدتله الفرصة يبكي ويتألم على (فقد) عربيته الجميلة، على عكس (الفرح) اللي حاولت- كعادتها- تطبطب عليه وتشغله عن حقيقة مشاعره.. علشان تتحول دموعه لقطع جميلة من الحلوى.. في مشهد رائع ينتهي بأنهم يقدروا يلحقوا قطار الأفكار الأخع إلى مقر القيادة .

(الحـزن) كانـت صاحبـة كل الأفـكار الإبداعيـة الجديـدة في حلـم (رايـلي) علشـان تخليهـا تصحـى مـن النـوم..



وفي الوقت اللي قررت (رايلي) فيه أنها ترجع لورا شوية - تنكص بلغة الطب النفسي - وتهرب من بيتهم الجديد، وتروح للبيت القديم.. في محاولة يائسة للهروب من حزن وألم (الفقد).. يجي أروع مشاهد الفيلم.. اللي فيه (الفرح) تسمح لنفسها أخيراً برالحزن)، وتسيب نفسها تتألم لفقد بيتها القديم، وفقد طفولتها اللي مش هاترجع تاني، وفقد أصدقاءها ووجودها معاهم.. وتكتشف (الفرح) إن (الحزن) ساعات بيكون معاه شجن.. وساعات بيكون معاه ونس من القريبين.. ومساعدة من الآخرين..

وفي درس عبقري.. يقرر (الصديق الخيالي/ الفيل) هو كمان أنه يقبل (الفقد)، ويقبل (الحزن) ويقبل (الألم).. لما يضحي محانه في عربيته الجميلة الطائرة، علشان يخفف عنها الحمل، ويهون عليها الطيران.. ويزرع في (الفرح) الأمل من جديد.. أمل معجون (بالحزن)..

وتتسلم (الحزن) قيادة دفة (رايلي).. علشان تديها من شجنها وثباتها وحكمتها.. وتصبغها بلونها الأزرق الداني.. ويكون السماح بوجودها هو الطريقة الوحيدة اللي تثني (رايلي) عن فكرة الهروب وترجعها لأسرتها تاني..

وفي مشهد ختامي رائع.. تسمح (رايلي) لنفسها بالتعبير عن حزنها (لفقد) بيتها، و(ألمها) للبعد عن أصدقائها، و(اشتياقها) لطفولتها وذكرياتها.. وتبكي (رايلي).. ودموعها تنهمر زي اللؤلؤ على خدها.. وتطلب من أبوها وأمها بكل صراحة إنهم يحسوا بيها وما يطلبوش منها تفضل (سعيدة) على طول.. وما يغضبوش من (حزنها).. وإنهم يدوها الحق في (الألم)..



للمزيد من الروايات والكتب الحصرية

fb/groups/Sa7er.Elkotob/ انضموا لجروب ساحر الكتب sa7eralkutub.com ولا علك الأبوين في اللحظة دي غير إنهم يفتحوا ليها قلوبهم، وعقولهم.. وكمان حضنهم الشافي.. اللي بيجمعهم من تافي.. واللي في نفس الوقت بيجمع كل أجزاء (رايلي) على بعض في كل واحد جديد وجميل: (الفرح).. (الخوف).. (الغضب).. (الاشمئزار).. و(الحزن)..

(الحزن).. الأزرق الدافئ..

(ξ)

مالا مريد من المارية والحزن الماريد والمقاهد وال

إليك هذه المفاجأة..

إنت من حقك تحزن.. أيوه.. تصور..

اتربينا واتعلمنا إن الحزن عيب. الحزن ضعف. الحزن غلط.. مع إن الحزن مشاعر إنسانية ربنا خلقها فينا زيها زي الفرح وزي الغضب وزي الخوف.. لكننا بنهوى نكون آلهة أو أنصاف آلهة.. لا تضعف.. ولا تفسل.. ولا تحزن..

"خليك راجل، ما تعيط ش".. "يا بنت عيب تدمعي كده قدام الناس".. "يا جدع اجمد أمال".. دي الرسايل اللي بتوصلنا عادة خلال التربية.. وخلال التعليم.. وطبعًا من خلال مجتمعنا اللي بيعودنا غارس إنسانيتنا وحقيقتنا خلف الجدران، وغارس تشويهنا لنفسنا وتزييفنا ليها في الشوراع وأمام الناس..



إمتى آخر مرة حضرتك حزنت؟ كتير جدًّا طبعًا..

لكن إمتى آخر مرة حضرتك سمحت لنفسك تعيش حزنك بجد؟ قليل جدًّا..

طيب إمتى آخر مرة قبلت حزنك وما خفتش منه أو حاولت تنكره؟ أقل بكتيييير..

أنا طبعًا مش باتكلم عن الحزن اللي هو العياط والسح والشحتفة.. أنا باتكلم عن الحزن اللي هو حالة إنسانية عميقة جدًا من الشجن والألم.. مليانة مراجعة للنفس.. وتأمل داخلي حقيقي.. وعودة هادئة إلى قواعدك، تلتقط فيها أنفاسك.. لتبدأ من جديد..

الحزن حق.. زي ما الفرح حق.. والخوف حق.. والغضب حق..

ما ينفعش أقص حتة مني بكل بساطة كده، وأرميها أو أتخلى عنها لمجرد إنها بتوجع النهاردة أقص الحزن بكرة أقص الخوف بعده أقص ما تبقى من إنسانيتي وطبيعتى البشرية الحقيقية الضعيفة ومش هايفضل مني غير شتات ورماد وبقايا مهلهلة..

من حقك تحرن.. زي ما هو من حقك تفرح.. ومن حقك تغضب.. ومن حقك تخاف..

ففي بعيض الحزن حكمة.. وفي بعيض الحزن نور.. ومن بعيض الحزن يوليد الأميل..



هاتسألنى دلوقت: يعني مطلوب مني أسيب نفسي للحزن والألم كل شوية؟

لا طبعًا.. مش ده المقصود.. المقصود إنك تسمح لنفسك تعيش مشاعرك زي ما هي، في وقتها وبجرعتها المناسبة.. من غير ما تهرب منها، أو تنكرها، أو تعتبرها مش موجودة، أو حتى تغرق فيها لوحدك.. مطلوب منك تسمح لنفسك تعيش إنسانيتك وحقيقتك.. من غير اختزال أو تشويه أو نقصان.. وبرضه من غير مبالغة أو تضخيم أو استفزاز..

من حقك تحزن (من غير شحتفة).. زي ما هو من حقك تفرح (من غير فيور).. ومن حقك تغضب (من غير فجور).. ومن حقك تخاف (من غير ما الخوف يسحقك)..

جربت ده قبل کده؟

غالبًا لأ..

طيب جرب وهاتعرف بنفسك إنت كنت حارم نفسك من إيه.. وما تنساش توصف- وبدقة شديدة جدًا- النفس الطويل العميق اللي ها تاخده جنب أول حد يحس بيك ويونسك ويربت على كتفك

دي مش دعوة للحزن..

دي دعوة لقبول (الحزن) كشعور إنساني حقيقي وأصيل.. مش الهروب منه.. أو تجاهله.. أو الغرق فيه وفي وحدته وسواده..



دعوة إنك ترجع كل حتة منك لمكانها.. وتسيبهم يقربوا من بعض.. ويتلملموا.. ويلتحموا.. ويلتأموا.. في كل واحد صحيح.. وجميل.. وحكيم.. ومبدع..

دي دعوة للحياة..

ففي الفرح حياة..

وفي الحزن أيضًا حياة..

(a) -

الفقد الأول.. والفقد الأخير..

أول تجربة (فقد) بنتعرض ليها في حياتنا هي تجربة فقد (الأم).. أو بألفاظ أدق: تجربة الفقد المحتمل للأم..

الطفل بيعيش فترة من حياته (غالبًا أول ست شهور من عمره) في حالة رعب فظيع إنه يفقد أمه.. اللي هي بالنسبة له كل العالم وكل الناس.. ويكون جواه سيناريوهات وتخيلات كتيرة جدًّا عن فقدها أو اختفاءها أو موتها.. الفترة دي بالنسبة له فترة خوف وشك وارتياب من أي علاقة، وأي آخر.. يخاف يقرب من أي حد - حتى منها هي شخصيًّا - أحسن يفقده.. ولو قرّب، يخاف يبعد، أحسن يفقد نفسه ويدوب في الألم.. دوامة رايحة يخاف يبعد، أحسن يفقد نفسه ويدوب في الألم.. دوامة رايحة جاية من القرب والبعد، والكر والفر.. والراحة والوجع.. فترة صعبة ومعقدة ومليانة مخاوف وشكوك .. لدرجة إنهم بيسموها (الموقف الارتيابي)..



بس بعد شوية.. وعي الطفل بيوسع، وعقله بيكبر، ومداركه بتزيد.. ويبدأ يكتشف إنه علشان يعيش في الدنيا دي، مهم إنه يقبل (الفقد).. فقد أمه.. فقد الآخر.. أي آخر يقربله ويحبه ويطمئ له..

يكتشف إن لعبة الحياة لعبة مؤلمة.. وإن لو ليها قوانين.. فأول قوانينها، هو قانون (الفقد).. فقد أي حد.. وأي حاجة..

وبنكون وقتها في اختيار صعب جدًا.. مكن أصعب اختيار في حياتنا.

إما أننا نرجع لورا.. لنمط علاقاتنا القديمة.. اللي فيها يا إما نقرب قوي لغاية ما ندوب في اللي بنقربله، يا إما نبعد قوي، وما نعملش علاقة حقيقية أصلا..

أو إننا نقبل احتمالات (الفقد).. ونستحمل (ألمه).. ونكمل.. حتى لو موجوعين..

أو نفضل مترددين بين الاختيارين.. طول عمرنا..

اللي بيختار الاختيار الأول بيكون مشروع مريض نفسي جاهز للتنفيذ في أي لحظة.. اللي بيفضل متردد برضه بيكون مشروع مريض نفسي من نوع آخر..

أما اللي بيقرر إنه يقبل.. ويستحمل.. ويكمل..

فده هو اللي قرر (يحيا)..مش بس (يعيش)..

ودي أعلى درجة من درجات النمو النفسي.. واسمها - للمفاجأة-(الموقف الاكتئابي)..



اسم غريب.. مش كده ؟ السواحة إلى المالي المالي المالي المالي المالي المالي المالي المالي المالي المالي

لا هو مش غريب ولا حاجة..

هو اسمه (اكتثابي) علشان بيكون فيه ألم..

ألم رؤية الحياة بجوانبها الكتير.. الخير والشر.. الأبيض والأسود.. الصح والغلط..

ألم قبول (الفقد).. وقبول (التغيير).. وقبول (الموت)..

ألم قبول النفس بكل ما فيها.. وقبول الآخر بكل ما فيه..

ألم البصيرة.. ألم التأمل.. ألم الحكمة..

ومن وقتها.. نتعلم إن كل خطوة في حياتنا بيكون فيها (فقد).. وعلينا إننا نقبله..

نكبر ونشتغل ونتجوز ونخلف..

لكن تفضل احتمالات الفقد قائمة كل يوم.. وكل ساعة.. وكل لحظة..

نفقد طفولتنا وذكرياتها..

نفقد لعبنا، وأوضتنا، وسريرنا الصغير..

نفقد حبايبنا وقرايبنا وأهلنا..

نفقد بيتنا وشارعنا.. وساعات بنهاجر.. ونفتقد بلادنا..

ومهما حاولنا نهرب من ده، أو ننكره، أو نستخدم شوية دفاعات نفسية علشان ما نحسش بيه.. هاتفضل الحقيقة اللي ما فيش منها أي مهرب..



... Letting go

للمزيد من الروايات والكتب الحصرية

وتتحول الحياة إلى حالة من التأمل الداخلي.. المصبوغ بألم الرؤية.. ودرجة عالية من السكينة والهدوء.. اللي فيهم شجاعة الحزن وبسالته.. وقدر هائل من القبول .. لكل شيء.. وأي شيء..

ارجع كده بقى للفيلم.. واكتشف معايا إن العمق الحقيقي ليه مش هو أبدًا العبقرية في ترجمة المعلومات العلمية إلى أحداث وشخصيات ومشاهد، من أول المشاعر الخمسة، والذكريات الأساسية، وجرز الشخصية، وقطار الأفكار، وتكوين ووظيفة الأحلام..

كل ده ممكن تقراه في أي كتاب علمي مبسط وملون للأطفال في أي مكتبة عامة في شوارع أي دولة غربية..

العمق الحقيقى للفيلم هو: (قبول الفقد).. هو لحظات الـ .. Letting go

وراجع معايا كل المشاهد الفارقة في الفيلم.. تسميد المستمد والمستمد

(رايلي) تعبت علشان ما قبلتش (فقد) بيتها..

(رايلي) قررت ترجع وتنكص وتتفكك علشان ما قبلتش فقد طفولتها وذكرياتها مع أهلها وأصحابها..

أهلها ظلموها لما كانوا مش بيسمحوا ليها تعبر عن حزنها وألمها لفقد أي حاجة.. وكانوا بيعلموها وبيطلبوا منها طول الوقت إنها تفضل سعيدة ومبسوطة وبتضحك..

لكن... عند و وعد من من منادي النسو التلامس و واحد ما والمواولات



ه و المسلمة الراب المسلم المسلمة

(رايلي) اتغيرت لما قبلت فقد البيت والطفولة والأصحاب..

وصاحبها الخيالي (الفيل) ساعدها لما هو كمان قبل يفقدها ويفقد عربيته الجميلة الطائرة..

وأهلها قدّموا ليها أحلى هدية لما سمحوا ليها تكون نفسها وتحس بألم وحزن (الفقد).. وحسوا بيه معاها..

ده الفيلم.. ودي رسالته..

ودى برضه رسالة الفصل ده..

الفقد حق..

الحزن حق..

قبول الفقد.. نجاة..

قبول الحزن.. حكمة..

قبول الموت. حياة..

طبيعي جدًّا يكون جوانا غريزة للحياة.. دافع للبقاء.. حاجة بتحرك كل واحد فينا للاستمرار في الدنيا..

غريزة الحياة دي بتعبر عن نفسها بطرق كتير جدًا.. منها الجوع.. اللي بيدفعك إنك تاكل علشان تمد جسمك بشوية طاقة كل كام ساعة، والعطش.. اللي بيخليك تروي خلاياك بوقود الحياة طول الوقت، والجنس.. اللي بيمنحك متعبة جسدية ونفسية هائلة تساعدك على تحمل بعض مشاق المعيشة، وفي نفس الوقت بيحافظ على استمرار النوع البشري على الأرض إلى ما شاء الله..

مش بس کده..

الحب.. هـو وجـه مـن وجـوه غريـزة الحيـاة.. لأنـه بيقربـك مـن النـاس.. وده في صالـح الحيـاة واسـتمرارها وجودتهـا..

الصداقة.. وجه تاني من وجوه غريزة الحياة.. علشان بتخلي حواليك صمام أمان من العلاقات الصحية اللي ممكن تحميك (نفسيًا) وقت اللزوم..

عنها والخيل أرافع مل أويما والأربط

الشغل.. السفر.. الاكتشاف.. الإبداع.. النجاح.. الفرحة..

وغيرهم.. وغيرهم..

وجوه الحياة وغرائزها كتير جدًّا.. وكل ده طبيعي ومفهوم..

الغريب بقى.. هنو إنه زي ما فيه جوانا غريزة للحياة.. فيه برضه جوانا غريزة للمنوت!!

يعني الناس اللي بتنتحر مثلاً، دول ناس انتصرت فيهم غريزة الموت على غريزة الحياة.. والناس اللي بتقتل، دول قاموا بتوجيه غريزة الموت اللي جواهم لخارجهم.. والناس اللي بترهب غيرهم أو ترعبهم، دول برضه ناس بيعبروا عن غريزة الموت اللي جواهم بهذا الشكل الفج..

مش بس كده برضه... المستحد المستحد المستحد المستحدا

أحد وجوه غريزة الموت، إن حد يستعذب الألم..

كلمة صعبة؟!

يستعذب الألم يعني يستمتع بالألم.. وساعات يسعى إليه.. وزي ما يكون بيعمل دماغ لما يتألم..

هو فیه کده؟

آه فيه كده!

لما حد يتعرض لتجربة مؤلمة أو لخبرة مخيفة، وبعد ما يطلع منها، يدخل في تجربة زيها بالظبط، وتكون نهايتها برضه مؤلمة أو مخيفة- على الأقل بنفس الدرجة.. ده وجه من وجوه غريزة الموت اللي جواه..



لما واحدة تكون دخلت في علاقة حب/ صداقة/ زواج، طرفها التاني كان قاسي، ومهمل لمشاعرها، وغير محترم لإنسانيتها، وعاوز يفصلها على مقاسه.. وبعد ما تنتهي العلاقة.. تيجي بكل بساطة تدخل في علاقة جديدة، تختار فيها حد له مواصفات شبه الشخص اللي فات بالظبط.. وقيشي معاه نفس طريق القسوة والألم تاني.. وتكرر ده مرارًا وتكرارًا.. ده أحد وجوه غريزة الموت اللي جواها..

لما واحد يقعد يلوم نفسه (بشكل مرضي مبالغ فيه) عمال على بطال، مع كل خطوة، وكل فعل، وكل حركة.. يعلق لنفسه كل يوم مشنقة، ويجلد نفسه كل ليلة كام جلدة.. أهو ده بيمارس غريزة الموت كل يوم وكل ليلة..

لما حد يتفنن في إيلام نفسه وإيذائها (سواء نفسيًا أو جسمانيًا).. مرة بالشعور الزائد والمرضي بالذنب، ومرة بإنه يظلم نفسه بأي شكل وبأي طريقة، ومرة بإنه يتعب نفسه ويهلك أعصابه ويستنزف كل وجوده وحياته، في شغله أو علاقاته، على حساب نفسه وحقوقها.. كل دى صور ووجوه كتير جدًّا لغريزة الموت..

طبعًا فيه وجوه أقرب وأوضح وأشهر من كده بكتير.. اليأس وجه من وجوه الموت..

الكُره.. الغضب.. الحزن.. الاستسلام..

وطبعًا.. النوم.. اللي بنموت فيه كل ليلة.. ونصحى تاني يوم..



غالبًا اتكونت عندك دلوقت فكرة عن باقي الفصل. اللي المفروض أقولك فيه: حافظ على غريزة الحياة.. وتخلص من غريزة الموت.. أو توقع الموت في أي لحظة واستعد له.. أو الموت علينا حق..

لكن في الحقيقة.. ده مش هايحصل..

مش هايحصل علشان الموت جزء منك.. جزء حي.. عايش جواك.. وما ينفعش تتخلص منه.. ولا ينفع تتجاهل غريزته الكامنة داخلك..

وعلشان في نفس اللحظة اللي بتتولد في جسمك خلايا جديدة.. بتموت قصادها خلايا تانية.. حتى وإنت بتسلم على حد بإيدك، بيموت الآلاف من خلايا جلدك مجرد الاحتكاك..

وعلشان إنت بتموت كل ليلة، وتصحى تاني يوم..

الموت جزء من تكوينك الإنساني..

وجزء من تركيبك النفسي..

وساكن معاك في نفس الجسد..

حد سأل نفسه مرة ليه أفلام جيمس بوند ومهمة مستحيلة واللي زيهم بيحققوا أعلى دخل ومبيعات؟ الإجابة ببساطة- كما أعتقد- هي علشان إن النوعية دي من الأفلام بتخاطب الغريزتين الأساسيتين عند كل البشر:



فريازة الحياة (البنات الحلوة اللي دايًا تيجي منع البطال)، وغريازة الموت (البطال اللي طول الفيلم عنمال يقتبل أعدائه ويتخلص منهم)..

ولنفس السبب نلاقي أغاني الحزن والألم والعذاب رائجة ومشهورة زيها زي أغاني الفرح والبهجة والأمل (إن ما كانش أكتر)..

وأفلام الرعب ومصاصين الدماء بتنتشر وبتزيد ويتعمل لمعظمها جيزه تاني وتالت وحتى سابع.. لأنها بتخاطب على مستوى عميق جدًا- غريزة الموت اللي جوانا.. اللي جوانا كلنا..

إيه ده؟

فيه إيه؟

إهدى كده.. وكمّل بالراحة.. وإنت تعرف فيه إيه!

kunt deling they have stool () (south of thing so many

إحنا اتعلمنا إن الموت وحس.. رغم إنه حتة مننا، وحفظنا إنه شر.. رغم إنه بيصحى معانا وينام معانا، وصدقنا إنه بعيد.. رغم إنه عايش جوا كل حد فينا..

تفتكر ينفع إننا نتخلص منه؟ ﴿ مُنْ مُسْلِمُنَّا مَاهِمُ الْمُعْتَمِ مُوسِنًا اللَّهِ الْمُعْتَمِ وَعِينًا ا

ينفع إننا نقطعه ونرميه ونعتبره مش موجود؟



ينفع إننا نفضل نتعامل مع أحد أهم حقائق الكون على إنها وهم؟

ما أعتقدش..

أمال إيه اللي ينفع؟

اللي ينفع بجد.. هو إننا نقبله..

نقبل وجود الموت فينا.. داخلنا..

ونشوفه على إنه الوجه الآخر من وجودنا، مش نهاية وجودنا..

ونصدق إنه بيكمل الحياة.. مش بياخد منها..

وإنه إضافة.. مش نقصان..

مكن ده يصالحنا شوية على الموت اللي برَانا..


موت الأحبة والغاليين..

وموتنا إحنا شخصيًّا..

فيه فيلم رائع اسمه Meet Joe Black، في الفيلم ده بيقوم العبقري (أنتوني هوبكنز) بدور رجل أعمال كبير وشهير جدًا بيفاجاً بأن ملك الموت جاي يزوره في بيته ويقضي معاه كذا يوم، وبعدها هايقبض روحه.. ومن اللحظة دي بتتقلب حياته رأسًا على عقب..

(أنتوني هوبكنز) طول الفيلم كان في رحلة.. رحلة قبول موته.. وفي اللحظة اللي قبل فيها موته.. بطل يخاف منه، وبطل يترقبه، وعرف يعيش/ يحيا بجد..







وضرب مثل عميق جدًّا (حتى لملك الموت نفسه- كما يدَعي الفيلم)، في معنى الحياة، ومعنى الحيد،

وقت ما جاءت النهاية.. هو شخصيًّا اللي بادر بأخذ إيد ملك الموت (المزعوم).. وسط أجواء احتفالية تليق برحلته..

زي ما قبول الضعف.. قوة..

وقبول الفشل.. نجاح.. المسار إرادت ميراه الميان والمالية والمالم الميلادين

وقبول الحزن.. حكمة..

قبول الموت.. حياة..

are any sk ladyen malled (E)

إحنا محتاجين.. وحد الماوج بيانا التوبية البية بالبقاء بيانا علكمانا

...V

أنا مش عاوز دلوقت أتكلم بصيغة إحنا.. ولا إنت..

ده مش وقت صيغة المخاطب.. ده وقت صيغة المتكلم..

أنا عاوز أتكلم بصيغة (أنا).. وعاوزك تقبرا الكلام اللي جاي مصوت عالي بنفس الصيغة..



أنا جوايا موت، وجوايا حياة.. ما ينفعش أتخلص من واحدة منهم، أو أستغنى عنها..

أنا جوايا موت، وجوايا حياة.. زي ما جوايا ضلمة وجوايا نور.. الاتنين بيكملوا بعض.. بياخدوا من بعض، ويدوا بعض..

أنا جوايا موت، وجوايا حياة.. متضفرين في بعض، ماشيين مع بعض، وساعات في نفس الاتجاه..

اللحظة اللي هاقبل فيها الموت اللي جوايا، هي نفس اللحظة اللي هأقبل فيها غضبي وما أسمحش له إنه يتملكني ويسيطر عليا..

اللحظة اللي هأقبل فيها الموت اللي جوايا، هي نفس اللحظة اللي هأقبل فيها خطأي وفسلي وضعفي وتقصيري وما قفش عندهم ولا أخليهم يعطلوني..

اللحظة اللي هاقبل فيها الموت اللي جوايا، هي نفس اللحظة اللي هايلتحم فيها فجوري بتقواي..

هي اللحظة اللي هاسمح لنفسي فيها إني أحزن في هدوء.. وأتألم في حكمة.. وأصبر في ثبات..

هي اللحظة اللي هاقبل فيها الخوف والانكسار وساعات خيبة الأمل..

هي اللحظة اللي هاسامح فيها نفسي.. وأسامح غيري..



مي لحظة ما يجتمع جوايا كل أبيض وأسود.. ويتآلف كل يمين وشمال.. ويتصالح كل نقيض مع نقيضه..

هـي لحظـة إن نفـسي تبقـى نفـسي.. كل كامـل متكامـل.. ملتئـم ملتحـه.. رائـع بنقصانـه.. وجميـل بفنائـه..

هي لحظة إني أكون بني آدم.. أخيرًا..

على فكرة أنا شخصيًّا ما وصلتش لسه للحظة دي.. لأنها مش لحظة.. هي رحلة.. بس أعتقد إني حاليًّا على نقطة ما في الرحلة دي.. والله المستعان..

إوعى تكون بطلت تقرا بصوت عالي وبصيغة (أنا)..

طيب..

اقراها تاني من الأول بصوتك..

وعن نفسك..



(۱۳*)* ثقوب نفسیة



154

للمزيد من الروايات والكتب الحصرية

انضموا لجروب ساحر الكتب /fb/groups/Sa7er.Elkotob sa7eralkutub.com فيه جوه كتير مننا حتة فاضية.. حلقة داخلية مفرغة.. بنحاول غلاها بحاجات كتير وبطرق مختلفة.. بس بدون فايدة..

حد بيحاول علاها بنجاحات مدوية وخارقة ومبهرة.. حد بيحاول علاها بشهرة ونظرات إعجاب في عيون الناس.. حد يحاول علاها بنهم وشره غير مبرر للفلوس أو للنفوذ أو للأضواء أو للبس أو حتى للأكل.. حد يحاول بالدخول في قصص حب متكررة سطحية زائفة.. حد تاني بلبس رداء علم أو حكمة أو دين من غير عمق أو أصالة أو حقيقة.. وكل ده مش بيملا ولا يشبع ولا يسد هذا الفراغ النفسي الداخلي اللي بيكون عامل زي الثقب الأسود اللي بيبلع أي حاجة وأي حد بلا نهاية..

من الآخر.. وبكل صراحة ووضوح.. الفراغ ده مش بيتملي غير بحاجة واحدة بس.. هي إنك: "تصدق إنك تستاهل"..

احتمال الجملة دي تكون مكررة في كتاباتي ومحاضراتي (ومش هازهـق ولا هابطـل تكرارهـا وترديدهـا لأهميتهـا الشـديدة).. أو تكون غريبة عليـك أو مش متعـود تسـمعها أو تقراهـا.. بـس هـي بسـيطة وبديهيـة جـدًّا.. وموجـودة في تكوينـك النفسي مـن يـوم مـا اتولـدت..

ساعات التربية أو المجتمع بيؤكد عندك الرسالة دي: "إنت تستاهل تتحب".. وساعات بيشكك فيها.. وساعات بيوصلك عكسها..



يعني ممكن يوصلك من الأب والأم في بعض الأوقات إنك ما تستاهلش حبهم أو اهتمامهم أو رعايتهم أو قبولهم.. وإنك تستاهل بس بقدر سمعانك للكلام وتنفيذك للأوامر..

وممكن يوصلك برضه منهم ومن المدرسة والحصص والمدرسين إن قيمتك في الثانوية العامة..

وطبعًا ممكن يوصلك من الشارع والشغل والمجتمع والناس إنك ما تستاهلش تتحب ولا تفرح ولا تستاهل تطمن ولا تستاهل تعيش من أصله..

في المواقف الصعبة واللحظات الحاسمة دي.. لو إنت ما قاومتش وما سمعتش صوت فطرتك وطبيعتك كويس.. هاينخر الثقب الأسود نفسك.. وهايكبر ويكبر.. وتعيش عمرك كله تحاول تملاه بسراب ورا سراب ورا سراب..

إنجح وهات ألف في الماية في الثانوية العامة.. مش هاترضى ولا تفرح من قلبك ولا تحس بنجاحك لو إنت مش مصدق إنك تستاهل تنجح وتفرح..

عيش دونجوان عصرك وأوانك.. وادخل كل يوم في قصة حب.. ودوّب كل بنات العالم.. مش هاتشبع ولا تقنع ولا هايستقر قلبك طول ما إنت مش مصدق إنك تستاهل تتحب وتتحس ويهتم بيك.



اجذب كل الأضواء.. وشد كل الانتباه.. ولم كل البشر حواليك.. إن شالله تطلع لنفسك جناحات وتطير في السما.. كل ده مش هایکون لیه أی لازمة.. ومش هاتحس لیه بأی معنی.. لو مش مصدق إنك تستاهل تتشاف وتتقدر .. المادية الله والمحدد

ماتساًلنيش: "وإزاى أصدق إنى أستاهل أتحب وأنجح وافرح وأتشاف واتقدر....؟"

علشان الإجابة عندك وفي فطرتك وتكوينك.. مطلوب بس إنك تسمح لنفسك تشوف ده فيها.. وتصدقه.. وتقول (لأ) لأى حد وكل حيد يحاول يوصلك غيرها المها فللمور باوليم لله ريتو

إنت تستاهل..

صدق ده..

وكفاية بقي..

اجبذب كل الأضواء.. وشد كل الانتباء.. وم كل اليشر حواليك.. إن شالله تطلع لنفسك جناصات وتطير في السلما.. كل ده مش هايكون ليه أي لازمة.. ومش هاتعس ليه يأي معنى.. لو مش مصدق إلك تستاهل تتشاف ولتقدر..

ماتسـألنيش؛ "وإزاي أصـدق إني أسـتاهل أتحـب وأنجــح وافــرح وأتشــاف واتقــدر....!"

علشان الإجابة عبدك وفي قطرتك وتكويتك.. مطلبوب بنس إنك تسلمح لنفستك تشبوف ده فيها.. وتصدقه.. وتقبول (لأ) لأي حبد وكل حبد يحاول يوصلك غيرها..



إنت تستاهل صدق ده.. وكفاية بقى.. (۱٤) الصندوق العندو

111

للمزيد من الروبات والكتب الحصرية

الضموا لعِروب ساحر الكتب /fh/groups/Sa7er,Flkotob هa,7eralkutub.com او زيارة موقعنا كتير جدًا مننا عايشين حياتهم جوه صندوق.. صندوق صغير مصنوع من طريقة معينة في الشعور، مصنوع من طريقة معينة في الشعور، طريقة معينة في التصرف والتعامل مع الآخرين.. فرضيات معينة عين الدنيا والعالم والناس.. ردود فعل جاهزة على المواقف المختلفة.. وساعات غيط ثابت من المشاعر المتكررة على مدار الوقت.

بعض الصناديق دي بتكون مَرضية.. واللي عايش جواها مريض أو مجموعة من المرضى.. وبعضها مش بيكون مَرضى.. لكنه في نفس الوقت مش طبيعي ومش صحي، حتى لو بدا كذلك.. لأنه مش الطبيعي إننا نعيش حياتنا جوه صناديق مغلقة علينا ويس..

اللي عنده شوية أفكار أو معتقدات أو مخاوف وشايف ومتصور ومصدق إنه هو الوحيد اللي صح وكل الناس غلط..

اللي حابس نفسه في كام فكرة، ومش راضي يشوف غيرها..

واللي محبوس جوه مخاوفه ومش بيحرر نفسه منها..

واللي ساجن عقله في شوية تصورات ومعندهوش أي استعداد يسمع أي صوت غير صوته، ولا يشوف غير اللي في دماغه، ولا يحط أي احتمال غير اللي هو متأكد إنه حقيقة لا تقبل التشكيك..

کل دی صنادیق..



للمزيد من الروايات والكتب الحصرية الله (fb/groups/Sa7er.Elkotob/ انضموا لجروب ساحر الكتب sa7eralkutub.com

اللي عايشة مع أولادها في دايرة مغلقة وموصلة ليهم إنها مصدر كل حاجة في الدنيا من حب وحنان واهتمام وعطاء (في غياب أو حتى في وجود أبوهم)..

اللي بيحبوا بعض ومستغنيين ببعض عن الدنيا كلها، وكل واحد فيهم شايف إن التاني هو الماضي والحاضر والمستقبل..

اللي معيشة جوزها في اختبارات نفسية طول الوقت علشان تشوف قد إيه هو بيحبها أو قد إيه هو مستحمل، أو قد إيه نفسه طويل.

اللي بيتعامل مع ابنه أو بنته أو مراته على إنهم ملكية خاصة ليه.. كل دي برضه صناديـق..

صندوق الناس والمجتمع.. صندوق العادات والتقاليد.. صندوق إني لازم أكون الأحسن في كل حاجة وإني ما ينفعش أغلط أو أضعف أو أفشل.. صندوق التمسك والتعلق بحد على حساب نفسي. صندوق دور الضحية أو الجاني أو المنقذ.. صندوق المغالاة والتطرف في فهم الدين السمح الرفيق.. صندوق الرفض والشك والخوف من الآخر طول الوقت.. صندوق الطلاق اللي حاطط يافطة جواز.. صندوق العيال اللي هاضحي بنفسي وبحياتي علشانهم.. صندوق الشغل اللي غرقان فيه وأنا أصلا ما اخترتهوش ومش بحبه..

صناديق مغلقة، ودواير مقفولة، بيعيش فيها أصحابها وهما مغمين عنيهم وساعات عيون اللي حواليهم كمان.. وممكن يفضلوا كده لغاية ما يموتوا.. وهما ما يعرفوش مجرد معرفة إنه فيه عالم تاني مختلف تمامًا بره صناديقهم.. وإنه فيه حياة كاملة بره سجنهم..

101



على فكرة.. دي بس مجرد أمثلة.. لكن في الحقيقة كل حاجة ممكن تبقى صندوق.. كل حاجة. إحنا ممكن نعمل من كل حاجة وأي حاجة وأي حاجة ونتشبث بجدرانه ونرفض نتخلى عنها مهما كانت هشة..

اللي ربنا بقى يكرمه ويخرج بره صندوقه، ويتحرر من سجنه.. هايحس بالظبط زي طفل صغير بيشوف العالم من أول وجديد، وبيكتشف نفسه، والدنيا، والناس..

طيب إزاي نخرج بره صناديقنا..

اللي يخرجنا بره صناديقنا هو أولا إننا نصدق إنه فيه عالم كامل وجديد ومختلف عن كل اللي نعرفه وكل اللي عشناه مهما كنا مصدقينه..

وثانيًا إننا ننوي ونقرر نخرج بكل شجاعة حتى لو كان الخروج مخاطرة.. هو فيه أي حاجة مفيدة ما فيش وراها مخاطرة؟

وثالثًا يا ريت ما تكونش لوحدك.. يكون فيه حد معاك، يساعدك وياخد بإيدك.. يونسك ويوريك الطريق.. ويكون رفيقك في رحلتك.. الحدده ممكن يكون صديق، زوج.. زوجة، معالج، أو حد قابلته صدفة.. وطبعًا لو ما فيش حد معاك.. ربنا موجود..

ولو مش عارف تبدأ منين وإزاي وفين.. هأقولك ما تستعجلش. هون على نفسك.. مجرد إنك تشوف إنك كنت عايش جوه صندوق دي بداية كويسة جدًّا.. اصبر.. والباقي هايجي لوحده وفي ميعاده.. صدقني..



للمزيد من الروايات والكتب الحصرية fb/groups/Sa7er.Elkotob/ انضموا لجروب ساحر الكتب sa7eralkutub.com

أول بقى ما تخرج بره الصندوق.. وتقرر تفتح عينيك وودانك وقلبك.. هاتكتشف الخدعة اللي كنت فيها.. وهاتشوف العالم اللي ما كنتش سامح لنفسك تعرف عنه حاجة.. وهاتعمل علاقات جديدة بأفكار ومشاعر مختلفة جدًّا.. هاتشوف وتسمع وتحس كل حاجة وكل حد كأنك أول مرة تعيش، وأول مرة تتنفس، وأول مرة تتولد.. ما تستغربش من التعبير ده.. إحنا ممكن نتولد من جديد كل يوم..

كفاية بقى ضناديق..

وياللا نشوف النور..

ياللا..

101

مستنى إيه..



(١٥) ما تصدّقش كل حاجة إنت مصدّقها



فيه واحد اسمه (سولومون آش) عمل تجربة مهمة جدًا في تاريخ العلم سنة ١٩٥١..

(آش) جاب عدد من الناس وحطهم كلهم في اختبار معين وكان متفق معاهم كلهم ما عدا واحد على الإجابة اللي هايقولوها.

كرر (آش) التجربة دي ١٨ مرة، وكان اتفاقه مع الممثلين إنهم يقولوا الإجابة الصحيحة في أول مرتين فقط، وبعد كده كلهم هايقولوا إجابة خطأ متفق عليها ويشوف الواحد الباقي هايقول إيه.. بعدها آش عمل التجربة دي مع عدد أكبر من الناس وبطرق مختلفة وطبعًا كانت النتائج مذهلة..

ثلث الناس اللي اتعرضوا للتجربة قالوا نفس الرأي الخطأ اللي سمعوه من باقي زمايلهم في كل التجارب (كان دايًا يكون دورهم في الرد هو الأخير بعد كل الناس).. وثلاث أرباع (يعني ٧٥٪) من الناس قالوا نفس الرأي الخطأ في تجربة واحدة على الأقل..

الناس دي ما قالتش الرأي الخطأ بسبب خوف أو تهديد أو رغبة في الموافقة وخلاص.. لا.. الناس دي استقبالهم للحقيقة اتغير.. يعني هما كانوا شايفين ومصدقين اللي قالوه (اتعمل معاهم كلهم مقابلات فردية بعد كده).. هما اتأثروا فعلا برأي المثلين المتفين مع الباحث لدرجة إن رؤيتهم وقراءتهم وتفسيرهم للي هما شايفينه بعنيهم اتغيرت واختلفت..

معناه إن حضرتك لما بتكون في وسط مجموعة من البشر.. ممكن حكل بساطة اللي إنت شايفه ومقتنع بيه ومصدقه ما بكونش إلا تأثير المجموعة عليك (ده بسموه تأثير المجموعة Group Influence).. ممكن تكون شايف الشمال يمين لأن كل الناس شايفينه كده.. وتكون شايف البمين شمال علشان إنت فعلا عينيك ومداركك وحواس استقبالك اتأثرت برؤية المجموعة أكتر من رؤيتك إنت الشخصة..

المجموعة دي ممكن تكون شلة أصحاب.. زملاء عمل.. عيلة.. فريـق ريـاضي.. وسـاعات مجتمع بحالـه.. محمد محمد محمد المحمد المحم

أي مجموعة ممكن تقنع أي حد بأي حاجة.. ما تصدقش كل حاجة إنت مصدّقها.

اقرا بقى الفصل السابق (الصندوق) من الأول..

وبعده..

نتقابل تاني..

في الفصل الجاي..





عشت في إنجلترا سنتين لما كنت بحضر الدكتوراه في الطب النفسي.. فوجئت بعد شوية إن أحد المشرفين عليًا كان بيشتغل عازف جيتار بعد الضهر.. طبعًا وقتها كنت- ما شاء الله- متحلي بالعقلية المجتمعية الشرقية العظيمة.. والراجل نزل من نظري، واكتأبت، وبقيت ببصله من فوق لتحت، وكانت حالتي حالة..

فكرة إن حد يشوف إنه مش بيحب شغله وإنه اتفرض عليه دي أصلا فكرة محتاجة قدر كبير جدًّا من الشجاعة والتحمل والإقدام وساعات التهور.. خاصة في مجتمع زي مجتمعنا.. لكنها تكاد تكون حاجة عادية جدًّا في مجتمعات تانية زي أوروبا وأمريكا والدول المتقدمة..

المهم.. نجيب الموضوع من الأول.. هو إحنا بنشتغل ليه؟

وده مش سؤال عام.. المقصود هنا هو إحنا في مجتمعنا بنختار شغلنا على أي أساس؟

خد عندك يا سيدي. و المعالم الماء المعالم المعالم المعالم

جزء لا بأس بيه مننا بيختار شغله بناء على الوجاهة الاجتماعية.. اللي كانت لفترة كبيرة من الزمن، ولا زالت في بعض الشرائح تتوجه ناحية الطب والهندسة والصيدلة وما يشبههم..

جزء تاني بيختار بناء على مدى القوة والتأثير الاجتماعي للوظيفة أو المنصب، إلى جانب الوجاهة برضه، وهنا نلاقي وظائف القضاء والشرطة والجيش وغيرهم..



وجزء تالت بيختار بناء على مدى مناسبة الشغل لبعض الظروف المكانية (قربه من البيت أو الأسرة) أو النوعية (وظائف مناسبة أكتر للبنات مثلا) أو العائلية (الإكمال في نفس مهنة الأب أو الأم)، وهكذا..

وجزء رابع وخامس وسادس وعاشر بيختار الشغل اللي ما لقاش غيره..

وهنا ييجي السؤال الأصعب.. و تنسله مروسها معامليه واستاها

هو إحنا أصلا بنختار شغلنا؟

إحنا اللي بيختار شغلنا هنو مكتب التنسيق، اللي بيحدد مستقبلنا هو درجاتنا في الثانوية العامة، اللي بيخطط حياتنا هو مدى قدرتنا على حفظ بعض المعلومات واسترجاعها لمدة ثلاث ساعات في لجنة الامتحان..

ولو مكتب التنسيق إدانا بعض الاختيارات، يبقى ساعتها اللي هايختار برضه مش إحنا، اللي هايختار غالبًا هايكون أهلنا.. الأب اللي عاوزك دكتور قد الدنيا، أو وكيل نيابة مالي مركزك، أو محاسب تكمل المسيرة بتاعته.. والأم اللي عاوزاي صيدلانية علشان الصيدلية بتاعتها، أو مدرسة علشان تقعدي وتتستتي في البيت، أو موظفة في الحكومة علشان غدر الزمن وحوجة الأيام..

واللي مش بيدخل في دوامة مكتب التنسيق، بيشتغل اللي ربنا بيسهل بيه..



177

يبقى غالبًا آخر واحد ليه (فعل) الاختيار في حكاية الشغل دي هو إنت.. مع إنك أول واحد ليه (حق) الاختيار فيها.

طبعًا المنظومة دي فاشلة من أولها لآخرها، وبتؤدي لبلاوي كتير جدًّا.. أولها حالة السيعار الرهيب للوصول إلى أعلى نقطة في جبل التنسيق علشان يبقى قدامك كل الأبواب مفتوحة.. السعار ده بيصيب الأهالي بالعته والجنون والدخول في سباق محموم نحو اللاشيء، ويصيب أبناءهم بالاكتئاب والتوتر والفصام وكل الأمراض النفسية المكتوبة في الكتب.

ملامح هذا السعار أولها حمى الدروس الخصوصية، وآخرها فوضى الغش والتزوير والوسايط والرشاوى، وبينهم مدارس خاوية على عروشها..

ثانيها.. اتفضل يا سيدي.. نجحت؟ جيبت مجموع؟ دخلت الكلية؟ اتخرجت؟ اشتغلت؟ حب بقى شغلك وانجح وأبدع فيه.. هههههههههههههه.. إزاي بقى والنبي؟

عندك واحد اشتغل مدرس، وكان نفسه يشتغل دكتور.. بس قدراته على الحفظ ما ساعدتهوش يبخ الكلام اللي حفظه كله في ورقة الإجابة..

وعندك واحد اشتغل دكتور، بس كان حلم حياته يطلع رسام، لأنه بيحب الرسم، بس جاب مجموع عالي وأهله استخسروه وأقنعوه يدخل طب..

عندك واحدة اشتغلت صيدلانية علشان تكمل في صيدلية أبوها، رغم إنها كانت حابة تشتغل في مجال السياحة..



وعندك مهندس كان عاوز يبقى ظابط.. ومحاسب كان حابب يكون محامي.. ومحامي كان بيحلم يبقى وكيل نيابة.. وصحفي كان نفسه يبقى مذيع.. وغيرهم وغيرهم..

كلمني بقى عن التقدم العلمي والانفتاح البحثي واختراق القرن الواحد وعشرين.

بالنسبة في بقى كل ده مش مشكلة.. أو بكلهات أدق.. مش مشكلة كبيرة.. المصيبة الكبيرة بالنسبة في هي إنك -غالبًا- هاتلبس في الشغلانة دي طول عمرك.. واحتهال تصدق إنك بتحبها، رغم إنها مش بتعبر عنك.. والصعوبة الأكبر في الحكاية دي كلها هي صعوبة إنك تسيبها وتشتغل غيرها.. علمان ده بيمثل مخاطرة مادية ممكن تهددك وتهدد بيتك وأسرتك لو إنت متجوز، مادية ممكن تهددك وتهدد بيتك وأسرتك لو إنت متجوز، وإحنا لسه مافيش عندنا المسارات التعليمية البديلة اللي تدي الفرصة لأي حد يتعلم الحاجة اللي هو بيحبها وياخذ فيها الفرصة تخليه بشتغل بيها من غيرها يعدي على معبد الثانوية العامة ويدين بدين مكتب التنسيق.

طيب حد جه واكتشف بعد شوية من شغله إنه مش بيحبه، حتى لو كان بيحبه فعلاً قبل كده، أو إنه اختاره في ظروف نفسية أو عائلية معينة اتغيرت دلوقت، أو إنه شاف إن الشغل ده مش مناسب لطبيعة حياته وشخصيته في الوقت الحالي.. أو لقى نفسه في شغل تاني.. أو مجرد إنه حب يغير.. يعمل إيه؟!

والله العظيم ما أعرف..



اللي أعرفه بجد إنك لما تشوف حد قرر يغير مهنته، اعرف إنك عالبًا - قدَّام شخص عنده قدر من الشجاعة والحكمة وتحمل الحيرة وقبول الغموض ومقاومة التوهان والصبر على عدم وضوح الرؤية.. شخص قرَّر يكون حقيقي وسط زيف ممكن يكون عاش فيه سنين طويلة جدًّا.. شخص مستعد يتحمل ألم الانسلاخ من جلده القديم علشان يخرج منه بني آدم جديد تامًا..

أنا قولت غالبًا علشان ممكن حد يغير مهنته لأسباب تانية زي اللي قولتها في الأول بالظبط (وجاهة اجتماعية أو قوة تأثير اجتماعي أو ظروف مكانية أو غيرها) وتكون ساعاتها الحسابات مختلفة شوية..

في بعض أنواع العلاج النفسي العميق بنتفق مع المريض شوية اتفاقات.. منها إنه فيه احتمال أثناء أو بعد العلاج إنه يكتشف إن كل الاختيارات اللي اختارها في حياته (شغله، زواجه، مكان معيشته، طبيعة علاقاته....) كانت اختيارات مبنية على أساسات هشة غير صحيحة نفسيًّا.. وإنه وارد جدًّا إنه بعد ما يكتشف ده يقرر يعمل تغييرات جذرية في حياته في كل النواحي دي.. لأنه ساعتها هايكون إنسان جديد، ليه رؤية مختلفة، ومن حقه اختيارات جديدة.. وده أحيانًا بيحصل فعلاً..

تغيير المهنة (الكاريير شيفت) مش دايًا دلع وفراغ وضياع.. مش دايًا فشل ولا تعويض فشل ولا نهايته فشل.. مش بالضرورة عدم فهم أو سوء تقدير..

ممكن يكون وراه حد بيحاول يكتشف نفسه من أول وجديد.. حد بيحاول يخرج بره الصندوق.. حد بيحاول يخرج عن النص..

حد قرر يعمل اللي بيحبه..

مهما كان التمن..



انت مین؟ انت مین؟

- . حضرتك بتشتغل إيه؟
 - ۔ دکتور
 - ـ طيب اقلع..!
 - أقلع إيه بالظبط؟
 - اقلع وظیفتك!
 - ۔ إزاي يعني؟
- يعني تخيّل إنك نهت وصحيت لقيت نفسك في إجازة قسرية من مهنة الطب. أو إنك استقلت منها.. أو حصل مشكلة في مكان شغلك واترفدت.. إيه اللي هايفضل منك؟
 - وحضرتك؟
 - طالب في كلية آداب
 - ـ طيب اقلع..!
 - أقلع إيه أنا كمان؟
- تصور إنك فجأة لقيت الكلية قفلت أو لغوا الدراسة في كليات الآداب أو.. أو..

تيجي تجرّب الحكاية دي.. تيجي تتخيل معايا إن وظيفتك اختفت أو إنك تخليت عنها؟

تفتكر إيه اللي هايتبقى؟

إيه الطبقة اللي تحتها؟



عيلتك؟

آه.. هي عيلتك..

مراتك وأولادك..

أو أبوك وأمك وإخواتك..

طيب تصوّر بقى إنهم فجأة اختفوا هما كمان.. صحيت من النوم ما لقيتهومش.. سافروا.. هاجروا.. ما بقوش موجودين معاك ولا حواليك! إيه اللي هايتبقى؟ إيه الطبقة اللي تحتهم؟

أصحابك.. جبرانك.. زملاء الشغل..

طيب دول كمان اختفوا وما بقوش موجودين.. فاضل إيه تاني؟

فاضل إنت..

أيون..

إنت.. زي ما إنت..

إنت لوحدك.. وبس..

- ـ طيب إنت مين بقى؟ تيجي تعرف نفسك...
 - . أحمد.. حسن.. نادين.. مها.. أي اسم؟
- ـ بـس ده مـش إنـت.. ده اسـمك.. مـش بيعـبر عـن أي حاجـة يعنـي..
 - . أنا دكتور.. مهندس.. مدرس.. طالب..





- ما إحنا اتفقنا إن دول مش موجودين خلاص.. وبعدين حديد دي مجرد وظيفة.. دي مش إنت.. دي وظيفتك..
 - أنا طويل وعريض وأبيضاني شوية..
- ع باشا ده شكلك.. ده مش إنت خالص.. المعالم الم
 - ـ أنا ابن فلان وعلان وترتان..
- ما هـو برضـه دول خـلاص.. بـح.. حتـى لـو لسـه موجوديـن.. دول مـش إنـت برضـه..
 - _ أنا.. أنا.. مش عارف..لي و والمعالم

طيب خد نفسك بالراحة كده.. واقرا اللي جاي بهدوء..

هو إيه اللي بيعرفنا؟ إيه اللي بيحدد وجودنا ويوصفه ويديله معنى؟ إيه اللي بيقول أنا مين وإنت مين؟

ما أعتقدش إن فيه إجابة واحدة واضحة وقاطعة للسؤال ده ..

بس من وجهة نظري (الشخصية البحتة) إحنا موجودين في الأثر اللي بنؤثره في غيرنا.. في البصمة اللي بنتركها ورانا في الأماكن والأزمنة..

أنا ممكن أحس نفسي في كلماتي اللي بتوصلك دلوقت. الكلمات اللي بتحركك وتحررك وتخليك تشوف حاجات جديدة ما كنتش شايفها قبل كده..

إنت ممكن تحس بوجودك في عيون صاحبك اللي بيفرح أول ما بيشوفك.. لأنك بالنسبة له مصدر بهجة وسعادة..



ممكن تلاقي نفسك في نظرة الرضا اللي بينظرهالك تلميذك أو ابنك لما تعلّمه حاجة جديدة ويبدأ يارسها ويعرف قيمتها..

ممكن تكتشف معنى حياتك في بسمة بسيطة على شفايف مراتك لما تهد إيدك وتساعدها في البيت.

كل ده أعمىق بكتير من مجرد الوظيفة والدراسة والأهل والأصحاب.. ده أثرك عليهم وفيهم كلهم.. وهو ده في رأيي الحالي اللي بيعرفك ويوصفك ويرسم أهم ملامح وجودك.. ويخلى ليه معنى واتجاه وهدف..

فيه حد أثره بيكون كتاب..

فيه حد أثره بيكون مقطوعة موسيقية أو عمل فني.. والمساحد

وفيه حد بيكون أثره ناس اتعلمت واتغيرت على إيده..

إحنا مش بس اسمنا ولا شكلنا ولا شغلنا ولا أهلنا..

إحنا كمان الأثر اللي بنسيبه في الناس والأشياء والأماكن.. بعد ما نتجرد من كل طبقات وجودنا المؤقتة..

إنت بقي..

مين؟

IVY



(۱۸*)* الصورة الكاملة



IVY

للمزيد من الروايات والكتب الحصرية

ق المقبضة كل فه يتمو حسر، سميط منين العلميارة الكسترال الس

fb/groups/Sa7er.Elkotob/ انضموا لجروب ساحر الكتب sa7eralkutub.com

من أحد مشاهد مسلسل (سقوط حر- رمضان ٢٠١٦):

- الطبيب النفسي: إيه اللي كان ممكن يسعدك؟
- والدة المريضة: حاجات عادية.. بيت.. عيال.. زوج..
- الطبيب النفسي: طيب مانتي كان عندك بيت وعيال وزوج!
- والدة المريضة: بس كان عندي حاجة تخليك ما تشوفش معاها أي حاجة تانية..
 - ـ اللي هيه إيه؟
 - ـ من الخوف.. من والمنافقة إلى الله عليه التاليم التاليم ال

بعض كتاباقي السابقة كانت بتركز على دور الرسايل اللي بتوصل من الآباء والأمهات في تكوين صعوبات وأعراض وأمراض نفسية عند أبناءهم. وبالرغم من إن ده مش العامل الوحيد في الإصابة بالمرض النفسي (فيه عوامل جينية وبيئية وغيرها كتير)، لكنهفي رأيي عامل مهم جدًّا.. علشان الرسايل دي بتتحول بعد شوية لجزء لا يتجزأ من التكوين النفسي للأبناء.. وبتكون في قوتها وتأثيرها أقوى بكتير من الجينات والبيئة والظروف..

في الحقيقة كل ده هو جزء بسيط من الصورة الكبيرة.. اللي هاحاول أوضح دلوقت جزء آخر منها..

المرة دي أنا هاتكلم عن الجانب الآخر من الحكاية.. جانب الآباء والأمهات اللي بيوصلوا لأبناءهم رسايل نفسية مؤذية ومشوهة بدرجات مختلفة..

للوهلة الأولى بنشوفهم على إنهم ناس قساة جناة.. جنوا على أولادهم.. مقدروش يحسوا بيهم ويفهموهم ويحبوهم حبب حقيقي غير مشروط.. ناس تفننوا في سوء المعاملة والإهانة والذل والبعد.. ناس ضارين مؤذين معندهمش قلب ولا رحمة..

لكن.. الرؤية دي عاملة زي اللي شايف مشهد واحد من حكاية طويلة عريضة.. أو بيبص في صورة ثابتة ليها بعدين اتنين فقط.. رغم إن فيه تفاصيل كتير للحكاية.. وأبعاد أكتر للصورة..

باقي الحكاية موجود فيها يُسمى علميًّا باسم Schizophrenogenic، أو الأم المسببة للفصام لدى أبناءها، واللى بتمثلها الأم المسهد السابق..

الأم دي عندها إحساس رهيب بالخوف.. رعب مالهوش حدود.. فقدان عميق لأي درجة من درجات الإحساس بالأمان.. ده ممكن يكون نتيجة ضغوط حياتية صعبة اتعرضت ليهاً.. أو فقد لحد غالي جدًّا، أو تربية قاسية هي شخصيًّا عاشتها.. أو حاجات تاني.. أو كل دول مع بعض..

الأم دي بتفضل تقاوم وتقاوم لغاية ما توصل للحظة معينة ما تقدرش تعافر فيها أكتر من كده، بتكون استنفدت كل طاقتها، واستخدمت كل أسلحتها، ونفسها فعلا اتقطع.. فتضطر إنها تاخد قرار صعب جدًا هاتعيش بيه حياتها اللي جاية كلها.. قرار هو الأصعب والأقسى على الإطلاق.. قرار إنها تدفن نفسها..

177



القرار اللي بتاخده الأم هنا هو قرار معقد جدًّا، تقدر تقول إنه تلات قرارات في بعض. أو قرار ليه تلات مستويات أو وجوه:

بتقرر أولاً إنها تدفن أنوثتها الفطرية الحقيقية الي اتولدت وعاشت بيها (شوية)، وتتحول (نفسيًّا) لراجل خشن صلب قوى تحاول تحمى بيه نفسها وأولادها، راجل يقدر يعمل كل حاجة، ويعرف يعمل كل حاجة، راجل راجل يعني.. وطبعًا ساعات بتقرر تطلع أنثى مزيفة مبهرجة مائعة، تنتقم بيها من كل الرجالة.

بتقرر كمان إنها تلعب دور المنقذ للأولاد، وده دور حياتي درامي شكله من بره لطيف جدًّا، بتكون فيه الحارس الهمام، والناصح الأمين، وحامي الحمى للأولاد الضعاف من كل شيء وأي شيء.. وفي الحقيقة هي مش لازم تحرم أبناءها من الحب والحنان ولا حاجة، بالعكس، الأخطر إنها تديهم الحب والحنان بزيادة للرجة اللي تخليهم ما يقدروش يستغنوا عنها.

وتقرر بقى أخيراً إنها تبلع أولادها.. أيون.. تبلعهم.. ما تتخفش من التعبير.. تبلعهم بمعنى إنها تحاوطهم من كل ناحية، وتمنع عنهم الميه والهموا، تخلي نفسها هي المصدر الوحيد للحب والحنان والعطاء والأمان والفلوس وكل حاجة، تخليهم محتاجينها طول الوقت، ومعتمدين عليها في كل حاجة بدون حدود.. تبعدهم عن كل الناس (وساعات عن أبوهم نفسه).. وتعمل كده بمنتهى البراعة علشان دي الحاجة الوحيدة اللي ممكن تحس من خلالها بالأمان (الزائف طبعًا)..

V للمزيد من الروايات والكتب الحصرية انضموا لجروب ساحر الكتب /fb/groups/Sa7er.Elkotob او زيارة موقعنا sa7eralkutub.com الحاجة الأكتر والأخطر والي ممكن تصيب الأولاد بالفصام في بعض الأحوال (من هنا جه الاسم العلمي للنوع ده من الأمهات)، هو إن الأم دي دايًا بتوصل لأولادها رسالتين عكس بعض في نفس الوقت. يعني تقول لابنها (ياللا شد حيلك علشان تنجح)، بس من جواها وبتصرفاتها بتوصله: (إوعى تنجح لحسن تتخلى عني)، وتقول لبنتها: (إنتي كبرقي واحلويتي وبقيتي على وش جواز)، بس من تحت لتحت بتقولها: (إوعى تتجوزي وتسيبيني).. الأم هنا مرعوبة من الوحدة، خايفة من إحساسها الرهيب بعدم الأمان، هاتتجنن فعلا لو بقت لوحدها.. الأم هنا بجد.. أغلب من الغلب.

(T)

أنا ما لحقتش أعيش يا دكتور، أنا ما فرحتش بحاجة، ما فرحتش بنفسي وأنا بنت لسه متجوزة، ولا فرحت بنفسي وأنا أم.. أنا ما عشتش.. أنا ضيّعت عمري كله علشان بناتي يطلعوا كويسين.. ودي آخرتها..

مشكلة القرارات المركبة اللي بتاخدها الأم دي (وساعات الأب بس بتفاصيل مختلفة)، هي إنها أولاً بتحرمها من أنوثتها الحقيقية اللي كلها طيبة وفرحة وحياة وحنان وحب ورحمة. وثانياً.. بعد شوية هايتحول دور المنقذ اللي بدأت بيه، لدور الضحية اللي بتضحي بكل حاجة في حياتها وسنينها وعمرها علشان غيرها..



وده دور بائس ويائس وبيخاي صاحبه طول الوقت مستمتع بتعذيب نفسه وذلها وهوانها وحرمانها من كل حقوقها الإنسانية باسم التضحية في سبيل حد تاني (ومجتمعات زي مجتمعنا بتشجع وتسقف جدًّا للدور ده)..

وبعد شوية كمان هايكمل السيناريو بإنها تكون هي (الجاني) على أولادها، اللي هاتكتشف في آخر المشوار إنها حرمت نفسها من الحياة بسببهم، وضيّعت نفسها علشانهم.. وتبدأ تخليهم يدفعوا تهن ده من وقتهم وجهدهم وتفكيرهم وأعصابهم، ونفسيتهم، وتبدأ تحسسهم بالذنب كل لحظة بكلمات زي ونفسيتهم، وتبدأ تحسسهم بالذنب كل لحظة بكلمات زي أنا ضيّعت عمري ودفنت نفسي بالحيا علشانكم) و(أنا ما عيشتش علشان إنتوا تعيشوا) و(أنا ما خدتش من دنيتي حاجة بسببكم).. وما تستغربش لما أقولك إن جسمها ساعات بيكون طرف في اللعبة ويجيلها ضغط وسكر وجلطات ونزيف وأورام، وده يخلى أولادها يدفعوا التمن أضعاف أضعاف بجد..

كام واحد مننا سمع الكلام ده (ببعض التنويعات طبعًا)؟ كام واحد شاف السيناريو ده بيتكرر قدامه؟ طيب كام واحدة أو واحد عاشه بنفسه؟

ما فيش داعي للإجابة..

طبعًا مش النوعية دي من الأمهات هي بس اللي بتساعد في وجود أمراض نفسية عند أولادها، فيه أنواع كتير من الأمهات والآباء غيرها بيعملوا كده برضه.. بس دي أعقدهم وأخطرهم..



فيه نوع من العلاج النفسي اسمه العلاج النفسي الدينامي Dynamic Psychotherapy .. بيحاول المعالج يشوف فيه مع مريضه إيه الرسايل اللي وصلته في طفولته وإزاي أثرت فيه لغاية النهاردة، وإزاي علاقته بأبوه وأمه منعكسة عليه في علاقته بنفسه وبالآخرين وساعات بربنا (في ثقافتنا طبعًا).. في المراحل الأولى من العلاج بيشوف المريض قد إيه هو اتعرض لتشويه وأذى وضرر وإتلاف نفسي ومعنوي من والديه، وبيشوف قد إيه أرضه كانت مستباحة علشان بس يتحب أو يتقبل أو يُهتم بيه، وإنه حتى لما كان ده بيحصل، كان بيحصل بشروط وقيود وقمن غالي كان لازم يدفعه..

لمّا المريض بيشوف ده، بيتفجر جواه طاقة هائلة من الغضب والعنف وساعات الانتقام، وبيقوم أحيانًا بالتعبير عن ده بأشكال وأساليب مختلفة.. وبيكون مهم جلًّا وقتها إننا - كأطباء وكمعالجين- نقبلها ونحتويها..

لكن.. بعد شوية، بيكتشف المريض المفاجأة المذهلة.. اللي بتقلب موازينه رأسًا على عقب..

بيكتشف إن أبوه وأمه في الحقيقة أغلب منه مراحل، وإنهم هما شخصيًا اتعرضوا لتشويه وأذى وضرر نفسي بيكون ساعات أقوى وأشد من اللي اتعرض ليه المريض نفسه منهم.. وبيكتشف إلهم قبل ما يؤذوه، كانوا ضحية للأذى، وقبل ما يقسوا عليه، كانوا ضحية للقسوة، وقبل ما يظلموه، هما نفسهم اتظلموا كتير..



بيكتشف المريض شوية شوية إن اللي عمله معاه أبوه وأمه كان هو الحاجة الوحيدة اللي شافوها، والحاجة الوحيدة اللي يعرفوها، والحاجة الوحيدة اللي اتربوا عليها واتعلموها..

بيكتشف إنهم بؤساء، وغلابة، ومظلومين.. وإنهم كانوا لفترات طويلة جدًّا خاضعين لظروف أقسى، ورسايل نفسية أعنف..

مش بس كده.. ده بيكتشف كمان إنه ساعات بيكون مجرد حلقة صغيرة في سلسلة طويلة من الأجيال المتعاقبة اللي بتورث لأولادها وأحفادها العقد والصدمات النفسية والسيناريوهات البائسة (فيه نظرية كاملة في الأمراض النفسية اسمها توريث الصدمات عبر الأجيال)..

بيكتشف، وبنكتشف معاه، إن فيه وجه تاني للعملة، وبعد ثالث ورابع للصورة، وحكاية طويلة ورا المشهد..

ساعتها بيكون عليه إنه يختار ما بين إنه يفضل في غضبه وعنفوانه ورغبته الطفولية في الانتقام، وما بين إنه يشوف الصورة الكاملة، ويعذر، ويسامح، ويرحم، ويكبر..

وساعتها بيشوف بما لا يدع مجالاً للشك، إنه إذا كان أبوه وأمه وصلوله زمان رسايل نفسية مؤذية، وهو صدقها مضطرًا.. فهما كمان وصلتهم رسايل مؤذية، وصدّقوها مضطرين...

بيشوف كمان إنه هو دلوقت الشخص الوحيد المسئول عن الاختيار ما بين الاستمرار في تصديق الرسايل دي، أو اتخاذ قرار علاجي وجودي ما لهوش بديل.. وهو إنه يتغير.. ويخف..

أيون.. المريض النفسي يقدر يقرر إنه يخف..

للمزيد من الروايات والكتب الحصرية

fb/groups/Sa7er.Elkotob/ انضموا لجروب ساحر الكتب sa7eralkutub.com الرؤية دي طبعًا صادمة، ومزعجة، ومحيرة.. بس منطقية، وحقيقية، ومفيدة جدًّا، لما تيجي في وقتها..

لو كان ده وقتها بالنسبة ليك..

لو كنت شايفة إن ده وقتها بالنسبة ليكي ..

تيجي نعذر نفسنا ونعذرهم؟

تيجي نسامح نفسنا ونسامحهم؟

تيجي نشوف احتياجاتنا اللي اتحرمنا منها، أو أخدناها بشروط ونشوف احتياجاتهم اللي اتحرموا منها، أو أخدوها برضه بشروط؟

تيجي نشوف الصورة الكاملة؟

تيجي نكون آخر جيل هايستلم الإرث النفسي التقيل ده؟ تبجي نهنع توريثه لأولادنا وأحفادنا؟

تيجي نتغير؟

تيجي نبدأ بنفسنا.. وبدايرتنا الصغيرة؟

تيجي نصدق إن العلاج هو الحب.. والترياق هو السهاح.. والطريق هو الرحمة..



بالمناسبة.. فيه نوع تاني من العلاج النفسي اسمه Forgiveness المسلم المسل

طبعًا لو ماكانش ده الوقت المناسب بالنسبة لك، أو لو ما كنتش مستعد دلوقت.. أو لو كان اللي حصل أكبر من قدرتك على استيعابه والتعامل معاه.. ما فيش أي مشكلة.. وما فيش أي داعي للضغط أو الغصب أو الاستعجال.. لا يكلف الله نفسًا إلا وسعها.. وكل شيء بأوان..

كفاية دلوقت إنك تحب نفسك وتسامحها وترحمها..

علشان برضه مع نفسك..

العلاج هو الحب..

والترياق هو السماح..

والطريق هو الرحمة..



كتب الطب بتقول إن المرض النفسي علشان يحصل عند حد بيكون فيه ثلاث حاجات مهمة (على الأقل).. الأولى هي استعداده الوراقي والجيني، والتانية هي طريقة تربيته ومعاملة أهله ليه في طفولته، والتالتة هي تعرضه لظرف نفسي أقوى من قدرته على المقاومة والتحمل.. التلات حاجات دول بيؤدوا لاختلال كيميائي ببعض مناطق المخ.. وظهور الأعراض النفسية..

بس بيحصل كتير إننا نلاقي حد عنده كل ما يؤهله إنه يكون مريض نفسي من الدرجة الأولى.. لكنه لم يحرض نفسيًّا بالرغم من كده!

إيه بقى الحكاية؟

في الحقيقة.. الحكاية دي مهمة جدًا.. وأنا كاتب الكلام الجاى ده كله علشان اطمّنك.. واونسك..

أولا.. مهم نعرف إن العوامل اللي بتؤدي لحدوث مرض نفسي هي في الحقيقة أكبر من كده بكتير.. عشرات وربا مئات العوامل.. لكن اللي نعرفه منها وعنها قليل جدًّا.. يا دوب هما التلاتة دول ويكن واحد أو اتنين تانيين.. والباقي كله الله أعلم بيه.. إحنا ما نعرفش كل حاجة عن أي حاجة.. العلم لسه قدامه كتير أوي..

ثانيًا.. مهم كمان نعرف إنه زي ما فيه عوامل تؤدي للمرض النفسي، فيه كمان عوامل بتحمي من المرض النفسي مهما كانت الظروف والضغوط والاستعداد الجيني.. زي مثلاً وجود حد في العيلة أو القرايب أو الأصحاب بيقوم بدور صمام الأمان بالنسبة للطفل أثناء تربيته.. الخال.. العمة.. الأب في حالة قسوة الأم..



الأم في حالة إهمال الأب.. صديق قريب.. جار مخلص.. وهكذا.. الحد ده بيقدم للطفل (غالبًا من غير ما يقصد ولا يعرف) معظم اللي هو محتاجه وما كانش لاقيه من مصادره الطبيعية..

كمان مدة وقوة وتكرار الرسايل المرضية اللي بتوصل للطفل ممكن تحدد هايكون مريض نفسي واللا لأ.. يعني اللي بيتبهدل كل يوم ويتشتم ويضرب، غير اللي بيتقاله كلمتين كل أسبوع.. واللي بتتعرض لاعتداء جسدي بشكل قاسي ومتكرر غير اللي اتعرضت للتحرش مرة واحدة وأخدت حقها.. وهكذا..

ده غير إن بعض الأطفال حساسين أكتر من غيرهم.. يعني فيه طفل تفرق معاه كلمة أو نظرة.. وطفل تاني ما تفرقش معاه كل حاجة بنفس الدرجة..

وطبعًا مستوى ذكاء الطفل وقدرته على الاستيعاب والتحليل والفهم ممكن ينقذه في أوقات كتير من مرض نفسي محقق..

ولو الطفل ده مبدع بأي شكل في حاجات زي الرسم أو الكتابة أو التصوير أو غيرها، فده كمان ممكن ياخده بعيد شوية عن واقعه الضاغط المؤلم..

وحاجات تانية كتير جدًا.. الموضوع معقد ومتشابك لأقصى درحة..

نيجي بقى للمهم.. وي سيطيعا والمسمال في ممال والوياليا



والكلام ده موجّه ليك. ليك إنت شخصيًّا.. علشان ببساطة ما فيش أي حد مننا ما فيش في جيناته اللي تمتد لأجيال وأجيال للوراء درجة ولو بسيطة من الاستعداد للمرض النفسي.. وما فيش أي حد مننا ما اتعرضش لشكل من أشكال المعاملة غير الصحية ولو بنظرة أو بكلمة من الأب أو الأم.. وما فيش كمان أي بني آدم ما اتعرضش لظرف قاسي أو صعب أو مؤلم في حياته..

إشمعنا بقى حد يحصله مرض نفسي ومرض لأ.. ليه يبقى اتنين إخوات توأم عندهم نفس الجينات واتربوا بنفس طريقة التربية واتعرضوا لظروف حياتية متشابهة جدًا.. ونلاقي واحد فيهم يصاب بصعوبات أو أعراض أو أمراض نفسية والتاني لأ!!

علشان فيه حاجة اسمها (القرار).. والوش التاني بتاعه اسمه (المقاومة/الصمود) Reselience.. ودى بقى الحاجة الوحيدة اللي تقدر تقاوم الجينات والتربية والظروف.. أو تنصاع ليهم..

وهنا السؤال الصعب والمحير واللي انعمل فيه كمية هائلة من النظريات والأبحاث والكتب والمناظرات العلمية والإنسانية والفلسفية على مدى عشرات السنين:

هو ممكن المرض النفسي بيجي بقرار؟



أقدر أقولك من خلال كل خبرتي، ودراستي جوّه وبرّه مصر، وقراءاتي وأبحاثي وأبحاث غيرى: أيون..

كتبر جدًّا من مدارس ونظريات تكوين الأمراض النفسية بتقول إن المرض النفسي ممكن ييجي بقرار.. والقرار ده ممكن يكون على مراحل. وده طبعًا لا ينفي أهمية العوامل الأخرى.. ولا يعنى التعميم على الأمراض النفسية اللي سببها (وليس نتيجتها) اضطراب عضوى في المخ أو باقى أجهزة الجسم.

قرار إزاي يعني؟

الطفل اللي بيقعد كذا سنة يستقبل رسايل نفسية مؤذية ومشوهة، بيبجى عند سن معن (الأبحاث بتقول من خمس إلى ٧ سنين) ويقرر (ساعات بشكل واعي وساعات بشكل غير واعي)، إنه ما يكونش نفسه تاني، ويكون زي ما أهله واللي حواليه عاوزين.. يعني يقرر- مضطرًا- إنه يدفن نفسه الحقيقية اللي اتولد بيها، ويطلّع ما نسميه بالنفس المزيفة علشان يعفي نفسـه مـن الأذي ويعـرف يعيـش.. وبيكـون بكـده وضـع حجـر الأساس في بنيان المرض النفسي الضخم اللي هايتبني جواه يوم ورا يـوم.. معـذور طبعًا.. بس ده الـلى حصـل..

ساعات القرار ده يفضل متخزن جواه سنين طويلة، وفي الوقت المناسب وتحت الظروف المواتية وبالتضامن مع الاستعداد الجيني وغيره، يقرر تاني بوعي أوبدون وعي) الاستسلام للواقع، والتسليم للضغوط، والانحناء النفسي أمام الأحداث. وساعتها يظهر المرض النفسي في أوضح صوره..



اللي يقرر يبقى انطوائي.. واللي يقرر يبقى اعتمادي.. واللي تقرر تبقى هيستيرية، واللي تقرر تكره جسمها، واللي يقرر يكره نفسه، واللي يقرر يتجنن.. وهكذا..

إحنا في لحظة انطلاق شرارة المرض النفسي بيكون قدّامنا الاختيار..

اللي عدى منكم باللحظة دي هايفتكرها كويس.. اللحظة اللي بيكون قدّامي فيها قرار من اتنين.. إما المقاومة، وإما الاستسلام للأفكار وللوساوس.. إما التحمل، وإما الاستسهال والدخول في كهف الاكتئاب المظلم.. إما التعامل مع الناس مهما كان ده صعب، أو الغاؤهم واختلاق صور وأصوات وأشكال وناس وهلاوس وضلالات.. إما الحياة، وإما الموت..

طبعًا بعض مدارس الطب النفسي بتعترض على الكلام ده، وبتشوف إن المرض النفسي هو مجرد (لخبطة في الكيميا بتاعة المخ)، لكن أنا شايف إن النظرة دي (اللي بأحترمها وبأحترم روادها) هي نظرة قاصرة ومختزلة لكل إمكانياتنا الإنسانية الهائلة.. ولتكريم ربنا لينا عنحنا الحرية.. والاختيار.. والقرار..

يعني إيه كل الكلام ده؟ المسلمان المسلمان المسلمان المسلمان المسلم

أنا رأيي إن الكلام ده بيفتح باب الأمل والحياة والنور.. علشان لما نصدق إن المرض النفسي ممكن يبدأ بقرار.. فيبقى نصدق برضه إن مقاومة المرض النفسي والعلاج منه برضه بتحصل بقرار..



يعنى حضرتك مهما كان عندك من جينات، ومهما اتربيت تربية قاسية، ومهما اتعرضت لظروف صعبة، تقدر ما تبقاش مريض نفسى.. لو عند اللحظة الصعبة الفاصلة.. لحظة الاختيار بين الاستسلام أو المقاومة، وبين الحياة النفسية أوالموت النفسي.. تقرر إنك تختار تقاوم، وتحيا..

يعنى كمان إنك إنت أو أي حدّ عنده أي صعوبات أو أعراض أو أمراض نفسية، تقدر بقدرتك وإمكاناتك الشخصية اللي ربنا منحها ليك وبوجود علاقة واحدة طيبة (على الأقل) في حياتك تونسك وتساعدك، تقدر تقاوم وتتحدى جيناتك وتربيتك وظروفك وأعراضك.. وتتغير.. أو تخف.. آه.. تخف..

ده مش كلام في الهوا.. أنا شوفت الكلام ده بعنيا عشرات المرات على مدى كل سنين خبرق المهنية.. وكلنا نعرف إن فيه حاجة اسمها التعبير الجيني Gene Expression.. يعنى أي جينات بتاعـة أي حاجـة عنـدك، زي مـا هـي ممكـن تنشـط وتشـتغل.. ممكن كمان تكمن وتتعطيل. بناء على حاجيات كتير.. منها قراراتك النفسية والحياتية الواعية وغير الواعية.

إحنا ربنا حط فينا بؤرة نور من يوم ولادتنا لغاية ما نموت.. سميها الفطرة.. سميها النفس الحقيقية، سميها قبس من روح الله.. سميها زي ما تسميها.. النور ده مش بينطفي أبدًا مهما اتعرض لرياح وأعاصير وزلازل نفسية مهما كانت عنيفة.. ممكن يخفت شوية، ممكن يتوهج شوية.. لكنه مش بينطفي أبدًا.. ولا حتى بالموت..



إحنا جوانا قدرة هائلة على المقاومة.. ودوافع إنسانية فطرية جبارة على التغيير.. وقوة جذب رهيبة نحو الحياة..

في مرة واحد زميلي أول ما سمع قد إيه ممكن التربية تؤذي الأطفال، راح سأل أستاذي العظيم د. رفعت محفوظ وهو مخضوض جدًّا وقال له: طيب واللي ممكن يكون وصل لأولادنا غصب عننا، والأذى اللي ممكن يكونوا اتأذوه وإحنا مش واخدين بالنا؟ ده كل واحد فينا ممكن يكون عمل بلاوي في أولاده.. دد إحنا ممكن نكون شوهناهم بكلمة أو نظرة أو رد فعل!!

ردّ عليه دكتور رفعت بكل ثقة:

ما تخافش.. فطرة ربنا مش بتتشوه بسهولة.. البني آدمين مش زجاج بيتكسر مع أول خبطة.. الأطفال أقوى مما نتصور بكتير..

كلنا أخدنا نفسنا.. وقولنا: الحمد لله..

حط بقى الكلمتين دول حلقة في ودانك قبل ما تقوم.. عمال الله الله

إنت تقدر تتغير..

إنت تقدر ما تبقاش مريض نفسى..

وحتى لو مريض.. إنت تقدر تخف..

إنت تقدر تقاوم جيناتك وتربيتك وظروفك..

وتقدر تتحكم في تعبيرك الجيني..



la hearth there.

لو كان جهاد النفس ليه أشكال ومستويات..

فده شكل من أشكال جهاد النفس..

وأقدر أسميه بكل ثقة: (جهاد الجينات)..

مطلوب بس إنت تصدق ده..

وتنوي.. المراجع المراجع المراجع والمال مراجع المراجع المراجع المراجع المراجع

وتقررن فعالمها فالمالية الملائم مطاعمت فالمتلاف مخمد المعا

وتختار الحقيقة.. المسلمة المسلمة

والنور..

والحياة..

ياللا بقى بصوت عالي جدًّا..

يسمع آخر الدنيا.. و والمشارك والماء عمل خاط الله كالمواد المام

قول وأنا هاردد معاك: ﴿ مَا اللَّهُ مِنْ اللَّهُ مِنْ اللَّهُ اللَّهُ اللَّهُ اللَّهُ اللَّهُ اللَّهُ اللَّهُ ا

أنا اخترت الحقيقة..

أنا اخترت النور..

أنا اخترت الحياة..





190

للمزيد من الروايات والكتب الحصرية

انضموا لجروب ساحر الكتب /fb/groups/Sa7er.Elkotob sa7eralkutub.com او زيارة موقعنا هانستعرض في الجزء ده من الكتاب ٣٠ علاقة خطرة.. كل واحدة منهم ليها ملامح ومواصفات وتفاصيل..

لو ما أخدتش بالك.. كل علاقة فيهم ممكن تكون مؤذية جدًا..

ولو فتحت عينك وأخدت بالك.. يبقى بتحمي نفسك وبتحمي غيرك..

وبترسم بإيدك طريق سوي وممهد.. وخالي- إلى حد كبير- من أي ألغام نفسية أو عاطفية..

هانعرف مع بعض يعني إيه علاقة.. وأي جزء منك هو اللي بتعمل بيه علاقاتك مع اللي حواليك.. وإيه ملامح بعض العلاقات في حياتنا وإيه تأثيرها علينا وعلى غيرنا..

هانشوف العلاقة الاعتمادية وعلاقة العمى وعلاقة الحبل السري..

وهالتكلم عن العلاقة مع حد انطوائي أو حد نرجسي أو موسوس أو شكاك..

هانخوض في تفاصيل العلاقات اللي بتتعمل مع شخص سيكوباث أو شخص مستغل أو حد مدمن..

هانستعرض علاقة التقديس وعلاقة التقمص وعلاقة التقمص الإسقاطي..

هانعرف يعني إيه علاقة مع اللاشيء ويعني إيه علاقة البلع وإيه هي علاقة تحقيق النبوءة..



هايظهرك إنت إزاى ممكن تعمل علاقة مع نسخة قدية من نفس البني آدم، وإزاى بتعمل علاقة مع دورك في المجتمع، وإزاى بتكون في علاقة مع حدّ عايش دور الضحية أو دور الجاني أو دور

هاتشوف خطورة العلاقة مع مجموعة، وهاتعرف إيه هي العلاقة اللي تحير وإيه العلاقة اللي تجنن وإيه العلاقة اللي ما

هانكتشف مع بعض هل الزواج أصلا علاقة.. وهانتكلم بشكل علمي-نفسي عن العلاقة الجنسية..

وفي الآخر هانوضح إيه هي العلاقة الصحية الطيبة.. اللي تغير، وتصلح، وتعالج..

بعض العلاقات دى أنا وصفتها في كتاباتي السابقة.. بس حبيت أسجّلهم هنا تاني بشكل مُجمّع، لأهميتهم الشديدة.. وعلشان يكون الفصل ده من الكتاب بالنسبة لك زى المرجع اللي ترجعله في أي وقت تحس فيه إنك محتاجله..

للتوضيح: بعض العلاقات والأمثلة مكتوب بصيغة المذكر، وبعضها مكتوب بصيغة المؤنث.. دى فقط أمثلة توضيحية، ومش معناها حصر نوع معين من الشخصيات في أحد الجنسين..



العلاقة مع شخص نرجسي لهراء للمد مرا

دي علاقة مستهلكة ومستنزفة على كل المستويات..

الاسم مشتق من نارسيساس، وهو كان شاب إغريقي وسيم وجميل جدًا.. وكان عاجبه جماله أوي لدرجة إنه كان بيحتقر باقي الناس، لأنهم مش على نفس الدرجة من الوسامة والجمال..

حدّ من أهل بلده وداه النهر وخلاه يشوف جمال وشه على سطح المياه.. نارسيساس انبهر وفضل يتأمل جماله لفترة طويلة جدًّا، لغاية ما مات من حبه المريض لنفسه.

في العلاقة دي، هاتلاقي نفسك مع حد بيحب نفسه جدااااااااااااا هو مش عيب طبعًا إن الواحد يحب نفسه.. بس ده بيحب نفسه وبس.. بيعبد نفسه ويقدّسها لأقصى حدّ، وشايف إنها أهم حاجة في الدنيا.. وإن هو ليه الأولوية على أي حد وأي حاجة مهما كانت..

هاتلاقي نفسك في علاقة مع حد بيتكلم عن نفسه كتير أوي.. شايف إن كل حاجة بيعملها مهمة.. كل خطوة بيخطيها ليها معنى.. وإنه يستاهل أكتر بكتير من اللي هو فيه دلوقت.

حد مستعد يضحي بأي حاجة في أي وقت علشان خاطر نفسه.. مستعد يرمي أي حد وراه، مستعد يدوس على أقرب وأحب الناس ليه، علشان يطلع سلمة واحدة لفوق، أو خطوة واحدة لقدام..

للمزيد من الروايات والكتب الحصرية الخام المريد من الروايات والكتب fb/groups/Sa7er.Elkotob/ انضموا لجروب ساحر الكتب sa7eralkutub.com

يقاطعك في الكلام علشان هو يتكلم وإنت تسمع، ما يلتزمش بأي قواعد أو مواعيد أو أعراف أو قوانين.. لأنه شايف نفسه أكبر منها وإنها ما ينفعش تتطبق عليه..

ما يراعيش مشاعرك ولا أحاسيسك.. في نفس الوقت اللي يطلب منك تراعى مشاعره وأحاسيسه..

طـول الوقـت شـايف نفسـه أحسـن، وعايـز يبقـى (الأحسـن) و(الأفضـل) في كل حاجـة.. طـول الوقـت..

أناني ومغرور ومنفوخ زي بالونة الهوا..

بيتباهى كتير بكلامه ومظهره وطريقته ودماغه وقدراته.. وعاوز الناس تشوفه داعًا فوق البشر..

عاوز العالم يدور حواليه، ومستني منك ومن كل الناس التقدير والاحترام والإعجاب. عبرر وبدون مبرر..

عنده قدرة فظيعة على الإقناع.. ممكن يحسسك إنك أميرة الأميرات وساحرة الساحرات.. وأول ما يوصل لغرضه، تبقى عنده أقل واحدة في الدنيا، ويرميكي تحت رجليه..

لو قولتيله (لأ) تبقى مصيبة، ولو ما شوفتيش اللي هو شايفه.. يتهد العالم، وتتخرب الدنيا..

لو انتقدتیه یتضایق ویکتئب بسرعة، وممکن یغضب ویهوج ویکسر، لمجرد إنك شکكتي في كلامه..



ممكن يستخدمك ويستخدم أي حد وأي حاجة علشان يوصل لي هو عاوزه..

لو لقيتي نفسك في علاقة مع شخص بالشكل ده..

خدى ديلك في سنانك..

واجري..



للمزيد من الروايات والكتب الحصرية

هنو مثل مقتلح بيها لجبره إذه ببرض حنه ومنا يزعلهنوش متنه..

4.1

fb/groups/Sa7er.Elkotob/ انضموا لجروب ساحر الكتب sa7eralkutub.com

العلاقة مع شخص اعتمادي

ده بقى حد هايخلص عليك..

الشخص الاعتمادي- من اسمه كده- هايفضل طول الوقت معتمد عليك.. عاوزك تكون جنبه على طول.. وما تسيبهوش لوحده أبدًا..

هايفضل داءًا يطلب منك المشورة والنصيحة، وحتى أخد القرارات مكانه، علشان ما يحملش نفسه مستولية أي حاجة بيعملها..

هايسألك يلبس إيه، وياكل إيه، ويسهر فين النهاردة، وساعات يعيش فين ويشتغل إيه.. هايسألك بطرق كتير وأشكال مختلفة، من أول السؤال المريح، لغاية السؤال المتداري في هيئة طلب أو نصيحة أو مشورة..

سلبي جدًّا.. خوّاف لأقصى درجة.. ويخاف جدًّا يعترض أو يقول (لأ)..

يدور على اللي يشجعه ويلزق فيه، ممكن يوافق على حاجة هو مش مقتنع بيها لمجرد إنه يرضي حد وما يزعلهوش منه..

مشكلته الكبيرة هو إنه بيخاف يبقى لوحده ويعتمد على نفسه، لأنه حاسس دايًا إنه ضعيف، وقليل الحيلة..



علشان كده مستعد يدفع أي تمن في مقابل رضا اللي معاه واستمرار علاقته بيه..

الشخص اللي زي ده هايتعبك وهايستنزف طاقتك وفكرك ومجهودك ومشاعرك.. هايكون عامل في علاقته معاك زي الطفل الصغير.. دايًا طلبات واحتياجات، وكأنه مش بيشبع..

هایخلیك تفكر مكانه، وتحس بداله، ویا سلام لو تعیش بالنیابة عنه..

إوعى نفسك تنقح عليك وتعجبك الحكاية وتتصور بقى إنك إنت حلّال العُقد وقاهر المشاكل وعبقري عصرك وزمانك، وتروح واقع في دور المنقذ للشخص ده.. علشان دي علاقة مرهقة مهلكة هاتدي فيها وبس.. من غير ما تاخد.. أي حاجة..



علاقةالتقديس

في العلاقة دي فيه حد بيقدسك.. بيعبدك.. بيتعامل معاك على إنك شخص خارق.. فظيع.. مالكش حل..

الحكاية دي بتحصل كتير في علاقات الحب.. خاصة في أولها.. وفي علاقات تانية غيرها..

طبعًا إنت نفسك ممكن تعمل الحكاية دي مع حد تاني.. يعني تشوف واحد أو واحدة على إنها ما فيهاش غلطة.. ملاك نازل من السما.. وباقي الكلام اللي إنت عارفه ده..

مشكلة العلاقة دي هي إنها بتعميك عن الجوانب التانية من الشخص اللي إنت بتتعامل معاه.. وتخليك عايش في خيال ووهم.. تفوق منه على قلم محترم..

لو العلاقة دي اتعملت معاك. بيكون فيه مشكلة تانية، وهي إن اللي بيقدسك ده هايحاول يعتمد عليك، ويخليك مصدر دائم للأمان والحنية والعطاء والمعرفة.. يبقى زي الطفل اللي بيدور على الرضعة كل شوية..

فيه مشكلة أكبر.. وهي إن اللي بيقدسك النهاردة.. غالبًا هاييجي بكره ويقلب على الوش التاني، يعني لو ما لبيتش كل طلباته، وكنت عند كل توقعاته، أو ما كنتش متاح ليه طول الوقت، هايبدأ يشوفك بالشكل العكسي تمامًا..

4 . 2

فتبقى أسوأ واحد في الدنيا، وما تعرفش حاجة، ومش بتفهم ولا تقدر.. والوضع ينعكس ١٨٠ درجة..

هي لعبة شكلها حلو على المدى القصير.. لكن على المدى الطويال.. مشاكلها كتير..

ما تفرحش بالتقديس..

وما تقدسش حد.. و المسلم الم

اللي يستاهل التقديس هو ربنا بس..

وإحنا بشر.. مش آلهة..



Real co. .

علاقة العمى

العلاقة دي من العلاقات المؤذية جدًّا بين الناس..

في النوع ده من العلاقات فيه طرف مش شايف الطرف التاني أصلا.. يعني بيكون جوّاه مشاعر قديمة متخزنة ناحية حد تاني (حبيب قديم، مدرس من زمان، صديق، ناحية حتى أبوه أو أمه) ويتعامل مع شريكه في العلاقة بنفس المشاعر دي.. مش بس نفس المشاعر.. لا ده كمان نفس ردود الفعل.. ونفس طريقة التفكير والاستقبال القديمة، كأنه شايف وسامع وحاسس الحد التاني ده بالظبط.. بس وهو مش واخد باله.. واللي معاه في العلاقة مش واخد باله برضه..

يعني واحد يشوف واحدة في الشارع ولا يعرفها ولا عمره شافها قبل كده ويحس ناحيتها بحب رهيييب من غير أي سبب وبدون أي مقدمات.. وهو مش عارف إن الحب ده قديم جدًّا، وجواه من زمان ناحية حد تاني خالص (مدرسته في ابتدائي، واحدة قريبته، أو أمه مثلًا)، وهو لبّس البنت المسكينة صورة الحدده..

أو حد يحس بغضب شديد جدًّا ناحية حد معملش أي حاجة تستاهل الغضب. وهو برضه مش عارف إن ده غضب مخزون جوًّاه ناحية حد تاني خالص (واحد صاحبه، حد جيرانه، أو أبوه مثلًا)، وهو برضه لبسه صورة صاحبه أو جاره أو أبوه..

انضموا لجروب ساحر الكتب الحصرية fb/groups/Sa7er.Elkotob/ انضموا لجروب ساحر الكتب sa7eralkutub.com

كتير أوي من علاقاتنا بيحصل فيها كده.. الحب من أول نظرة.. الكره من أول كلمة.. الغضب اللي ما لهوش سبب.. وكتير من الخناقات والمشاكل الزوجية، وساعات كمان مشاعر جنسية..

طيب نعرف إزاي إذا كانت مشاعرنا ناحية حد مشاعر حقيقية ناحيته فعلًا، والله مشاعر قدية مكبوتة، بس عملنالها إعادة توجيه؟

أول ما تلاقي مشاعرك ناحية حد كتيرة جدًّا.. وسريعة جدًّا.. وما لهاش أي مبرر.. اعرف فورًا إنك (غالبًا) مش شايف الحد ده، ومش بتتعامل في الحقيقة معاه هو.. إنت بتتعامل مع حد تاني.. من خلاله..

ساعتها..

افتح عينيك.. وشوف من جديد..

وافتح ودانك.. واسمع من الأول..

وافتح إحساسك.. واستقبل صح... مسلك والمالة تالماسية والمسا

معدا صيواني مروسة في تشكيره ولا لصراقته . عني كناه . يعني

العلاقة مع حدّ موسوس عليه علمهم

دي بقى العلاقة اللي هاتحس فيها إنك تحت السيطرة..

هاتلاقي نفسك مع حد كل حاجة عنده بالورقة والقلم.. كل خطوة محسوبة، كل شيء مدروس.. ما فيش أي فرصة للخطأ.. ولو حصلت منك أو من غيرك أي غلطة.. ياويلك يا سواد ليلك.. لوم وعتاب وتعذيب ضمير بلا نهاية..

الشخص ده بيحب كل حاجة تبقى منظمة ومظبوطة وفي وقتها وفي مكانها.. مش بيحب المفاجآت ولا الحاجات غير المتوقعة.. ممكن يقضي أوقات طويلة جدًّا كل يوم علشان يرتب أو يظبط أو ينضف أي حاجة..

مثالي وضميره صاحبي.. بس صاحبي زيادة عن اللزوم.. يقف على الواحدة وما يفوتش أي حاجة.. بيلتزم بالقواعد.. ويستغرق في التفاصيل لغاية ما يتعب، ويتعب اللي حواليه..

صارم وساعات قاسي وغضبه صعب جدًّا.. مش بيعبر عن مشاعره وعواطفه كتير لأنه بيعتبرها ساعات نوع من الضعف..

معندهـوش أي مرونـة في تفكـيره ولا تصرفاتـه.. هـي كـده.. يعنـي مـي كـده..

حريص شوية، وبخيل شويتين ..



في الحقيقة التعامل مع حد بالشكل ده صعب، ويا سلام لو إنت من النوع التلقائي شوية.. لأنك هاتحس طول الوقت إنك مضطر تحسب حسابات كتير قبل ما تقول أي كلمة، أو تتصرف أي تصرف.. لأنه لو معجبهوش.. هاتقوم القيامة.. بجد..

وكمان هاتتعب جدًا معاه عاطفيًا، لأنه بالرغم من كونه عنده مشاعر جياشة وحساس أوي.. لكنه كتوم ومش بيحب يظهر اللي جواه بسهولة..

إلى جانب إنه مش هايهتم بيك أو بيكي.. لأنه دايًا فيه حاجة أهم هو لااااااااازم يعملها..

مناسبة لازم.. هـ و بيستخدم كلمـة (لازم) وكلمـة (المفروض) كتير أوي..

لو لقيت نفسك في علاقة مع حد بالشكل ده.. لو لقيتي نفسك في علاقة مع حد بالشكل ده، خليكوا عارفين.. إنكوا هاتخسروا تلقائيتكم، وهاتدفنوا إبداعكم.. وطول الوقت. هاتشكوا في نفسكم..

طنقيا الأصيب والأضعيب إن الطرفين يعقلوا كيدة ميج بعيض.

العلاقة مع اللاشيء

دي بقى علاقة مع الهوا.. مع الفراغ..

اللي غالبًا بيكون الفراغ الإليكتروني..

أنا شفت كتير ناس بتعمل علاقات حب أو صداقة على الإنترنت مع ناس ما شافوهمش لغاية النهاردة.. كتير منها بتبقى ظريفة ولطيفة.. بس العلاقات اللي زي دي بيكون فيها مشكلة كبيرة في بعض الأوقات..

المشكلة دي هي إنك بتحط.. بتضيف.. بتسقط على الطرف التاني في العلاقة صفات وتخيلات وتوقعات مش بتاعته.. لا.. دي بتاعتك إنت.. يعني بتكمل أجزاء الصورة والشخصية اللي ناقصة، مواصفات من خيالك، بحاجات ممكن تكون بعيدة ومش حقيقية، وممكن تكون الحقيقة عكسها تمامًا.. ويا سلام لو الطرف التاني عجبته الحكاية وقرر يكون (قدامك) زي ما إنت عاوزه أو عاوزها..

بصراحة.. إنت هنا ممكن تكون عامل علاقة مع نفسك..

طبعًا الأصعب والأصعب إن الطرفين يعملوا كده مع بعض.. يعني هو يشوف فيها الصورة اللي هو رأسمالها في دماغه.. وهي تتعامل معاه بالصورة اللي هي رأسمالها في دماغها.. وفي الحقيقة كل واحد فيهم مش عامل علاقة.. غير مع نفسه.. واللاشيء..



العلاقة دي فيها كتير من العمى..

والعلاقات اللي زي دي عمرها قصير..

ولو طولت من غير ما الطرفين يستكشفوا بعض كويس... ممكن تكون مؤذية جدًا..



للمزيد من الروايات والكتب الحصرية

لنالي، وإلف منا تعرفيش هي راحث في ولا راحت ليه..

انضموا لجروب ساحر الكتب /fb/groups/Sa7er.Elkotob sa7eralkutub.com

117

او زيارة موقعنا

العلاقة اللي تحيَّر

العلاقة دي من أصعب العلاقات اللي في الدنيا.. وهي العلاقة مع حد عنده شخصية (بينية) أو (حدية).. Borderline يعني..

في العلاقة دي إنت غالبًا مع واحدة أو واحد كل يوم بحال.. النهاردة إنت بالنسبة لها أحسن واحد في الدنيا، وأجدع راجل في التاريخ.. ومخلصها من كل شرور العالم.. وفاهمها وبتحبها وحاسس بيها.. أما بكرة، فأنت أسوأ بني آدم هي عرفته، وأندل شخص على وجه الكرة الأرضية.. ولا بتفهم ولا بتحس ولا بتعرف تحب، ولا تستاهل تعيش من أصله..

استنى بس ما تقولش كل البنات كده..

هي كمان مندفعة جدًّا.. اللي بيطلع في دماغها بتعمله.. مهما كان، وبدون حساب لأي عواقب.. ممكن تصرف كل اللي معاها في ثانية واحدة، حتى لو مش هاتعرف ترجع بيتها.. ممكن تدخل في علاقة عاطفية وساعات جنسية فجأة وبدون مقدمات.. ممكن تسافر أي مكان في أي وقت لمجرد إن الفكرة طلعت في دماغها.. ممكن تبقى معاك وفجأة تسيبك وتهشي وما ترجعش دماغها.. ممكن تبقى معاك وفجأة تسيبك وتهشي وما ترجعش تاني، وإنت ما تعرفش هي راحت فين ولا راحت ليه..

الأدهى والأمر.. إنها لو طقت في دماغها تؤذي نفسها أو تؤذي أي حد بأي شكل، هايحصل في ثانية، من غير ما تفكر أصلاً..

على فكرة، هي من جوه غلبانة جدًّا، وحاسة إنها فاضية تمامًا، رغم مشاعرها اللي بتظهر كتير وبشكل مبالغ فيه..

الشخصة دى غالبًا بتكون اتعرضت في صغرها لصدمة نفسية شديدة، فككت أجزاءها.. وخليتها على حافة أكتر من مرض من الأمراض النفسية.. قلق، تقلبات مزاج، لخبطة في إحساسها بنفسها، اضطرابات جنسية، وحتى اضطرابات في الأكل والنوم والجسم، وغيرها.. المنا المناه المناه المناهب المناهب

أصعب حاجة في الشخصية دى هي إنها بتحطك في اختبارات صعبة طول الوقت، علشان تعرف وتتأكد قد إيه إنت بتحبها وقد إيه هاتستحملها.. وأول ما حضرتك تتعب وتزهيق وتبقى خلاص هاتسيبها، ترجع وتقرب وتحن ليك، وكأنها طفلة صغرة.. وبعدها بشوية، تحطك في اختبارات تاني.. وغالبًا بتكون أصعب..

واست علمنيا إنهيا شونين. أه نجيد الرسيايل اليلي زي دي ليو

لو لقيت نفسك في علاقة مع واحدة أو واحد بالشكل ده..

يبقى تاخدها أو تاخده على الدكتور النفسي فوراااااااااا..

العلاقة اللى تجنن

في العلاقة دي، إنت بيوصلك من الطرف التاني رسايل عكس بعض، في نفس الوقت.

يعني كلامه يقولك بحبك.. وتصرفاته تقولك بكرهك.. كلامه يقول عين، تصرفاته تقول شمال.. اللي يجنن في ده، إنه بيحصل في نفس ذات الوقت..

يعني الراجل يقول لابنه ما يهمكش يا حبيبي، ذاكر اللي تقدر عليه واعمل اللي عليك والكلية اللي يجيبها ربنا تبقى كويسة، وفي نفس الوقت، يوصله من تحت لتحت بالتصرفات وساعات بالكلام: إوعى تدخل غير كلية الطب!!!!

الست تقول لبنتها ياللا بقى اكبري وشدي حيلك علسان تتجوزي.. وفي نفس الوقت فيه رسالة تانية بتوصلهالها بميت شكل وطريقة: إوعي تكبري وتسيبيني، إوعي تتجوزي وتتخلي عني..

بيسموا الرسايل اللي عكس بعض بالشكل ده Double message، وثبت علميًّا إنها بتجنن. آه بجد.. الرسايل اللي زي دي لو وصلت لأطفال صغيرين لفترة معينة من الوقت، بتساعد في إصابتهم بالفصام.. اللي هو الجنون يعني..



بالمناسبة إحنا رسايلنا مش بنوصلها لبعض بمجرد الكلام.. بالعكس.. الكلام بيوصل ٧ في المية بس من أي رسالة.. الباقي بيوصل بتعبيرات الوش، وتعبيرات الجسم، ونبرة الصوت، وحاجات تانية كتير أوي.. فماتستغربش لما تعرف إنك ممكن توصل رسالتين عكس بعض في نفس الوقت..

يعني تقول أنا متطمن.. وإنت عمّال تهز في رجلك وتاكل ضوافرك..

أو تقول أنا متضايق شوية، وإنت بتضحك..

أو أنا كويس أهو.. ودموعك على خدك..

شـوف بقـى إحنـا في علاقاتنـا اليوميـة فيـه قـد إيـه أمثلـة بالشـكل ده..

حاول توصل رسالة واحدة.. حاول توصل نفس الرسالة.. بكلامك وجسمك ووشك وأفكارك ومشاعرك..

مهما كانت الرسالة دي صعبة أو قاسية، فهي أرحم بكتير من رسالتين عكس بعض في نفس الوقت..

وتوجيا في العلاقة مع سيكوباث المحجو الحجو

العلاقة دى ممكن تحطمك..

الشخص ده بيكون جذاب جدًّا، وكذاب جدًّا في نفس الوقت..

رغم إنه يبدو ودود وحبوب، لكنه في الحقيقة مش بيحس بيحيد وميش بيتعاطيف مع حيد وميش بيحيب حيد، ولا حتي بيحب نفسه.. ده عبارة عن كتلة متحركة من الأذى لنفسه وللي حواليه، مغلفة بغلاف سوليفان فاخر..

بيتلاعب بالكلام والمواقف والتصرفات.. يقدر يقنعك بالحاجة وعكسها، يقدر يورطك توريطة ما تعرفش تطلع منها، ممكن بكل بساطة يوقع بينك وبين حد تاني وتالت وعاشر، ممكن يوقع مجموعة ناس في بعسض..

كذب مالهوش حدود، يتفنن في أساليب الخداع والكذب والمماطلة والملاوعة.. ممكن يؤذي أي حد بأي شكل من أشكال الأذي.. من أول الإهانة بالكلام لغاية القتل.. وبيعمل كل ده، من غير ذرة إحساس بالندم أو الألم أو الذنب.. ممكن يولع الدنيا، من غير ما يحس بالذنب..

لو حاولت تلومه أو تعاتبه، يقلب الترابيزة ويطلعك إنت الغلطان، لغاية ما يقنعك إنك تعتذرك.. وتبوس راسه كمان..



بيزهق بسرعة، يبدل وينوع في العلاقات كل شوية، وفي علاقاته بيكون ليه دايًا اليد العليا والسيطرة والتحكم في الآخرين.. ويقدر يعمل ده منتهى الهدوء وإظهار الطيبة والبراءة اللي في الدنيا..

أناني جدًّا، وبيتعامل مع الأشخاص على إنهم أشياء.. يستخدمهم شوية وقت ما يحب، وبعدين يرميهم في أقرب سلة مهملات.

عنيف، وعنف ليه أشكال كتير، بعضها مخفي ورا قناع الطيبة الزائفة، وبعضها ظاهر واضح قاسي ما يعرفش الرحمة..

ورغم إنه بارع في الخداع والكدب والملاوعة، لكنه داعًا بيقع ويتكشف، ويبقى عامل زي اللي عمال يحفر حفرة كبيرة جدًا، وفي الآخر يقع فيها..

الخطورة هنا، إنه مش بيقع لوحده.. لأ.. ده ساعات بيوقع ناس معاه.. خلي بالك أحسن تكون منهم..

لو لقيت نفسك في غلاقة مع شخص سيكوباث..

مش هاقولك خد ديلك في سنانك وإجرى..

لا.. سيب ديلك.. واجري بكل سرعتك..



رة يلنا فعايناه العلاقة. اللي ما تتسماش و مه يلمعو يساوه

رغم إنه عنوان غريب، لكنه هايوضح مع الكلام..

فيه كتير علاقات بأشوفها مش بيكون ليها اسم معين، ولا ملامح محددة.. وده بيكون من أكبر مشاكلها..

يعني علاقة بين واحد وواحدة..

- أقولها: بتحبيه؟
- والما عليه هو بيحبك؟ المراسلات المعاملات المعا
 - لسه مش متأكدة..

ووقت يضيع ومشاعر تنهك.. وإحنا حتى مش عارفين بنعمل إيه..

واحدة تانيه بتحبه وبيحبها، طيب..

- هاه.. ناويين على إيه؟
 - ـ لا لسه مش عارفين!
- ـ يعني إيه مش عارفين؟ ناوي يتقدم ويخطبك إمتى؟
 - ـ لا هو لسه قدامه ٤ سنين لغاية ما يشوف هايعمل إيه؟
 - عيب في الأربع سنين دول هاتعملوا إيه؟
 - ـ أدينا بنحب بعض!

MIN



في الحقيقة.. دي مش علاقة.. ده نزيف مشاعر.. ماساج عاطفي.. أو في أحسن الأحوال.. تعلق بالفراغ.. علشان بعد أربع سنين، غالبًا هو هايكون بني آدم تاني وهي هاتكون بني آدمة تانية..

حد ثالث..

- أنا في علاقة وتخطينا حدود كتير أوي مع بعض..
 - طيب ما اتجوزتوش ليه؟
- ـ لا.. إحنا الاتنين عندنا فير أوف كومتمنت Fear of لا.. إحنا الاتنين عندنا فير أوف كومتمنت Fear of لا.. إحنا التنين عندنا في أو هيو متجوز وعنده عيال!!
- أيوه يعني اللي إنتوا فيه ده اسمه إيه؟ إيه الخطوة الجاية؟
 - ـ يعني!! مش عارفين لسه!!

العلاقات دي مالهاش عنوان.. ما تعرفش تسميها إيه.. لا هي حبب، علشان الحب الحقيقي علاقة فيها مسئولية وووعي والتزام.. ولا هي خطوبة، ولا هي جواز.. ولا هي أي حاجة.. حاجة ما تتسماش كده..

مهم أوي في أي علاقة إنها تكون واضحة، وليها معالم وليها مسمى.. ومهم أكتر إن أصحابها يكونوا عارفين أولها من آخرها.. يعني عارفين هانعمل إيه.. إمتى.. مش سايبينها كده زي ما تيجي..

علشان العلاقات اللي بالشكل ده بتاخد من طاقتنا ومشاعرنا ومجهودنا ونفسنا كتير جدًّا، لدرجة فعلا مخيفة..

كل حد فينا يسأل نفسه دلوقت..

العلاقة اللي أنا فيها دي.. اسمها إيه؟



للمزيد من الروايات والكتب الحصرية

علاقة الضحية والجانى والمنقذ

بعض الناس لما بتدخل في علاقة مع حد.. بيختاروا يلعبوا دور من ٣ أدوار.. دور الضحية، أو دور الجاني، أو دور المنقذ..

تلاقي حد في علاقاته دايًا بيضحًي بنفسه، يعمل كل حاجة علشان يسعد اللي معاه ويرضيه من غير أي مقابل. يقدم الطرف التاني على نفسه طول الوقت. يدي باستمرار وما يستناش ياخد أبدًا. يدوب كل ليلة وكل يوم علشان غيره يتهنى ويرتاح.. وهو ممكن يكون بيتحرق وبينزف من جواه..

ده اسمه دور الضحية..

حد تاني لها بيدخل في علاقة، تلاقيه يطلب طلبات ويدًي أوامر كتير، ويبقى داعًا متوقع من الطرف التاني إنه يكون مطيع ويسمع الكلام وما يقولس (لأ).. بيبقى شايف إنه من حقه يعمل أي حاجة في أي وقت، بغض النظر عن تأثير ده على غيره.. يستنى داعًا من الآخرين العطاء والبذل والسماح بدون حدود.. وهو مش بيرضى أبدًا.. غضبه صعب وقاسي.. محتاج اعتذار ورا اعتذار .. ومش بيسامح.. وإثبات ورا إثبات.. ومش بيصدق..

وده.. اسمه دور الجاني..

وفيه حد بقى بيكون لطيف وطيب وحنين، يساعدك بكل سخاء.. يقدملك حلول جاهزة.. يجاوبلك على الأسئلة.. يرميلك أطواق النجاة.. وياخد بإيديك لبر الأمان..



شخص محبوب.. مرغوب.. منتظر.. بيلعب دور المخلص، اللي بيسمع للكل، ويفهم الكل، يطبطب على ده.. ويسح دموع ده، ويحن على ده.. شخص هادي وعاقل ورزين.. ناصح.. وقريب.. وحكيم..

وده بقى يا سيدي اسمه دور المُنقذ..

طبعًا علشان تلعب دور الضحيَّة.. بتدوَّر على حد تنطبق عليه مواصفات دور الجاني.. وعلشان تلعب دور المُنقذ.. بتدوَّر على اللي ينفع يلعب دور الضحية.. وعلشان تلعب دور الجاني.. بتختار اللي يسمحلك تخليه ضحية..

يعني لوحد مُستبيح كرامتك، وبيدوس عليك، ويستغلّك مرة واتنين وتلاتة.. هو (غالبًا) شاف فيك استعدادك إنك تلعب دور الضحية، ولعب معاك دور الجاني، وإنت سمحتله بده..

واللي بتموت في حبيبها وبتوصّله طول الوقت إنه فارس أحلامها اللي هايخلصها من كل شرور العالم وظلم الناس، وإن كل أحلامها وأمانيها في الدنيا إنها تعيش معاه بين أربع حيطان وبس.. هي في الحقيقة بتعيش معاه دور الضحية، وبتطلع منه دور المنقذ، وصاحبنا طبعًا يحب الدور، ويلعبه زي الفل، ويوصّل لنفسه وليها إنه طيب، وجدع، وشهم.. وبعد شوية هايدي لنفسه الحق في إنه يمتلكها..

إوعى تفتكر إن فيه دور فيهم أحسن من التاني.. بالعكس.. كل دور جوّاه كمية هائلة من المصايب والبلاوي والأذى والضرر.. ليك وللآخرين..



اللي بيلعب دور الضحية بيلعبه علشان يثبت لنفسه ويحس قدامها أنه دايًا مظلوم ومغلوب وعديم الحيلة.. فيهرب من المستولية والإحساس بالذنب، ويرميهم على غيره.. واللي بيلعب دور المُنقذ هو في الحقيقة بيُنصب شباكه حواليك علشان عللكك بعد شوية ويخليك تعتمد عليه.. واللي بيلعب دور الجاني ده حد بينتقم من نفسه ومن الحياة ومن ناس تانيين في شخصك.. ومن خلالك..

تعمل إيه بقي؟

أولاً.. وقَـف فـورًا مُمارسـة الأدوار دى.. وعيـد ترتيـب حياتـك، وعلاقاتك.. وصحَّح مسارها.. وكفاية أذى لغاية كده..

وثانيًا.. ما تسمحش لأى حد إنه هارس معاك أى دور من الأدوار دى في علاقتك بيه، وما تسمحش كمان لحد إنه يطلّع منك دور منهم تارسه معاه..

ما تبقاش ضحية.. ولا جاني.. ولا منقذ..



العلاقة اللي تكون فيها دايمًا متهم

عمر الحب لوحده ما يكون كافي لنجاح أي علاقة.. إحنا هنا بقى، بنتكلم عن علاقة ناقص فيها حاجة مهمة جدًّا.. وهي الثقة..

العلاقة دي مع شخص شكاك.. بارانويد..

الشخص ده هايطلع عينيك بجد..

أولًا هـو بيشـك- مـن غير أي دليـل حقيقـي- في تصرفاتِك، يعنـي اتكلمتِي مع مين في التليفون؟ طيب صوتِك كان واطي ليـه؟ ليـه دخلتي الأوضـة وطلعتي تـاني؟ ليـه بتبصيـلي كـده؟

ثانيًا هـو مـش بـس بيشـك في تصرفاتـك أو تصرفاتَـك، هـو كـهان بيشـك في نوايـاك ونوايـا غيرك.. يعنـي لمًّا عملت كـذا كنت تقصـد إيـه؟ ده هـو لمـا قـال كـذا كان يقصـد كـذا مـن تحـت لتحـت.. وهـو ولا يقصـد أي تحـت ولا فـوق حتـي!

بيوجه أصبع الاتهام للآخرين دايًا، رغم إن باقي الأصابع موجهة ناحيته هو..

بيفسر أي حاجة بالمعنى البعيد.. على إنها إساءة أو عدم تقدير..

داعًا متصور إن الناس بتتآمر عليه، بتدبر له حاجة، ناوية نية سيئة، علشان كده طول الوقت بياخد كل الاحتياطات، علشان لما تتنفذ المؤامرة المزعومة، يكون جاهز ومستعد..

للمزيد من الروايات والكتب الحصرية fb/groups/Sa7er.Elkotob/ انضموا لجروب ساحر الكتب sa7eralkutub.com

حريص في كلامه وتصرفاته جدًّا.. علشان ما حدًّش ياخد عليه غلطة، ويستخدمها ضده بعد كده..

غضبه صعب، وما بیسامحش.. بالعکس، بیخزن کل کلمة، وکل تصرف، وکل رد فعل، ویفتکرهم ویحاسبك علیهم.. ولو بعد سنین..

وطبعًا هایشك إنك خاین أو خاینة، وهایكون عنده میت دلیل وألف برهان..

الشخصية دي متعبة جـدًا.. ورغم إنه من جـوّه غلبان ومـش واثـق حتى في نفسـه، لكنـه بيطلّع ده عـلى كل الـلي حواليـه..

الشخص ده محتاج علاج.. حدة هيا اليالة بينسلوه المهولال يستلف

وما ينفعش تكون في علاقة معاه.. من غير ما يتغير..



العلاقة مع مُدمن والعلاقة مع مُدمن والمعتمية والما

دي بقى العلاقة اللي عاملة زي خيوط العنكبوت السّام.. تقع فيها وتلف حواليك وما تخرج ش منها إلا منتهى الصعوبة.. أنا مس هاتكلم عن الإدمان ولا عن المدمنين لأن ده مش موضوعنا.. لكني هاتكلم عن صعوبة العلاقة مع مدمن.. إنك تكون في علاقة مع حد مستعد يعمل أي حاجة علسان يحصل على مادة إدمانه.. ممكن يبيع أي حاجة وأي حد.. ممكن يؤذي نفسه أو أي حد من اللي حواليه.. ممكن يكدب.. ينور.. يسرق، علسان خمس دقايق نشوة بعد جرعته..

اللي بيكون في علاقة مع مدمن بيتأذى أشد أنواع الأذى.. نفسيًا وبدنيًا وعاطفيًا وكل حاجة..

أكبر مشكلة شوفتها في العلاقات اللي بعض الناس- خاصة البنات-بيعملوها مع مدمنين هي إنها بتكون مش عاوزة تسيبه.. رغم كل اللي بيعمله..

- ـ یا ستی ده بیؤذیکی
- ـ هاستحمل علشان خاطره
- ويبيع دهبك علشان يدمن ويبيع دهبك علشان يدمن
 - طيب قوللي أعمل إيه.. بحبه!
 - ـ ده بيخونك كل يوم..
 - .. بس لو رجعلی هاسامحه..



ده بالنسبة لي بيكون غريب ومستفز أكتر من الإدمان نفسه. لأنها بتحاول تلعب دور المنقذ مع حد مش ناوي ينقذ نفسه أصلاً. وده بيستهلك مشاعرها ووقتها وفلوسها وطاقتها، وساعات حياتها كلها.. بتدخل في دوامة مش بتعرف تخرج منها فعلا.

المدمن ما لهوش حل غير إنه يتعالج.. وما ينفعش أكمل معاه وهو مدمن أبدًا.. أنا مش ربنا ولا أنا نبي ولا أنا منقذ..

يتعالج الأول.. واتأكد إنه اتعالج كويس، واطمن إنه ما رجعش ومش هايرجع للإدمان تاني.. وبعدين نبقى نشوف..

غير كده.. يبقى بتحرقي نفسك.. وبتبهدليها.. وبتدفعي-وهاتفضلي تدفعي- تهن غالي أوي..



لم لمها مصاد المها العلاقة الجزئية المساد مشايم ولم

في العلاقة دي حد بيعمل علاقة مع حتة منك.. مش معاك كلك على بعضك..

يعنى إيه؟

يعنى حد شايف فيك الحاجات الحلوة بس.. شايفك ملاك نازل من السما، مش بتغلط.. تعرف كل حاجة وتفهم كل حاجة وتحس بكل حاجة.. يقولك إنت رهيب.. إنت فظيع.. يقولك إنتى ما لكيش حل.

أو حد تاني شايف منك حاجات وحشة بس.. إنت وحش.. مش كويس.. أناني.. طهًاع.. مش بتفهم.. مش بتحس.. مهمل.. وكأنك شيطان مليان أخطاء.. فأواحد والانتقاد المتعاد والتاريخية والتاريخية

الأخطر من كده إنك إنت شخصيًّا تعمل علاقة مع نفسك بالشكل ده، يعنى تشوف في نفسك الحاجات الحلوة وبس.. وتحس إنك أحسن واحد في الدنيا.. أو تشوف في نفسك الحاجات الوحشة وبس، وتحس إنك أسوأ واحد في الدنيا..

إحنا ساعات بنعمل كده حتى في علاقتنا بالدين..

يعني ما نشوفش من الدين إلا القشور والمظاهر.. ونسيب الحقيقة والعمق والجوهر والأصل..



ساعات كمان بنعمل علاقة مع حد من خلال موقف واحد بس.. ونخلى الموقف ده هو كل حاجة.. يعنى أحكم على حد من موقف واحد إنه فاشل، إنه كافر.. إنها عاهرة.. إنها ما تعرفش ربنا.. وننسى إن فيه مواقف كتير تانية، وإننا في رحلة طويلة عريضة ما ينفعش نختزلها في مشهد واحد أو في تصرف منفرد.

العلاقة اللي بالشكل ده بتكون علاقة ناقصة ومختزلة ومش حقيقية ولا مفيدة..

إحنا محتاجين نتعلم إن فيه نوعين من العلاقات.. علاقة جزئية-اللى وصفناها دلوقت. وعلاقة تانية اسمها علاقة كلية.. يعنى أشوف الآخر كله على بعضه.. بكل حاجة فيه.. زي ما هو، من غير ما اختزله أو أشوهه.. سواء بالإيجاب أو بالسلب.. علشان إحنا كلنا فينا ده، وفينا ده..

شوف بقى إنت بتعمل علاقة مع قد إيه من اللي حواليك؟ مع قد إيه من صاحبك؟ مع أي حتة من نفسك؟ مع كام في المية من مراتك؟

بـ س للصـورة الكاملـة.. بالطـول وبالعـرض.. مـش لـ (حتـة) صغـيرة منها، وتسيب الباقي.. إلى المعالم المراجعة مناه المعاد تعامله ال



علاقة الحبل السري

العلاقة دي علاقة خادعة، شكلها حلو جدًّا من برَّه، ومنتشرة جدًّاااا..لكنها في حقيقتها.. كارثة متحركة..

الطرفين هنا بيقرروا يعزلوا نفسهم عن العالم.. ويعيشوا في حويصلة نفسية صغيرة جدًّا على مقاسهم هما الاتنين وبس.. والأدهى والأمرّ، إنهم كمان بيشيلوا الحدود النفسية ما بينهم، ويلغوا أي خصوصية أو اختلاف لأي حد فيهم، ويحسوا إنهم قال إيه واحد..

يجي الواحد من دول، يحب واحدة، ويتجوزها.. يبدأ يبعدها عن أصحابها، وهي تبدأ تبعده عن أهله.. هو يبقى بالنسبة ليها المصدر الوحيد للحب والأمان والعطف والفلوس، وهي بالنسبة له المصدر الوحيد للراحة والحنان والاهتمام.. وتتقفل عليهم دايرة الحياة..

يجي الشاب الظريف والشابة اللطيفة يدخلوا في علاقة حب، يقولها أنا ما ليش في الدنيا غيرك، وهي تقوله إنت مالي الدنيا عليا.. يقولها إنتي كل حياتي، ترد عليه: إنت كل وجودي.. ويعيشوا في حويصلة رومانسية خرافية خزعبلية، منفصلة تمامًا عن الواقع والحياة والعالم، والكون كله..

علاقة شكلها مثالي، ويبدو فيها كتير من التفاهم والتلاقي والتطابق، اتنين قريبين لدرجة الالتحام، حاسين ببعض لدرجة الاختراق، بس منفصيلن عن العالم لدرجة الاغتراب عن كل شيء غيرهم..

النتيجة الحتمية في العلاقة اللي زي دي هي إن الطرفين هايدوبوا في بعض، وهاتختفي ملامح كل حد فيهم، ويبقوا نسخ ممسوخة من بعض.. نسخ قاتمة مشوهة، بعد شوية هاتمرض، وتموت..

آه.. النهاية الغالبة على النوع ده من العلاقات هي- وبكل صراحة- الموت.. الموت النفسي أو في بعض الأحيان الموت الجسدي.. ما تستغربش، تصور اتنين قفلوا عليهم دايرة الحياة، وربطوا بينهم وبين بعض حبل سري سميك وطويل ومتحرك معاهم مكان ما بيروحوا.. لوحد منهم قرّر يبقى نفسه، ويفتح عينه على العالم، يعرف ناس، يتحرك هنا وهناك، ويبقى ليه حياة ووجود وكيان.. تفتكر الطرف التاني هايعمل إيه؟

هايعمل- غالبًا- حاجة من اتنين.. يا إما يموت نفسيًّا (اكتئاب، وقلق، وساعات جنون) أو جسديًّا (أمراض صعبة وما لهاش أول من آخر) أو يموت الطرف التاني نفسيًّا أو جسديًّا برضه..

وخد عندك طلاق، وفشل دراسي، وخيانات زوجية، وأمراض نفسية وعقلية وجسمانية وبهدلة وحكايات أغرب من الخيال..

وطبعًا لو فضلوا زي ما هما، وما حدّش منهم قرر يبقى نفسه أو يفتح عينه أو يعيش حياته، فهاتفضل العلاقة زي ما كانت، بالشكل اللي وصفناه..



وفي الحالتين.. دايرة الحياة اللي قفلوها على نفسهم.. بتتحول لدايرة موت.. والحبل السري اللي ربطوا نفسهم بيه، بيتلف حوالين رقبتهم.. ويخنقهم هما الاتنين..

ما تعزلوش نفسكم عن الأهل والأصحاب والحبايب..

ما تستغنوش ببعض عن العالم.. من المعلى المعلى المعلى المعلى المعلى المعلى

ما ينفعش يكون أي حد هو المصدر الوحيد لكل حاجة..

ما ينفعش بنتك تكون هي مصدر الأمان ليكي..

ما ينفعش صاحبك يكون هو كل حياتك..

ما ينفعش جوزك يبقى هو ربنا في الأرض..

إنت مش ملك حد.. ولا حد ملكك..

حتى أولادكم مش ملككم..

دول- على رأي جبران- أولاد الحياة.. من المستقدم المرود المستقد

افتحوا الدايرة..

يرحمكم الله..

alon sufflier except III famous a state I am

العلاقة مع شخص تمثيلي (Histrionic)

ده بقى شخص تمثيلي مسرحي متمكن..

هاتلاقي نفسك مع حد كل هدفه في الدنيا إنه يكون تحت الأضواء ومحط الانتباه ونقطة التركيز.. ومستعد يعمل أي حاجة في سبيل ده..

يعني يتكلم بطريقة خطابية مسرحية، أو تتكلم بطريقة لطيفة جدًّا، وجذابة جدًّا، ومغوية جدًّا جدًّا..

يهتم أو تهتم مخظهرها الخارجي بشكل مبالغ فيه.. ألوان لبس مبهرة، موضات جديدة، إكسسورات بتلمع وتشد النظر والسمع وكل حاجبة..

الشخصية دي في علاقاتها غريبة جدًّا.. أولًا بتحمل علاقاتها أكتر مها تحتمل، يعني تكون متصورة إنك معاها في علاقة قوية جدًّا، والحقيقة إنها بالنسبة لك شخص عادي خالص..

تعبر عن مشاعرها بصورة ضخمة وكبيرة وغير مبررة أو مناسبة، واو.. ياااااه.. معقول!!! وتتصدم وتتفاجأ من أقل حاجة أو مش من حاجة أصلا..

سهل تصدق أي حاجة وتمشي وراها وتقنع نفسها بيها، من غير عقل ولا تفكير ولا حسابات..



رغم المظهر الخارجي الفخم المبهر.. إلا إنها من جوه فاضية وأغلب من الغلب.. وعندها احتياج نفسي أساسي وبسيط من زمان.. هو إنها تتشاف ويتسقف لها، ويتقالها برافو.. إنتي موجودة.. ووجودك مرحب بيه..

وعلشان الاحتياج ده ما تمش إشباعه وهي صغيرة، فهي بتحاول دلوقت تحصل عليه بأي شكل، وبكل صورة.. زي العطشان اللي بيدور على نقطة ميه.. بس هي بتشرب من البحر.. وعمرها ما بتشبع..

مهما حاولت توصلها إنك مهتم بيها، هاتفضل تدور على اهتمام أكبر، وأضواء أكبر، وعلاقات أمتع. ملك وأضواء أكبر،

هي في الحقيقة بتكون محتاجة إنك توصلها إنك بتحبها ومهتم بيها مش علشان مظهرها وشكلها، وإنها تستاهل تتشاف وتتقبل من غير ما تدفع أي تمن.. وإن وجودها مبهج ومرحب بيه زي ما هو بدون تجميل..

ساعتها ممكن تتغير.. و المراه مساهمة والمساهمة المسال المسالمال

وتتحوّل لبني آدمة تاني.. - المناه الم



للمزيد من الروايات والكتب الحصرية

وسنا وسلام الملاسم علاقة التقمص

في العلاقية دي إنت مش إنت.. إنت لابس حيد.. وبتعمل علاقية مع الناس بحد تاني غير نفسك..

يعني حد إنت بتحبه وعاوز تبقى زيه، أبوك، صاحبك، أستاذك، أي حد .. قوم تتقمصه .. تتكلم زيه ، تتصرف زيه ، تلبس زيه .. کده یعنی..

حد إنت بتحبه ومش عارف توصله.. ممثل، مغنى، برضه تتقمصه وتبقى نسخة منى..

دى حاجة غير التقليد.. التقليد إنت بتعمله وإنت واعى بيه.. عارف إنك معجب بفلان وبتقلده .. إنها التقمص ده بيحصل بدون وعي، عقلك الباطن هو اللي بيعمله وإنت مش واخد

ساعات بقي- وده الأصعب- بتتقمص حد إنت مش بتحبه.. بالعكس.. إنت بتكرهه، وبتكرهه جدًّا كمان.. وبيسموا ده (تقميص المعتدى).. يعنى حد اتظلم مثلاً.. ييجى بعد شوية عارس نفس الظلم بالظبط مع حد أضعف منه.. مع إن المتوقع إنه يتعلم وما يكررش اللي حصل معاه.. طالب جامعة جه في لجنة امتحان الشفوى والدكتور بهدله وطلع عينه.. تلف الأيام ويكون في نفس مكان الدكتور، وبدل ما يعمل العكس ويكون طيب وكويس وعادل.. لأ.. ده يتقمص الدكتور اللي امتحنه زمان،



ويبقى نسخة منه، ويعمل نفس اللي اتعمل معاه بالظبط.. يعني يكون في العلاقة دي مش نفسه.. يكون حد تاني..

فيه طبعًا أمثلة أخرى.. تلاقي كتير من الآباء والأمهات بيعملوا مع أولادهم وبناتهم نفس اللي اتعمل معاهم بالظبط.. إنت ممكن تكتشف ده في نفسك لو عندك أولاد.. في موقف معين تكتشف وتقول: ياه ده بالظبط اللي كان أبويا بيعمله معايا.. أو تكتشفي إن ده نفس الكلام أو نفس التصرف اللي كانت بتعمله والدتك معايي.. نسخة مكررة من نفس السيناريو.. وكأني باتقمص أدوار الآخرين، وأعملها في علاقاتي..

التقمص ده ساعات بيكون مطلوب كشكل من أشكال التعلم أو النمو النفسي.. باتقمص حد، أتعلم منه حاجة، وبعدين خلاص.. زي الجاكيت كده اللي ممكن ألبسه في وقت معين وأقلعه بعدها بشوية وألبس غيره وهكذا.. لغاية ما تتكون شخصيتي، ويبقى ليًا ملامح بتاعتي أنا.. إنها لو تحول الجاكيت ده لجاكيت جبس مش بيتقلع.. يبقى عمى، وعدم وعي، وثبات في المكان.. وساعات أذى للنفس أو الغير..

لمًّا تعمل علاقة مع حد.. دايًّا اسأل نفسك.. هـ في العلاقة دي.. أو في الموقف ده.. أنا مين؟

أنا مين؟



(1A)

العلاقة مع مجموعة

دي بقى من أخطر العلاقات بجد..

مبدئيًّا كده أي مجموعة من البشر هايجتمعوا مع بعض، لو ما كانش فيه هدف معين ليهم، أو حاجة معينة هما ناويين يعملوها بوعى -إن شالله يخرجوا يتفسحوا فالمجموعة دي ممكن تؤذي أصحابها..

مجموعة يعنى شلة أصحاب.. زملاء عمل.. قسم في شركة أو مستشفى.. اتحاد ملاك في عمارة.. فريق رياضى.. أو أي جمع من البشر..

فيه على كامل اسمه سيكولوجية المجموعة إيه اللي (Psychology)، العلم ده بيدرس بكل تفصيل ودقة إيه اللي بيحصل على بيحصل بين الناس لو اتجمعوا مع بعض.. إيه اللي بيحصل على المستوى النفسي والعقاي والعاطفي.. لأن وجود مجموعة من الناس في مجموعة، زي ما هو ممكن يطلع أحسن ما فيهم، ممكن كمان يطلع أسوأ ما فيهم..

فيه ست مخاطر ممكن يحصلوا في أي مجموعة أو شلة أو جمع من الناس..

ممكن المجموعة- بشكل واعي أو غير واعي- تتعامل مع حد من أعضائها على إنه أحسن واحد فيهم، بيفهم أحسن منهم كلهم، عنده عقل أو علم أو إحساس أو أي حاجة أكتر منهم،



وبالتالي هايقدسوه ويؤلهوه ويخلوا وجود المجموعة وأفرادها معتمد على وجوده.. وسلامة المجموعة ونجاحها بإيده لوحده.. خطورة الحكاية دي هي إنها أولًا هاتخلي كل أفراد المجموعة يخلوا مسئوليتهم عن أي حاجة تحصل.. ما هو اللي يعرف.. هو اللي فاهم.. إحنا ماشيين وراه، وثانيًا المجموعة هاتحمل الراجل ده فوق طاقته، لغاية ما ينهك ويتعب وما يقدرش يستحمل، ساعتها المجموعة بكل بساطة هاتبدأ تهاجمه وتتكالب عليه وتخلص منه.. ويجيبوا غيره، يلعبوا معاه نفس اللعبة..

كمان ممكن أي مجموعة تتحوصل حوالين نفسها، وتنفصل عن العالم الخارجي، ويتصوروا إنهم تحت تهديد مستمر منه.. ويعيشوا في وهم الكرّ والفرّ.. يعني يبقوا في حالة كراهية واستنفار وحرب شرسة مع كل وأي حد غيرهم.. لأنهم متصورين إن الكل بيتآمر عليهم، وغيرهم بيكرههم.. وده طبعًا بيخليهم ما يعملوش أي حاجة حقيقية على أرض الواقع، وما يقومش كل واحد فيهم بمسئوليته تجاه نفسه وتجاه المجموعة، ولا يشوف إنه شخصيًا مسئول، زيه زي غيره.

وساعات اتنين أو أكتر من المجموعة يقرروا يعملوا مع بعض علاقة خارج المجموعة وبدون علمها، وبيكون جزء من العلاقة دي الخروج عن القواعد العامة للمجموعة مهما كانت بسيطة.. وممكن العلاقة دي في بعض الأوقات تتم تحت شمع وبصر وعباركة المجموعة نفسها، بس دي قصة كبيرة صعب شرحها دلوقت..

المادي

للمزيد من الروايات والكتب الحصرية

fb/groups/Sa7er.Elkotob/ انضموا لجروب ساحر الكتب sa7eralkutub.com ممكن كمان المجموعة ما تبقاش مجموعة.. يعني كل واحد فيهم يبقى أناني ومش شايف غير نفسه ومصلحته وبس.. ما نساعدش بعض، ما نشيلش هم بعض، ما نبقاش مسئولين عن بعض.. وده يهدد بقاء وحياة ومصلحة وحتى متعة أي مجموعة..

الأخطر والأخطر.. هي إن المجموعة تبقى مجموعة بزيادة.. معنى إن الفوارق بين أفرادها تدوب، وما تبقاش واضحة، يبقوا شبه بعض، وكأنهم شخص واحد.. يتكلموا بنفس الطريقة، يفكروا بنفس الشكل، وساعات حتى يلبسوا زي بعض، ويبقوا نسخ من بعض.. وده بيلغي أي فرص في التلقائية والإبداع والتفرد والاختلاف بين أعضاء المجموعة دي.

الحاجة السادسة والأخيرة، هي إن المجموعة زي ما اختارت في الأول حد تقدسه وتعتمد عليه، فهي ممكن تختار حد تخليه (كبش فداء) وتبقى عايزة تطرده منها.. وده فيه كلام لوحده..

اللي منع كل ده.. اللي منع الست حاجات دول وغيرهم (فيه حاجات تانية كتير).. هو أن كل حد في أي مجموعة من الناس يبقى عارف إنه هو شخصيًّا مسئول عن نجاح أو فشل المجموعة دي.. وإنه مطلوب منه يعمل اللي عليه بكل إخلاص وصدق ووعي، علشان ده فيه الفايدة والمصلحة والنجاة.. ليه.. ولكل مجموعته..

غير كده.. العواقب ممكن تكون وخيمة.. وخيمة جدًّا..





علاقة كبش الفداء..

فيه ظاهرة شهيرة جدًّا بتحصل في كتير من المجموعات.. اسمها (كبش الفداء)..

الناس في المجموعة بيختاروا- غالبًا بشكل غير واعي- حد منهم ويبدأوا يشوفوه على إنه أسوأ واحد فيهم.. حدّ يقول عليه أناني.. حد تالت يفتش في نيته واللي ورا أفعاله.. وفي الحقيقة كل واحد فيهم بيرمي/بيسقط عليه اللي هو مش قابله في نفسه شخصيًا..

واحد مش قابل ضعفه ومش عايز يشوفه في نفسه فيسقطه على (كبش الفدا) ويقولك ده الضعيف اللي فينا.. واحد مش عاوز يعترف قدام نفسه إنه كاره وحقود فيرمي ده على (كبش الفدا) ويقول ده الحقود بتاعنا.. واحد مليان نرجسية وشعور مريض بالعظمة ينكر ده في نفسه ويشوف (كبش فداء المجموعة) على إنه شخص منفوخ ومغرور وغير مبالي بالآخرين..

شوية شوية تتعامل المجموعة مع الشخص ده على إنه مصدر للمشاكل وسبب للمتاعب وساعتها يكون الحل الوحيد بالنسبة لهم هو تطفيشه والتخلص منه خارج المجموعة إلى الأبد، بأساليب كتير جدًا.. ودي حكاية معروفة ومشهورة وبتتكرر من أول التاريخ لغاية نهايته..

بس فيه حاجتين مهمين..





الحاجبة الأولى هي إن (كبش الفيداء)- اللي غالبًا بيكبون شخص طيب وساذج وحسن النية- ساعات بيصدق اللي أسقط عليه ويستقبل نفسه فعلا على إنه إنسان سيئ ومليان بكل العيوب اللي اتهموه بيها بدون وجه حق.. ويلبس اللي اترمي عليه.. وساعات يبقاه ويتحول ليه فعلا..

الحاجبة التانيبة وهي الأهم.. إنه في أوقبات كتبير (كبش الفيداء) نفسه بيكون ليه دور في إنه يكون (كبش فداء).. لأنه سكت على الأذي، وسمح بالضرر، وساب حدوده مفتوحة لكل من هب ودب، وخيلي أرضه مستباحة ليكل اليلي عاييز يرمي فيها نفايات نفسه وقاذورات حياته..

(كيش الفيداء) مش داما ضحية.. بالعكس.. ساعات بيكون أحيد المشتركين في الجريمة.. وساعات بيكون هو البادئ اللي بيستدعى من اللي حواليه الظلم ويغريهم بالأذي.. وبعدين يشتكي.. ويفضل يشتكي .. وي رسمها عويقه ع مالا ميا مسما والمقا ما مع

إذا كنت في يوم (كبش فدا).. فشوف مسئوليتك عن حدوث ده أو عن استمراره..

وإذا كنت من اللي بيستمتعوا بصنع (كبش فدا) من اللي حواليهم..

فمن فضلك.. بص في المراية.. وشيل شيلتك..



عشر كلة الحكاية دي إن صاح (ب) عد يكروها عبدال على يقال وصو عبد واحد بالله واد حدى الناس اللي في علاقة معداه واحديد

علاقة تحقيق النبوءة

هنا.. حد بيعمل معاك علاقة علشان يحقق نبوءة خاصة بيه، ويؤكد حاجة عايز يثبتها لنفسه..

يعني واحدة مصدقة إن كل الرجالة وحشين وكدابين وخاينين، تروح تتجوز واحد، وتتعامل معاه بشكل صعب وغريب، وتطلع منه أسوأ ما فيه، لغاية ما يزهق منها ويبدأ يبص لغيرها، وتتحقق في الآخر نبوءة (كلهم خونة زي بعض)..

واحد مقتنع إنه فاشل وإن ما فيش أمل، يقوم يشتغل شغلانة مش مناسبة ليه ولا لمؤهلاته ولا لقدراته.. ويعمل مشاكل في علاقاته بزمايله ورؤسائه.. بعد شوية يترفد من الشغل، ويقول بينه بين نفسه (أهه.. أنا كنت عارف كده من الأول.. أنا أصلًا فاشل)..

كتير مننا بيبقى عنده (نبوءة) داخلية، وبيسعى طول الوقت في حياته وعلاقاته إنه يثبتها ويؤكدها.. علشان ده اللي وصله في تجارب وعلاقات قبل كده.. وده اللي اتعلمه عن نفسه، وده اللي ما يعرفش غيره..

أشهر النبوءات دي: (أنا ما استاهلش، أنا فاشل، أنا دايًا ضحية، الناس كلها وحشة، دول خاينين، ما فيش أمان لحد، ما حدش بيفهمني، وهكذا)..

مشكلة الحكاية دي إن صاحبها بيقعد يكررها عمَّال على بطَّال، وهمو مش واخد باله، ولا حتى الناس اللي في علاقة معاه واخدين بالهم..

خلي بالك إنت بقى..

ما تخليش حد يحقق النبوءة بتاعته على إيديك..

ما تخليش حدّ يلبسك دور مش بتاعك في علاقته بيك..

شوف اللي معاك عاوز يطلع منك إيه.. و المنظم على المنظم المعال

أحسن ما فيك..

واللا أسوأ ما فيك..

الحكاية دي بنتعلمها بالخبرة وبالتجربة.. فمفيش مشكلة إنك تكون اتقرصت مرة واللا اتنين..

اتعلم.. وفتّح عينك كويس بعد كده..



سيسان والمرابع المرابع المرابع

هيناويه لينأم يروعيونها رشياب

في العلاقة دى.. طرف بيحاول يخلي نفسه المصدر الوحيد لكل حاجة بالنسبة للطرف التاني، اللي بيعتمد عليه اعتمادًا مطلقًا..

تصوروا مثلاً أم بتعزل أولادها عن العالم، وتوصَّلهم بكل طريقة إنها المصدر الوحيد لكل حاجة، يسمعوا كلامها هي وبس، يطمنوا ليها هي وبس، ما يآمنوش لأي حد في الدنيا غيرها.. هي بس اللي بتحميهم، وتهتم بيهم، وتحبهم.. والمكان الوحيد الآمن في الكون هو جنبها وبن ايديها.. الناس وحشة.. الأصحاب مش كويسين.. ماتخرج وش.. ماثسافروش.. خليكوا هنا معايا.. معايا أنا لوحدى.. جوه أعمق نقطة في حضني. وفي نفس الوقت، تزرع فيهم خوف وشك وساعات كتير كره لأي حد تاني يحاول يقرب منهم، إن شالله يكون أبوهم شخصيًا..

الأم دي بيكون عندها شعور رهيب بالوحدة، وعدم الأمان.. وبتحاول تستمد شعورها بالأمان والاطمئنان والراحة من خلال إحساسها إن أولادها محتاجينها طول الوقت.. فكده يبقى ليها لازمة، ووجودها يبقى مهم وليه معنى... منتهى الغلب.. بتكون من جوَّاها عندها رغبة دفينة وغير واعية إنها ترجَّع الأولاد دول جوه بطنها (رحمها) تاني.. ولو طالت تبلعهم علشان تعمل كده - من كتر جوعها واحتياجها للأمان - يبقى يا ريت.. الكلام ده مش هزار..



ممكن كمان زوجة تبلع جوزها.. أو زوج يبلع مراته.. محدش بيحبك غيرى.. محدش بيفهمك زيبي.. قوللى على كل حاجة وكل شئ.. كل تفاصيل حياتك لازم تبقى عندى.. إوعى تتنفس.. إوعى حتى ترمش بعينيك.. ماتسيبنيش لوحدى.. وأنا برضه مش هاسيبك لوحدك..

ممكن أصحاب يبلعوا بعض، وكل واحد فيهم يعمى نفسه عن الحياة ومايشوفش فيها غير صاحبه، اللى لو بعد عنه.. الدنيا تتهد.. وطبعا كتير من علاقات الحب.. مليانة بلع..

النوع ده من العلاقات بيؤدى لنتيجة واحدة حتمية مالهاش احتمالات أخرى.. وهي إنها من ناحية بتوقف النمو.. بتمنع الكبران.. بتخلى الطرف الآخر دايا ضعيف وصغير وخايف وقليل الحيلة.. دايا محتاج الحماية والموافقة والاعتمادية.. عمره ما يحس بنفسه ولا اختلافه ولا تفرده.. عمره ما يبقى نفسه.. لأنه دايا هايبقى نسخة ممسوخة مبلوعة مشوهة من كائن تانى غيره..

ومن الناحية التانية بيتخلق غول بشرى ضخم جعان مش بيشبع من بلع البنى آدمين، وجرهم إلى أفخاضه النفسية.. ومش بيكون ليه أى حل غير العلاج النفسي.

بالمناسبة.. ساعات ده بيكون المعنى النفسى (لأمنا الغولة).. و(للنداهة) اللي بتنده على ضحاياها في كل مكان.. علشان تلتهمهم.. وقل بيهم بطنها..

حافظوا على حدودكم النفسية من الاختراق والاقتحام والاختفاء.. قولوا (لأ) لأى حد يحاول عسح وجودكم في وجوده..

ماتسمحوش لحد يبلعكم.. وماتبلعوش حد..



العلاقة مع شخص انطوائي

العلاقة دي بتحس فيها إنك لوحدك.. علشان الطرف التاني في العلاقة بيحب طول الوقت إنه يكون لوحده..

ده شخص مش مهتم أصلا إنه يعمل علاقة مع حد.. هو لوحده، ومبسوط إنه لوحده.. بيعب حتى يتحرك لوحده، ويسافر لوحده..

مش بيستمتع أوي بكونه في علاقة مع حد، ومش بيحب وجوده في وسط ناس أو مجموعة أو شلة أصحاب. هو معندوش شلة أصحاب أصلا.

ما يفرقش معاه رأي حد فيه، ولا بالإيجاب ولا بالسلب، لأن أصلا وجود الناس معاه مش فارق.. مش بيعبر عن مشاعره أوي ومش بيظهر أي تعاطف أو تجاوب أو تأثر عاطفي مع أي حد..

سيبك بقى من كل الكلام ده.. ده الكلام المكتوب في الكتب..

في الحقيقة، مهم تعرف إنه من جوه جدًّا، الشخص ده حسَّاس لأقصى درجة، وبيحس ويتفاعل مع كل حاجة، بس ده مش بيظهر عليه..

هـ و كـمان عواطفـ ومشاعره عميقـة وقويـة، بـ س بيعـ رف يتحكـم فيهـا كويـس، ومـا يظهرهـاش..



هـو في أعمق أعماقه محتاج جدًّا لوجود الناس حواليه.. محتاج لوجود أي حد وكل حد..

واللي بعد (بس) هو المشكلة..

الشخص ده جوَّاه ألم نفسي رهيب من ناس قديمة، من حدّ في حياته قبل كده، الألم ده خلاه يقرر ما يقربش من أي حدّ أحسن يتجرح ويتألم تاني.. الألم ده جوَّاه غالبًا من سنين..

هو بياخد باله من كل حاجة، وبيحس بكل حاجة، وإحساسه عالى جدًّا، ومشاعره أعلى وأقبوى.. بسس ألمه أكبر ومالهوش

اعذره.. وقرَّب منه بالرَّاحة، ما تهجمش عليه وتخترقه، هاتلاقيه أول ما يطمنك، يفتحلك أبواب نفسه.. ويقولك اتفضل..

ساعتها طَمّنه أكتر، واديله المسافة والمساحة المناسبة، واقبله كله على بعضه من غير شروط ولا حسابات. & Mind I S. as a might flat a

هاتكسبه، وتكسب العلاقة معاه..



العلاقة مع نسخة قديمة من نفس الشخص

العلاقة دي بيكون فيها ظلم شديد للي إنت عامل معاه علاقة، أو للي عامل معاك علاقة..

إنت هنا بتتعامل مع نسخة قديمة للبني آدم اللي إنت معاه.. يعني يكون حصل بينكم موقف زمان، وإنت أخدت صورة معينة في ذهنك عن الشخص ده.. أو يكون الشخص ده فعلا كانت ليه صفات وتصرفات أو طريقة تفكير قبل كده، واتغيرت.. لكن إنت ما زلت مثبته عند الصورة القديمة، ومش راضي تغيرها..

مع إن الحركة هي الأصل. والتغيير هو الطبيعة. لكن إحنا ساعات بنثبت نفسنا، ونثبت غينا عند موقف. أو تفاعل. أو كلمة.. أو نظرة.. أو غلطة.. أو لحظة فشل.. أو حتى لحظة نجاح.. ونحرم نفسنا ونحرم غينا من فرصة جديدة.. ورؤية مُختلفة..

علماء مدرسة الجيشتالت في العلاج النفسي بيقولوا إن الواحد لو باصص لشجرة.. عينيه بتاخد ليها أول لقطة وتخزنها في الذاكرة.. وتبطل تستقبل منها أي صورة تانية.. لغاية ما يهب شوية رياح يحركوا ورقها.. ويهزوا أغصانها.. فعينيك تفوق.. وتبدأ تستقبل الصورة والصوت من جديد..



إحنا بنحب الراحة.. مُدربين على الاستسهال.. مش عاوزين نبذل مجهود نشوف بيه أي حاجة جديدة مُمكن تلخبط تصوراتنا القديمة.. أو تهد بُنيان بنيناه على مدار سنين أو حتى أيام.. لأن ده معناه إني أنا كمان أتغير طالما اللي قدامي بيتغير.. وأتحرك زي اللي قدّامي ما بيتحرك.. ويبقى عندي استعداد أراجع نفسي في كل تصوراتي وأفكاري ومُعتقداتي، وأكتشف إني غلط.. وأصحح نفسي.. وده صعب وعاوز مجهود ومسئولية..

فيبقى الأسهل إنى في علاقاتي أضلي كل واحد زي ما هو، يتغير ويتشال ويتحط.. وأنا مش شايف تغييره، ومش باتعامل إلا مع نسخته القديمة اللي في دماغى..

زي ما بيتعمل أب - ديت لبرامج الكمبيوتر..

إحنا محتاجين نعمل أب - ديت يومي لنفسنا وللآخرين.. عند تعاسي

في علاقاتنا مع بعض..



علاقتك بدورك في المجتمع

إحنا بنتولد وجوانا برنامج إلهي اسمه الفطرة، بيحدد حقيقتنا وهويتنا..

الآباء والأمهات بعد شوية بيحطوا فينا برنامج تاني اسمه التربية، بيحدد كتير من شخصيتنا وسلوكنا..

شوية كمان وييجي المجتمع اللي إحنا عايشين فيه يزرع جوانا برناميج تالت أخطر.. اسمه (الدور المجتمعي).. وده بتتوارثه الأجيال المتعاقبة لغاية ما ينسوا أصله وأهدافه ومعناها وتوقيتها ومدى مناسبتها لكل زمان ومكان..

من أهم الأدوار المجتمعية اللي اتزرعت فينا (ولا زالت طبعًا) دور الرجل ودور المرأة- خاصة في مجتمعاتنا الشرقية..

في العادة.. أنا باتكلم عن اللي بتتعرضه الأنثى في مجتمعاتنا الشرقية من قهر وظلم وتشويه واختزال.. وعن الرسايل النفسية السيئة والمؤذية اللي بتوصلها عن نفسها وعن جسمها وعن أنوثتها من البيت والمدرسة والشارع.. وكل حتة.. واللي بتفضل تدفع تمنها بعد كده طول عمرها.. إلا من رحم ربي.

بس دلوقت.. مهم أتكلم عن الجانب الآخر.. وعن طرف المعادلة التاني.. عن الرجل.. اللي يبدو للوهلة الأولى، وبالنظرة السطحية غير المتعمقة إنه هو الجاني، وهو الظالم.



أيها الرجل.. لقد ظلمتك أمك.. وظلمك أبوك.. وظلمك هذا المجتمع الفصامي..

ظلمتك أمك (مع حفظ كل الألقاب والاحترام وكل حاجة) لما وصلت ليك بقصد أو بدون قصد إنك أفضل من إخواتك البنات، وإنك من حقك تعلي صوتك على أختك، وتؤمرها، وتتحكم فيها، وتراقبها، وفي بعض الأوقات تهد إيدك عليها.

ظلمتك لمَّا فضلت هي وغيرها تحمل وتولد وتحمل وتولد لغاية ما تخلف ولد.. راجل.. ينادوها باسمه، وتتشرف بوجوده وسط أهلها وقرايبها..

ظلمتك لمَّا فضلتك على أختك في المعاملة، والتعليم، وحرية الحركة، ومنحتك حقوق كتير جلًّا منعتها عنها..

ظلمتك لمَّا خلت أختك تنضف وراك، وترتب أوضتك، وتغسلك هدومك.

ظلمتك لمًّا وصلت ليك إن وجودك في البيت هو المصدر الوحيد للأمان والحماية والقوة والستر بعد أو بدل وجود أبوك..

الليّ ظلمك هو كمان.. ليسطا يسه الماسوم رياداً مده إلياء طليسطا

ظلمك. لمَّا علمك إن الرجولة هي الصوت العالي والخشونة والقسوة..

ظلمك.. لمَّا كان بيمسك إيدك ويخرج معاك ويوديك كل حتة هـو بيروحها، وما بيعملش كده مع إخواتك البنات..



ظلمك لمَّا فهِّمك إن الراجل مش بيضعف ومش بيبكي ومش بيحن ومش بيرق ومش بيعبّر عن مشاعره..

ظلمك لمَّا وصلك إن الأنوثة ضعف، ومياعة، ودلع..

ظلمك لمَّا قالك إن شرفك مكانه خارجك.. وإنه يقبع في جسد.. هو أصلا غير جسدك..

وزي ما أبوك وأمك ظلموك.. فالمجتمع كان ظلمه ليك أشد وأعظم..

لمَّا خرجت الشارع لقيت ضل راجل ولا ضل حيطة، والراجل ما يعيبهوش غير جيبه، والكلام الجد يعني- فقط- كلام الرجالة..

لمًا لقيت نفسك بتعمل اللي إنت عاوزه، تعرف دي وقمشي مع دي، وأصحابك يصقفولك، وأهلك يفرحوا بيك، وتبقى واد جدع مقطّع السمكة وديلها.

لمُّا اتعلمت إن الزوجة الشاطرة الجدعة هي ست البيت المطيعة اللي بتغسل وتسحل نفسها كل ليلة وكل يوم علشان خاطر سيادة سعادة جنابك..

لمَّا لقيت الراجل بيمشي قدَّام مراته وأمه وإخواته البنات..

لمَّا وصلك إن السبب في التحرش هو البنت ولبسها وكلامها ومشيتها..

لمًّا وصلك إن كل وظيفة المرأة عبر التاريخ هي إنها كائن جنسي مخلوق لإشباعك ومتعتك، علشان حضرتك تؤدي دورك المقدس في الحياة..



لمًا وصلك إن الأنوثة إغواء وإغراء وانحلال، وإن الأنثى شيطان رجيم بيسعى دائمًا لإفسادك وإفساد مجتمعك المتدين بطبعه..

لمَّا وصلك إن المرأة هي أصل كل الشرور..

وحاجات تانية كتير أوي.. أصعبها على الإطلاق هو إن كل ده أو معظمه على الأقل وصلك زورا وبهتانا باسم الدين، اللى تم تسطيحه واختزاله وسوء فهمه إلى أقصى درجة.

أنا بقول إنك مظلوم.. لكن مش بقول إنك ضحية.. لأنك مسئول عن تصديقك لكل الرسائل دي، وعدم مقاومتها، بل ومهارستها بكل إصرار ورعونة..

إنت صدّقت كل ده لغاية ما بقى حتة منك، ومن تفكيك، ومشاعرك، وسلوكك، وبقى أي صوت مختلف معناه هدم منظومة هائلة من تكوينك الداخلي، وإعادة مراجعة رهيبة لكتير من مسلمات حياتك، ومسئولية إنسانية كبيرة جدًّا ناحية نفسك وناحية غيرك.

عزيزي الرجل..

ارفع الغمامة من على عينيك..

وشوف المصيبة اللي (إنت).. أقصد اللي (إحنا) فيها..



العلاقة مع شخص مستغل Abuser

طبعًا دي المادة الخام للعلاقات الخطرة والمؤذية، لأن ممكن أي حد من اللي بيعملوا العلاقات الخطرة اللي اتكلمنا عليها قبل كده، يتحوَّل في علاقته إلى حد مستغل.. Abuser يعني..

النرجسي بيكون مستغل، السيكوباث طبعًا مستغل، المدمن.. آه.. من غير كلام، وغيرهم وغيرهم..

أي حد من دول، بيقدر بكل أشكال التلاعب ساعات، والضغط ساعات، والحيلة ساعات، إنه يستغلك ويستهلك مشاعرك ووقتك وفلوسك وطاقتك، وحياتك كلها، لغاية ما تلاقي نفسك في الآخر.. مش لاقي نفسك أصلاً..

أكبر وأغرب مشكلة شوفتها في العلاقات دي، مش بتكون في المستغل، لا.. بتكون في الشخص التافي.. الشخص المستغل.. اللي بيخضع للاستغلال يعني.. وهي إنه بيكون اختار العلاقة دي، والبني آدم المؤذي ده من بين كل الديبا، علشان يلزق فيه، ويرتبط بيه، ويقول يا ده.. يا بلاش.. ويرفض كل وجهات النظر والنصايح ومحاولات اللي حواليه لإنهاء العلاقة دي.. وبيفض ل مُصر إنه يكمل فيها.. بيكونوا عاملين زي المفتاح والقفل.. بمجرد ما بيلاقوا بعض، بيعرفوا بعض، ومش بيستغنوا عن بعض تافي..



الشخص ده (المستغل).. بيكون جواه إحساس عميق إنه ما يستاهلش، إن قيمته قليلة جدًّا، إن وجوده مالهوش لازمة.. إنه آخره كده.. وأحسن ما يمكن الحصول عليه هو ده.. علشان كده بينتقم من نفسه بأنه يعمل علاقة مع حد مؤذي يؤكدله بالظبط المعنى ده.. إنت قليل.. إنت ما تستاهلش غير الأذى.. ده آخرك.. وعلشان كده برضه بيكمل في العلاقة دي، وبيرفض يقطعها، لأنه ما صدق لقى اللي يؤذيه بالنيابة عن نفسه..

حكاية صعبة ومعقدة، وبتتعب كل المعالجين والمحللين النفسيين... اللى يحميك من العلاقة اللى زى دى ٣ حاجات..

الحاجـة الأولى هـي إن حـدودك تبقـى واضحـة، وأي علاقـة يكـون فيهـا أي أذى مـن أي نـوع تنهيهـا فـورًا..

الحاجة التانية هي إنك تعرف تقول (لأ) عند اللزوم لأي حد مهما كان.. علشان (لأ) دي هي اللي هاتحمي بيها حدودك من أي اختراق..

الحاجـة التالتـة والأهـم.. هـي إنـك تصـدق طـول الوقـت إنـك تسـتاهل، وتعامـل نفسـك بكـده.. وتؤكـده لنفسـك كل شـوية.. تسـتاهل تتحـب، وتسـتاهل تغيـش، وتسـتاهل تعيـش، وتسـتاهل تُحـترم.. وطـول مـا إنـت مصـدق ده، كل اختياراتـك هاتكـون في نفس اتجاهـه.. وطـول مـا أنـت مـش مصدقـه، اختياراتـك هاتكـون داهـًا في اتجـاه الأذي والـضرر والانكسـار..

إحنا بنختار اللي إحنا مصدّقين إننا نستاهله.. وهذه المقالم الما

بنختار.. اللي إحنا مصدّقين.. إننا نستاهله..

YOE



علاقة التقمص الإسقاطي العالمات والماا

اسمها صعب.. مش كده؟

معلهش.. هانفهمه دلوقت..

كام مرّة حسيت إنك مستغرب مشاعرك؟

كام مرَّة سألت نفسك السؤال ده: هو أنا حاسس كده ليه مع إن ما فيش حاجة حصلت تستدعي الإحساس ده؟

كام مرَّة ظبطت نفسك وإنت متألم من غير سبب للألم.. غضبان من غير سبب للألم.. غضبان من غير سبب للغضب.. كاره بدون مُبرر للكُره.. أو حتى بتحب بدون مبرر للحب..؟

كتير جدًّا من مشاعرنا هي في الحقيقة مش مشاعرنا.. هي مشاعر اتزرعت فينا.. خد تاني رماها من جواه عليك.. يعني أصلها مش بتاعتك.. بتاعة حد غيرك..

ساعات بيكون فيه حد جواه مشاعر زهق أو ضيق، وهو مش قابلها أو مش مستحملها، أو أصلاً بينكرها.. تقعد سيادتك قدامه دقيقتين.. يقولك بص إنت زهقان.. شوف إنت متضايق.. أديك مش مستحمل.. عمّال تبص في الساعة.. مكشر.. مالك كده مكتئب؟ إنت حزين ليه؟ أو حتى من غير ما يتكلم أصلًا.. تلاقي نفسك زهقت.. وقرفت.. واكتبت.. ومش طايق نفسك..



ساعات حد یکون ملیان من جواه خیانة وکدب وخداع.. ویبدأ یرمي ده علیك ویحسسك إنك دایًا مشكوك فیك ودایًا موضع اتهام.. لغایة ما حضرتك تبدأ تعمل ده فعلًا..

ممكن حدّ يكون مليان غضب، بس مش بيعبر عنه، أو حب ومش بيعبر عنه، أو حتى كره وبرضه مش بيعبر عنه.. وبنفس طريقة الضغط والإقناع دي يوصلك إنت إنك تعبر عن اللي جواه هو.. ولا إنت واخد بالك.. ولا هو كمان واخد بالك..

الموضوع ده اسمه (التقمص الإسقاطي).. يعني حضرتك (بتتقمص) اللي غيرك (بيسقطه) عليك.. وده بيحصل كتير في بعض العلاقات.. على مستوى الأفراد وعلى مستوى المجموعات أو العائلات..

يعني واحد يررع مشاعره اللي مش عارف يقبلها في نفسه أو يحتويها، جوّه واحد تاني.. أو مجموعة (أو عيلة) تررع مشاعر معينة جوّه واحد أو جوّه مجموعة تانية.. عيلة تررع جوّه واحد إنه فاشل.. إنه ما يستاهلش.. وهو يصدّق ده، وممكن يعيش حياته كلها بيه..

وقعت في الفخ ده قبل كده؟ حسيتي قبل كده بأحاسيس غريبة عليكي ومش بتاعتك؟

طيب نعمل إيه؟! في من وسيد والاسار ويوبد نسوا المستعدد



خلي في علاقاتك فلتر.. أيوه فلتر.. واستخدمه كل يوم، وبعد شويه هاتتعلم تستخدمه كل ساعة.. وكل دقيقة.. وكل ثانية..

أول ما تلاقي فيه مشاعر جواك غريبة عليك وعلى فطرتك وطبيعتك.. على طول استرجع إيه اللي حصل قبلها.. قابلت مين؟ التصلت عين؟ شوفت إيه في التليفزيون.. أو السينها.. أو الشارع.. أو الشغل؟ اتعاملت مع مين.. فين.. ليه.. إزاي؟ وابدء استخدم الفلتر.. ونقي نفسك من شوائب الآخرين اللي اتخلصوا منها عندك.. وارمي لكل حد حاجته اللي رماها جواك.. وابدء دورة جديدة من تنقية نفسك.. كل يوم..

دورة جديدة.. من تنقية نفسك.. كل يوم ..



YOY

للمزيد من الروايات والكتب الحصرية

انضموا لجروب ساحر الكتب /fb/groups/Sa7er.Elkotob sa7eralkutub.com

علاقة الزواج هل الزواج علاقة؟

طبعًا علاقة الزواج من أهم العلاقات اللي ممكن نتكلم عنها.. بس الأول تعالوا نسأل نفسنا.. هو الزواج أصلا علاقة؟ هو الزواج في حد ذاته معناه نجاح العلاقة بين اتنين؟ هو الزواج ضمان لاستمرارية الحب؟

الحقيقة إن الزواج في حد ذاته مش علاقة أصلا.. الزواج مجرد إطار لعمل علاقة..

يعني إيه؟

يعني الزواج هو بس فرصة لعمل علاقة.. وسط ملائم لعمل علاقة بين اتنين..

وكل اللي قبل الزواج (من حب أو استلطاف أو معرفة صالونات أو غيره) يستوي ويتشابه في أنه طريق عهد لوضع الطرفين في المكان والظروف المناسبة لصنع وإنجاح (أو إفشال) العلاقة دي..

وهمًا وشطارتهم بقى..

يا إمّا يعملوا مع بعض علاقة حقيقية.. بمعنى إن كل واحد فيهم يكون نفسه، بكله وبكامله، بدون رتوش ولا مخاوف ولا حسابات.. ويكون قابل الطرف التاني قبول كامل بدون شروط ولا تعجيزات ولا تهديدات..

YOA

للمزيد من الروايات والكتب الحصرية انضموا لجروب ساحر الكتب /fb/groups/Sa7er.Elkotob او زيارة موقعنا sa7eralkutub.com علاقة فيها كل واحد حرّ، وفي نفس الوقت منتمي للزواج وللأسرة وللبيت..

علاقة فيها كل واحد عايش وسامح للتاني إنه يعيش..

علاقة فيها كل واحد راضي وسامح للتاني إنه يرضى..

علاقة كل واحد فيها ليه دوايره وذاتيته واستقلاله، مع كتير من خطوط التلاقى والتوازي والاختلاف والتماس مع الطرف الآخر..

أو تكون العلاقة دي مش حقيقية..

فيختزلوا بعض.. وكل حد فيهم يعيش مع التاني بجزء منه، ويداري عنه باقي نفسه.. وأجزائه..

أو يخنقوا بعض.. وكل حد فيهم يلف حوالين رقبة التاني حبل غليظ من الهموم أو المشاكل أو الشكوك..

أو يعجزوا بعض.. وما حدّش فيهم يقنع ولا يرضى ولا يبطل مطالب وشروط..

أو يتشعبطوا في بعض.. وكل حد فيهم يعلق حياته ووجوده وسعادته ورضاه على التاني.. مش على ربنا ولا على العلاقة نفسها..

الزواج هو اختبار لكونك حقيقي أو مزيف..



الزواج هو إنك تختار ما بين إنك تكرر سيناريوهاتك القديمة، أو سيناريوهات أسرتك أو قرايبك أو معارفك أو أصحابك.. أو إنك تكتب سيناريو جديد تمامًا ليك ولشريك حياتك بكامل وعيك وإرادتك ومسئوليتك..

الزواج (ونجاحه أو فشله) قرار.. بيتجدد كل يوم وكل دقيقة وكل لحظة.. زي النَفَس.. وزي نبضات القلب..

الزواج.. مش هو نهاية القصة زي الأفلام العربي..

الزواج بداية..

بداية حياة..أو بداية موت.. ... حيوة ليب الته المتعاد الماسكة

الزواج إما أرض خصبة لزرع الحب... محسف يحقل هده واللحو

أو أرض وعرة لزرع الكراهية..

الزواج.. إما روضة من رياض الجنة..

أو حفرة من حفر النار..

فيه كلمتين عاوزكم تحفظوهم.. وترددوهم.. وتعتبروهم قسم وعهد قدّام نفسكم وقدّام ربنا لما تيجوا تتجوزوا.. ممكن حتى تقولوهم بعد الصيغة الرسمية للزواج مباشرة.. الكلام ده لكل المقبلين على الزواج.. ولكل المتجوزين اللي عاوزين يجددوا قرار جوازهم مع بعض..



قول ورايا (وإنتي قولي بصيغة المؤنث):

"أشهد الله وأشهدكم...

إني قابلك كلك على بعضك.. قبول موقف، ما يتغيرش بتغير أحوالك.. قبول لحسابك مش لحسابي، قبول بدون شروط..

وإني مش هاخنقك ولا أطبقك ولا أعجزك ولا أختزلك، ولا أسمحلك تعملي معايا ده..

وإني مش هامارس معاكي في يوم من الأيام ولا هاسمحلك تمارسي معايا دور الضحية ولا دور الجاني ولا دور المنقذ.. ولا غيرهم..

وإني أحترمك وأقدرك وأهتم بيكي.. وأحبك وأسامحك وأعذرك وأديلك فرص وسماح وبرااااح..

وإني ما اتشعبطش فيكي ولا أسمحلك تتشعبطي فيا..وإننا نكبر وننضج ونتحمل المسئولية من خلال علاقتنا ببعض..

وإني أقبل معاكي وأساعدك تقبلي معايا ضعفي وضعفك، وألمي وألمك، وموتى وموتك..

وإني أحيا معاكي بنفسي الحقيقية، وأساعدك تحيي معايا بنفسك الحقيقية، في وجود الناس وفي وجود ربنا.. من غير ما نلغي أو نجنب أو نشوه علاقتنا بأي حد فيهم..

وإني أفضل مصدّق إني أستاهل، وأساعدك تفضلي مصدّقة إنك تستاهلي..

وإن حياتي معاكي تكون بداية جديدة في طريق النور.. وخطوة جديدة في سكة الحقيقة..

الطرانين، وممكن تكون أحمد أسباب التعاسة والبغاء.. يُمن آ



العلاقة الجنسية

مبدئيًا مهم إننا نعرف إن الجنس حاجة، والعلاقة الجنسية حاجة تاني خالص..

الجنس هو فعل جسدي، ميكانيكي في معظمه، مش لازم يكون مرتبط بأي مشاعر أو التزامات نفسية أو معنوية بين الطرفين.. يعني في ثقافات مختلفة عننا، ممكن واحد عارس الجنس مع واحد مش واحدة ما يعرفهاش، ممكن واحدة تمارس الجنس مع واحد مش هاتشوفه تاني، ممكن تتم ممارسة الجنس عقابل مادي.. وفي بعض الأحيان، ساعات بيحصل الجنس تحت الضغط أو الإكراه أو بالقوة أو الاغتصاب.. كل ده اسمه جنس.. وبس..

أما العلاقة الجنسية، فهي علاقة بكل تفاصيل ومعاني الكلمة.. يعني فيها مشاعر، وأفكار، والتزامات أخلاقية ونفسية وجسدية، وقبلها طبعًا - في مجتمعنا وثقافتنا- دينية، والجنس فيها جزء مش كل.. الجنس هنا أداة للقرب وللتواصل وللتعبير.. مش هدف أو غاية في حد ذاته..

ورغم إن الاتنين من بعيد شكلهم زي بعض.. لكن تفاصيلهم ومحتواهم غير بعض تمامًا..

العلاقة الجنسية من أدق وأخطر وأعمق العلاقات الإنسانية، لأنها ممكن تكون أحد وسائل وطرق السعادة الحياتية بين الطرفين، وممكن تكون أحد أسباب التعاسة والبغض والكراهية وساعات الانفصال بينهم..

للمزيد من الروايات والكتب الحصرية

أَنْضُموا لجروب ساحر الكتب /fb/groups/Sa7er.Elkotob sa7eralkutub.com



ممكن ترتفع بيهم وبأرواحهم لسابع سما، وممكن تنزل بيهم وبأجسادهم لسابع أرض.. ممكن تكون جزء من رحلة جسدية وروحية للجنة، وممكن كمان تكون خطوات منزلقة متسارعة للجحيم..

ما ينفعش أقول على علاقة جنسية إنها (علاقة) من غير ما طرفيها يكونوا بيحترموا احتياجات بعض، وكل طرف فيهم يكون مهتم بتلبية احتياجاته واحتياجات الطرف التاني على حد سواء.. مش حد منهم يستخدم التاني شوية دقايق، بشكل أناني ذاتوى، من غير أي مراعاة أو انتباه أو اهتمام حقيقي، وبعدين يلف وشه الناحية التانية، ويغوص جوه نفسه..

مهم كمان إن الطرفين يحترموا جسم بعض، ويتعاملوا معاه معاملة آدمية راقية، مش طرف فيهم يتعامل مع جسم التاني على إنه مكان متاح لتفريغ رغبة سريعة أو غريزة ملحة.. و.. خلاص..

كمان ضرورى إن الطرفين يكونوا حابين اللي بيعملوه وموافقين عليه ومستمتعين بيه.. وإنه محدش منهم يعتبر جسد التاني ملك ليه دون صاحبه/صاحبته الأصلية، يعمل بيه اللي هو عاوزه، وقت ماهو عاوز، وزى ماهو عاوز، بدون استعداد وموافقة الطرف الآخر..

وما ينفعش طبعًا تكون (علاقة) لو أي طرف فيها مش مستعد لتحمل مسئوليته الأخلاقية عنها، وانها تكون هي نفسها جزء من علاقة إنسانية وحياتية أكبر بين طرفيها (الزواج)..مش مجرد اتصال عابر مافيش قبله ولا بعده أي شكل وأي درجة من المسئولية.



للمزيد من الروايات والكتب الحصرية

في (العلاقة الجنسية) الحقيقية، الجنس مش بيكون ليه الأولوية، إنما العلاقة نفسها هي اللي بيكون ليها الأولوية.. الجنس هنا بيكون بس زي اللغة، بيوضًا معاني الحب والقرب والمودة والرحمة بأشكال وأدوات مختلفة.. لكنه أبدًا مش بيكون هو المضمون ولا المحتوى.. لأن ده لو حصل.. يبقى العلاقة الجنسية اتفرغت من حقيقتها، واختُزلت في فعل حركي مُمل.. وبكل أسف، ده الواقع في معظم الأحيان..

ف كتير من مجتمعاتنا، تم اختزال كل ما هو (علاقة جنسية) إلى (جنس).. ومافيش موضوع حياتي يومي حصل فيه تشويه وتضليل وسوء فهم وسوء تعامل زى ما حصل في في الموضوع ده.. ولغاية دلوقت، مافيش أي وسيلة طبيعية عادية مقبولة لتعليم وتنوير وتوعية العامة بخصوصه، غير بعض الاجتهادات الفردية من خلال مواقع انترنت أو محاضرات أو ورش عمل.. وطبعاً النتيجة واضحة جداً..

إحنا عندنا هوس شديد (بالجنس) على حساب (العلاقة الجنسية).. ونهم غريب (لجنسنة) أى شئ وأى فعل، وأى حد.. لدرجة إننا بننظر للمرأة مثلاً على إنها (كائن جنسى)، وبنتعتبر جسمها (آداة مثيرة جنسياً)، وبنتعامل معاها على إنها (موضوع جنسى).. وبقى أحد أهم أهداف الارتباط أو الزواج منها (هدف جنسى)..

وق الناحية التانية، كتير من الرجالة بيشوفوا إن رجولتهم مستمدة من آداءهم الجنسي، وأن ده لوحده هو مقياس أهميتهم ونجاحهم وساعات وجودهم كله..



ويكن ده يكون أحد أسباب الاستخدام الرهيب للمنشطات الجنسية في مجتمعاتنا، و اننا من أكتر الناس اللي بتبحث عن كلمة (جنس) على الانترنت. ده احنا حتى اقتصرنا مفهوم (الشرف) لمعنى جنسى، وتجاهلنا تماماً باقى معانيه وجوانبه.

اختزال (العلاقة الجنسية) إلى (جنس) جزء لا يتجزأ من اختزالنا لكتير من المعانى والمفاهيم لصورتها البدائية الأولى..

لكن يبقى فى الآخر إن (العلاقة الجنسية) أسمى وأشمل وأبقى بكتير من مجرد (الجنس)..وانها علاقة إنسانية ليها مواصفات ومراحل ودرجات وتفاصيل ومستويات.. مش مجرد لقاء جسدى بين اتنين، أو خيال مراهق بيتحقق على أرض الواقع، أو حبة زرقا توصل لبعض المتعة..

المفتاح في (العلاقة الجنسية)..

هو (العلاقة).. ومعناها.. وتفاصيلها..

مش الفعل.. وبدايته.. ونهايته..

الجنس وحده مش علاقة..

الجنس فقط لغة..

وآداة لتوصيل المعنى..

بين طرفين..

بينهم مودة.. ورحمة..

إيه فيك اللي بيعمل علاقة؟

كل واحد فينا بيتولد وجوَّاه احتياجات نفسية بسيطة جدًّا..

احتياج إنك تتقبل.. إنك تتحب.. إنك يُهتَم بيك.. إنك تُحترم.. إنك تتشاف.. إنك تتحس.. إنك تتقدّر.. إنك تقول لأ.. وغيرها..

وبتكون الوظيفة الأساسية للأم والأب أثناء التربية هي تلبية الاحتياجات دى بشكل مُناسب وبقدر كافي.. علشان يحصل النمو النفسي السليم وتكتمل الصحة النفسية السوية..

لكن في الحقيقة..مش ده اللي بيحصل داعًا..

الطفل عادةً بيكتشف أثناء التربية إنه علشان تتم تلبية احتياجاته الأساسية لازم يكون فيه مُقابل.. يعنى (اسمع الكلام علشان أحبك).. (اشرب اللبن علشان تبقى شاطر).. (ما تقولش لأ علشان ربنا يحبك).. كل حاجة بشروط.. كل حاجة مقابل..

يعمل إبه الطفل الغلبان بقى علشان يتحب ويتقبل ويتحس ويُهتم بيه؟!

يضطر يبقى زي ما هُما عاوزين..

لأنّه.. ببساطة شديدة.. محتاج..



يقرر الطفل في سن مُعين (النَّظريات والأبحاث بتقول حوالي خمس سنين) إنه يعمل عملية تجميل لنفسه.. آه عملية تجميل.. علشان يناسب الوضع المُحيط بيه.. يعني يعدَّل نفسه ويظبطها على مقاس اللي حواليه.. عاوزينه مقاس ٣٧ يبقى ٣٧، عاوزينه مقاس ٣٩ يبقى ٣٠. علشان يوصله منهم بعض الحب، وقليل من الاهتمام، ورُها شيء من الاحترام والتقدير لإنسانيته واحتياجاته.

يقرّر يدفن (نفسه الحقيقية) الفطرية الخالصة اللي خلقها ربنا، علشان يحميها ويحافظ عليها في مكان سري عميق.. ويعيش بـ(نفس مُزيفة) مُصطنعة، تعـرف تتعامـل مـع الـلي حواليـه..

اللي يقرر يدفن تلقائيته، واللي يقرر يدفن صوته العالي، واللي يقرر يدفن أنوثتها، واللي يقرر يدفن أنوثتها، واللي تقرر تدفن كلمة (لأ) اللي ما اتقبلتش واترفضت واتعاقبت عليها..

طبعًا ده بيحصل في أشكال وعلاقات تانية كتير، أشهرها علاقات الحب، اللي كل واحد من الطرفين بيقولك -قال إيه- هأتغير علشانه/علشانها..

ونكبر ونحب ونتجوز ونخلف، ونعمل علاقات مع الناس بنفس مزيفة هي أبعد ما تكون عن نفسنا الحقيقة.. علاقات ناقصة ومشوهة.. ونعيش وغوت.. وإحنا لسه ما بقيناش نفسنا أصلا.

YTY



تفتكر.. إنت في علاقاتك وحياتك وشغلك وبيتك... و المحال المحال

عايش بنفسك الحقيقية..

واللا نفسك المزيفة؟ مستعدد المستعدد الم

طيب تفتكر إيه اللي يخلي (النفس الحقيقية) اللي اتدفنت تطمن وتتونس وتقرّر تعود للحياة من جديد؟ إيه اللي يخليني أبقى إنسان حقيقي كامل عايش بنفسي الحقيقيّة كُلها بدون تشويه أو اختزال أو انتقاص..

إقرا معايا.. الفصل الجاي.. ويُنفر وليناه معطالة المناف والقال والنا

الفصل الأخير..

AFY



العلاقة الحقيقية

بعد رحلتنا الطويلة في العلاقات الخطرة.. آن الأوان إننا نتكلم عن العلاقة الصحية الحقيقية.. العلاقة اللي تغيّرنا وتكبّرنا وتخلينا أحسن.. العلاقة اللي وجودها مهم وأساسي لأي إنسان على وجه الأرض.. العلاقة اللي تساعدنا نبقى نفسنا الحقيقية مش نفسنا المزيفة.. هو مش اللي بيبوظ في الناس علاقة؟ يبقى اللي يصلحهم ويساعدهم ويعالجهم ويغيرهم برضه علاقة.

فيه دراسة اتعملت في جامعة هارفارد واتنشرت قريب.. الدراسة دي استمرت ٧٥ سنة، أجيال من الباحثين وأجيال من البشر.. كانوا بيشوفوا هو إيه اللي فرق في حياة الناس بعد السنين الطويلة اللي عاشوها هما وأولادهم وأحفادهم.. معظمهم كانوا متصورين في الأول إن اللي هايفرق في حياتهم هو الفلوس والشهرة وغيرها.. بس اكتشف الباحثون في آخر الدراسة إن أكتر حاجة فرقت في صحة الناس النفسية والجسدية، وطول أعمارهم ومدى معادتهم وقدرتهم على مقاومة الأمراض والأحزان والشيخوخة وغيرها.. هي وجود علاقات طيبة في حياتهم.. علاقات فيها قرب وحب وتراحم وتفاهم.. علاقات كان الطرف التاني فيها متاح وموجود في عز الأوقات الصعبة.. وعلى العكس.. الناس اللي ما كانش عندهم علاقات بالشكل ده في حياتهم.. أعمارهم كانت أقصر.. نسبة إصابتهم بالأمراض المختلفة كانت أكتر.. وجالهم قدرتهم على تحمل الألم النفسي والجسدي كانت أقل.. وجالهم قدرتهم على تحمل الألم النفسي والجسدي كانت أقل.. وجالهم



للمزيد من الروايات والكتب الحصرية fb/groups/Sa7er.Elkotob/ انضموا لجروب ساحر الكتب sa7eralkutub.com

إيه يا ترى مواصفات العلاقة اللي بالشكل ده؟ وإيه تفاصيلها؟ وإيه أهم ما فيها؟

باختصار شديد.. العلاقة الطيبة الصحية الحقيقية المغيرة بين البني آدمين، مهم يكون فيها سبع حاجات..

أولا.. إن الطرف التاني في العلاقة يحسسك إنه حاضر وموجود ومهتم، حتى لو كان مش معاك بجسمه دايًا.. مهم تكون متطمن إنك في وعيه وإنك بتخطر على باله من وقت للتاني، يفتكرك، يسأل عليك.. يدعيلك.. وهكذا..

الحاجة التانية.. هي إنه يجيد سماعك والإصغاء ليك وقت ما تحتاج ده.. ويبقى متابع ومهتم ومتفاعل، مش ودانه معاك، ودماغه في ألف حتة تانية، ده يوصلك قد إيه هو حاسس بيك وفاهمك ومهتم بوجودك ومقدرة.

الحاجة التالتة.. هي إنه يقبلك ويحترمك بدون شروط، مش معنى كده إنه يوافق على كل اللي بتعمله، القبول حاجة والموافقة حاجة تانية خالص.. لكنه قابل وجودك، وقابل عيوبك وأخطاءك ومواطن ضعفك وعجزك وفشلك، وعنده استعداد يساعدك علشان تتغير، من غير ما يضغط عليك، ولا يحسسك بالذنب، ولا يهددك بالبعد.. ولو ما اتغيرتش، هايقبل ويصبر وما يستعجلش عليك.

رابعًا.. مش هايحكم عليك أي حكم ديني أو أخلاقي أو قانوني تحت أي ظرف من الظروف.. هو هايشاورلك ببساطة وبالراحة على بعض الحاجات، لكنه مش هايتعامل معاك على إنه قاضي أو مصلح اجتماعي أو رجل دين.





خامسًا.. هايحط نفسه مكانك داعًا، فيحس بيك، ويفهمك، ويشوف احتياجاتك، ويرجع مكانه تاني علشان يعذرك، ويسامحك، ويساعدك.. وفي نفس الوقت يسمحلك تعمل كده معاه.. انتوا اتنين في علاقة رايحة جاية، مش واحد في علاقة مع مراية..

الحاجة السادسة.. إنكم تكونوا حقيقيين في العلاقة، يعني كل واحد واحد فيكم يكون نفسه، ما غثلش على بعض، مش كل واحد فينا لابس قناع قدام التاني، يقلعه مجرد بعده عنه.. اللي جوانا نقوله لبعض.. اللي نحسه نشاركه مع بعض.. اللي نشوفه في نفسنا نوريه لبعض.. من غير تزييف أو تلوين..

الحاجة السابعة والأخيرة.. هي إن العلاقة ما تكونش بين اتنين وبس.. علاقة مقفولة على اتنين وخلاص، والاتنين دول قرروا يعزلوا نفسهم عن العالم والناس والعيلة والأصحاب.. وقال إيه بقوا مكتفيين ببعض عن كل حاجة.. وأنا وإنت ولا حد تالتنا.. وإنتي الدنيا وإنت الكون.. وما ليش في الدنيا غيرك.. وأنا من غيرك أموت.. علشان النوع ده من العلاقات بيؤذي أصحابه وبيخليهم بعد شوية يخنقوا بعض ويعدوا على بعض الأنفاس ويوقفوا غو بعض، ومحدش فيهم يسمح للتاني بالحياة والحرية والحركة.. وده بيصيب أي علاقة في مقتل.

وطبعًا قبل وبعد كل دول.. مهم ربنا يكون طرف ثابت في أي علاقة، نحب بعض فيه، ونحس بوجوده معانا، ونتقيه في بعض..

السبع حاجات دول لو موجودين في أي علاقة، فهي هاتكون علاقة صحية مغيرة للطرفين إلى الأحسن.. علاقة صداقة، علاقة حب، علاقة جواز، علاقة عمل، علاقة علاجية.. أي علاقة..



ساعتها هاتبقى نفسك.. نفسك الحقيقية.. أنت زي ما إنت.. بكلك وبكاملك.. بدون رتوش.. بدون تجميل.. بدون حسابات.. وبدون تخوفات.. لأنك عارف إن الطرف التاني قابلك زي ما إنت.. وبيحبك بدون شروط.. وبيحترمك وبيحترم رحلتك.. وموقفه منك مش بيتغير بتغير أحوالك..

دي اسمها علاقة حقيقية..

تحس فيها إنك موجود.. ومتقدر..

ووجودك فارق.. وإنك تستاهل..

وإنك مش مُضطر تدفع أي تمن.. علشان ترضي أي حد..

العلاقة دي تطمن، وتفرّح، وتغيّر..

العلاقة دي تقرَّبنا من نفسنا ومن الناس ومن ربنا..

العلاقة دى فيها الدوا وفيها الشفا..

هي المفتاح، وهي الباب، علم يُ مُعَالِدُ إِذَا وَ وَهِي الباب، علم يُعْلِمُ إِذَا الْعِلْمُ وَهُمَّا

وهي البيت النفسي الأصيل المنور الدافي..

ربنا يوهبها ليكم، ويرزقكم بيها..

آمين..

آمن..



للتواصل مع د.محمد طه



mohamedtsidik@yahoo.com



Dr. Mohamed Taha



للمزيد من الروايات والكتب الحصرية



للمزيد من الروايات والكتب الحصرية الخروب ساحر الكتب /fb/groups/Sa7er.Elkotob انضموا لجروب ساحر الكتب الحصرية عربية الكتب الحصرية الكتب الكت





















دار تويا للنشر والتوزيع



للمزيد من الروايات والكتب الحصرية

fb/groups/Sa7er.Elkotob/ انضموا لجروب ساحر الكتب sa7eralkutub.com مُمكن تكون أعقد حاجة في الدنيا هي العلاقات بين البشر..

مش بس أعقد.. لا.. هي كمان أخطر، وطبعًا أصعب..

العلاقات بين البيشر زي منا هي أحيد الأسباب المهمية للسيعادة والبهجية والإقبال على الحياة.. ساعات بتكون أحيد أهيم مصادر التعاسية والألم.. ممكن علاقية تطلعتك سابع سيما، وعلاقية تانية تنزلت سابع أرض.. اللي بيبوظ ويشوه ويؤذي النياس علاقية.. واللي بيصلح ويغير ويعالج الناس برضه علاقة..

في كتباب (علاقبات خطيرة) هانتكليم عين أنبواع وأشبكال كتبر مين العلاقبات.. بيدءًا مين علاقتبك بنفسيك.. وانتهاء بعلاقتبك بيكل اليلي تعرفهم..

الكتاب ده عنك..

وعن اللي حواليك..

وعن اللي بينكم..

الكتاب ده.. مش ها يفارقك..

لأنه بكل بساطة..

هايبقى حتة منك..

واحتمال تكتشف مع آخر صفحاته..

إنك شاركت في كتابته..

د. محمد طم



